

IMIBUTO NETIMPHENDVULO



Asichubeke nekuma kwemzuzwana nje sentele umkhuleko.

Nkulunkulu lotsandzekako, siyaKubonga kusihlwa nga, kweku cala, ngajesu Khristu, uMsindzisi wetfu. SiyaKubonga ngenca yekutsi Yena unguye itolo, namuhla, naphakadze. SiyaKubonga ngebantfu labakukholwako loko. Sijabula kakhulu kutsi sinaNkulunkulu, hhayi nje nkulunkulu locatjangwako, sithico lesicatjangwako, umoya locatjangwako; akukho lutfo lolucatjangwa ngako—nguNkulunkulu weliciniso nalophilako lohlala natsi futsi ukitsi futsi usebenta ngatsi. Angenti sithico lesibatiwe kuNkulunkulu, kodvwa tsine simifanekiso lephilako yaNkulunkulu...UMoya loyiNgcwele, hhayi akhuluma ngesitfombe lesibatiwe, kodvwa akhuluma ngesitja lesihengiwe—Nkulunkulu abonakaliswe enyameni. SiKubonga kakhulu ngaloku, iNsika yeMlilo lenkhulu isilandzela, noma tsine siyaYilandzela, njalo, nangato tonkhe tibonakaliso letinkhulu toMoya lofanako wenta umsebenti lefanako beWuhlala uwenta njalo uma Ufika emhlabeni. Indvudvuto lenje pho losinika yona.

² Sibutsene kusihlwa, Nkhosi, kungesiko kwalenye inhoso kuphela kwati kutsi kanjani nekutsi sifundze kutsi kanjani, ngelusito lwaKho, kutsi sibe ngemaKhristu lancono nekuba tikhonti letifanele kancono taleli-awa lesisondzela kulo. Ungeke wasisita yini, Nkhosi; siyaKudzinga. EGameni laJesu. Amen. (Ningahlala phansi.)

³ Bekunaleminye imibuto lengemashumi lamatsatu noma emashumi lamane, a—angati kutsi ngitofinyelela kanjani kuyo. Ngitame kamatima kulentsambama kubona kutsi bengingayehlisa yini ite ifike ngisho esilinganisweni lesijwayelekile, kodvwa angikakhoni kukwenta. Kodvwa ngifuna kusho kutsi ngitokwenta lokwendlula konkhe impela lengingakwenta ku—kuphendvula lemibuto, ngoba imibuto lemihle, isuka etinhlitiyweni temaKhristu. Futsi ngi—ngifuna impela kwenta yonkhe intfo lengiyatiko kutsi iphendvulwa kanjani ngalokwenta ingcondvo ngako konkhe lengatiko kutsi ngiyiphendvule kanjani. Futsi ngi—ngifuna kubonga iNkhosi ngekutsi Isisite kanjani manje ekuseni ekusisiteni kutsi—kutsi sitfole lemibuto nase—nase—timphendvulweni Lesinike tona.

⁴ Manje, nginayo yonkhe nje ekhatsi lapha ibhicene, ngiyacabanga ilikhulu nemashumi lasihlanu ngetulu. Futsi sifike kulengemashumi lamabili, ngiyacabanga, manje ekuseni. Futsi—futsi ngako manje, ngaphambi kwekutsi sicale, ngingatsandza nje kutsi ngisho kutsi uma nomangubani bekafuna kubona lendzatjana kuLibandla *Ligicika njengoba*

tiGubhu tiGicika, umfundisi loyi Presbyterian lapha ahola libandla lakhe emculweni wekutinyukunya, luHlelo lwe-lwelisakhramente... Ake ngibone umzuzu nje.

⁵ “Emalunga ensha ajikela ngephandle emculweni weteluveve—teluveve. Umdlalo wesihe wekubetselwa nge s-a-g-a samanje, umculo wekutinyukunya.” Umfundisi lapha ahola yonkhe insha etulu lapho futsi yendlula emdlalweni wetihe tekubetselwa kwaKhristu, kubetselwa kudlalwa ngemculo wekutinyukunya neweluveve. Yebo-ke...KuseMaryland. Manje, loko akusiyo intfo letsite na?

⁶ Bese-ke, nasi sitfombe salabo...Benginitjela manje ekuseni ngalabobaculi lekutsiwa maBeatles, *Kubuya kwemaBeatles*, futsi nato tindzatjana; kufanele nikufundze nje ephephahbukwini nato tonkhe letintfo letehlukene. “...njengoba kwakunjalo, bekasanza kusungula inkholo lensha.” Manje, menena wawo...Nginenothi lengiyikhipe ephepheni lapha. Aninaso sikhatsi...Uma nomangubani afuna kufundza leti, noma ngingatibeka ebhodini letatiso, khona-ke ningatifundza. Futsi ngifuna kunikhombisa nje li-awa lesiphila kulo liyefusa. Ningahle ningakucondzi, kodvwa, bantfu, tamani kukucondza, kutsi letintfo leti tiyini! Ngibute uMnaketfu Capps, unemfundvo lenhle futsi ukwati kufundza kancono kunami, ngicele yena kutsi afundze loludzatjana loluvela kumenenja wemaBeatles. Ungakhona kukwenta yini, Mnaketfu Capps, kulesikhatsi lesi?

⁷ [Ulandzisa utsi:]

[EmaBeatles ayatibuta ngawo lucobo futsi akaphumi natimphendvulo. “Akukholakali, akukholakali mbamba,” kusho Derek Taylor, sikhulu seliphephandzaba lemaBeatles. “Naba labafana laba labane labavela eLiverpool. Baluhlata, abakhola nje, banenhlama, futsi sebangamele umhlaba. Sekungatsi sebacambe inkholo lensha. BangumphikuKhristu ngalokuphele. Ngicondze kutsi, ngingumphikuKhristu nami, kodvwa bona bangumphikuKhristu kakhulu baze bayangetfusa, lokungesiyo intfo lelula. Kodvwa ngibatsanza ngalokwecile. Akanjalo wonkhe umuntfu na? Ngikutsanza ngalokwecile kwetsembeka kwabo. Nebantfu lababatsanza kakhulu babantfu labafanele batfukutsele kakhulu. E-Australia, sibonelo nje, njalo uma sifika esikhumulweni setindiza, kwakubangatsi kwehle de Gaulle, noma ngetulu noko, Mesiya. Imigwaco yayidvwetjwe emalayini yonkhe, tishosha talahla tindvuku tato, bantfu labagulako baphutfumiswe enhla emotweni kubengatsi kutsintsia lokuvela kulomunye walabafana kwakutobenta baphindze belulame futsi, talukati tema tibukela nebatukulu bato, futsi lapho sisendlula, ngangikubona kubukeka kwabo ebusweni.]

[“Kwakubangatsi kufike lomunye umsindzisi nabo bonkhe labantfu laba bebajabulile futsi bakhululekile, kungatsi tintfo ngandlelatsite tase titobancono manje.”]

[Taylor watsi kuthula kancane wase uhloma sikilidi emlonyeni wakhe. “Intfo lekuphela lesasalele emaBeatles,” watsi, “kuya eluhambweni lwekuphilisa.”]

⁸ Akusiko yini loko Lakusho na? “Labanengi bayokuta kiMi ngalolosuku futsi batsi, ‘Nkhosi angi...?’” Niyabona na? Manje, aniboni yini kutsi ngeke nabeka litsema lenu emikhankasweni yekuphilisa na? Ningeke nabeka litsema lenu kunoma nguluphi luhlobo lwasibonakaliso lesinjalo. Intfo kuphela longabeka litsema lakho kuyo kuku ISHO KANJE INKHOSI lovela eBhayibhelini. Manje, Bandla, ngulapho kanye nje la ngitame kunigcina nikhona, bantfwabami. Futsi uma kwenteka nomayini kimi naNkulunkulu angisusa kulomhlaba, ningalokotsi nehluleke. Kukhumbulen i loku ngayo yonkhe inhliityo yenu: Hhalani naleloLivi! Ningalokotsi nishiye leloLivi! Nomayini lephambene naLo, yiyekeleli kanjalo, akunandzaba kutsi iyini. Khona-ke niyati kutsi Licinisile. Niyabona na?

⁹ Umkhankaso wekuphilisa manje! Indvodza lesoni leyefusa ngisho bomenenja babo lucobo ngenhlamba yabo, nekungcola, nemanyala; nebantfu balahla timboko tabo futsi baphiliswe ngekubuka labafana laba. Kwenyanyeka kakhulu, futsi kungcolile, nemphikukhristu! Niyabona, nguSathane emkhankhasweni wekuhhalatisa. Niyabona na? Wenta nomayini Khristu langayenta, kodvwa akakwati kucinisa Livi. Niyabona na? Uyotsatsa incenye yaLo lapha nencenye yaLo lapha, kodvwa angeke aLitsatse lonkhe kanyekanye. Niyabona na? Angeke aLitfole kanyekanye. Ngako niyabona, akumangalisi liBhayibeli lasho kutsi loko bekungacishe kulutse nalabaKhetsiwe uma bekungenteka: umoya wemphikukhristu.

¹⁰ Manje, ngisho namenenja wabo lucobo weliphephandzaba lapha, losebentela liphephandzaba, ungakubo, uyakholelwakubo, futsi watsi ubanjwe yintfo lefanako, ngoba bamzuzile.

¹¹ Letotintfo letimbi, leto... Manje, aniboni, besifazane, kutsi kungani ngitama kunitjela ngalokugcoka loku tikhindi, kuhhula tinwele, kuphungula tinwele, netintfo. Kungumoya. Kungumoya! Naku kukhonha ngco emaphephabhukwini etfu lahambembili nayo yonkhe intfo yaloko lokukhonjiswako, umculo wekutinyukunya netintfo enkonzwensi. Ngani, kulugibe lwaSathane mbamba, futsi basasolo bangemabandla nemahlelo.

¹² Buyelani eVini, bantfwana, ngekushesha ngangoba nati; futsi ningalokotsi niLishiye! Nihlale ngco naleloLivi.

Niyabona, kutsi ukanjani lowomoya wemphikukhristu, ungakhuluma ngetilimi, ungakhombisa tibonakaliso netimanga; ungaphilisa labagulako; ungenta tonkhe letintfo leti. Niyabona

na? Labobantfu bacabanga kutsi basondzela kuNkulunkulu, kutsi labobafana batfunywe nguNkulunkulu, ngoba libandla lentele phansi Livi.

¹³ Labobafana babelibandla. Elvis Presley uyiPhentekhostali. Pat Boone uyiChurch of Christ. Bukani labo bafo, emaPhentekhostali, iChurch of Christ, nabo bonkhe balabo labanjalo naleyomimoya lemibi ikubo. Red Foley, liphimbo legolide, iChurch of Christ, ihlabela tingoma tenkholo kwangatsi akukho muntfu longatihlabela tona nemculo wekutinyukunya ngeliphimbo lelilandzelako. Ngetitselo tabo niyobati. Bukani emabandla labasontsa kuwo. Elvis Presley bangemalunga e-Assemblies of God. Nako laph'ukhona, ngamunye wabo bekakufuna loko, naSathane ubanika kona.

¹⁴ Aniboni yini, bangani, kanjani... Ningaliyekeli leloLivi. Niyabona, ngumoya longena kini.

¹⁵ Futsi ngitjela laba besifazane, uma batenta babukeke bakhanukisa kuletingubo leti, kutsi Nkulunkulu utokwenta uphendvule ngekuphinga. Uma ningikholwa kutsi nginguloko lenikushoko, inceku yaNkulunkulu, umprofethi, lalelani le lenginitjela kona. Niyabona na? Ningahle ningakhoni kukucondza, futsi uma ningakucondzi, khona-ke yentani loko nje lenginitjela kutsi nikwente. Nkulunkulu uyotfwesa mine licala ngaloko lengikushoko. Niyabona na? Lalelisisani impela, futsi nikhumble kutsi letotintfo tingumoya.

¹⁶ Ngalokwejwayelekile, mhlawumbe umuntfu aka... Niyakhumbula, *Nkulunkulu lombonywe ngesikhumba*, ngashumayela ngako kungesokadzeni (niyabona, niyabona na?)—Nkulunkulu anesikhumba kuko na? Manje, khumbulan nje, labanye betfu batfunyelwa kulelive kutsi babhobokele kulamazinga etindzawo kutositjela letintfo leti. Niyabona na? Kukwati ngaphambili; nguNkulunkulu akhulumma, akhombissa. Uma wehlulela nomu yini ngenyama, ngani, bamsulwa (bukanu lapha), bantfu labakahle, labacotfo, bebanegeke banitjеле emanga nomu lutfo. Nayo yonkhe intfo ngudeveli. Lokholwako, ngisho nekucala umkhankaso wekuphilisa. Niyabona na? Kwakhe impela nje umphikukhristu. Niyabona na? Futsi kunemaPresbyterian nako konkhe loko. Niyawabona lawomahlelo, kutsi enta kanjani, khona kanye nje entfweni lefanako?

¹⁷ Ngani, lapha eLondon, eNgilandi, madvutane nje bebanelicembu lemculo wekutinyukunya kulingisela Khristu, naJuda, nako konkhe loko, ne... Bebabita Khristu nga “Babe-o” futsi bakhulumma onkhe lawomavi lakhulunywa bantfwanyana labahlanyako. Niyabona na? Bantfwana labangematjtji nemabhungu sebabusa umhlaba wonkhe. Manje, niyati kutsi liBhayibheli liyakubiketela loko: Labangabongi, labangasingcwele, labangenalutsandvo,

labephula tivumelwano, bakhapheli bemanga, labangalaleli batali (niyabona na?), ematjitji nemabhungu sekabusa umhlaba wonkhe, futsi sekukwentile.

¹⁸ Ngaya endzaweni ngalolunye lusuku; babedlala loku, lomunye walena lemidzala, imishini lefakwa imali idlale umculo, konkhe lokwaletotintfo. Ngangingafuni ngisho nekutsatsa umndeni wami. Ngatsi kuloyodzadze, “Abita malimi lawomarekhode na?”

“Sheleni ingoma.”

“Utodlala letingakhi ngeli-awa?” Langitjela. Ngatsi, “Nayi imali; kucishe gesi!”

“Awu,” latsi, “Ngeke ngakwenta loko. Labobantfwanyana bangena lapha kuba badlale loko.”

¹⁹ Ngako angisebentisanga imali lapho; ngaya kulenye indzawo. Niyabona na? Awu, letotintfo tatingakwenta ube nekwesaba; wawuyodzingeka wehle uyotsenga siwehle semaphilisi ekucedza buhlungu uwanatse emvakwekuva letotintfo letihlanyako. Loko nje kuyamcansula umKhristu. Uma utsandza lolohlobo lwetintfo, uyati kutsi yini lengalungi ngawe na? Udzinga kusindziswa, ngoba loko lokukuwe kutondla ngalokunye ngaphandle kweLivi. Kutondla nge . . .

²⁰ Wawungeke umcabange Jesu enta intfo lenjengaleywo wawungamacabanga na? Wawungamacabanga munye webaprofethi enta intfo lenjengaleywo na? Aniboni yini, bangani, yonkhe intfo yonkhe indzawo ngudeveli. NeliBhayibheli lasho kutsi uyofika kanjani ngesimo senkholo futsi nje ente impela nje njengaKhristu. Niyabona na? Kodvwa indlela kuphela loyoke ukhone ngayo kukukwati, akusiko kujoyina lelibandla *leli*, noma ujoyine *lelobandla*, kuhlala neLivi; ULivi.

²¹ Manje, iNkhosi inibusise ngamunye. Sitocondza ngco emibutweni. Futsi manje, cishe i . . . cishe li-awa nemizuzu lelishumi nesihlanu . . . Anginawukwati kucedza yonkhe lemibuto. Kunetindvundvuma nje tayo. Ngicabanga kutsi mibuto lemihle. Ikahle kakhulu. Ngitovele ngibondzele nje bese ngitsatsa munye lapha nalapha lapho ngisachubeka. Futsi manje . . . ngiwuphendvule . . .

Nginga . . . ngicabange kutsi kusihlwa ngitokwehla nje, ngidededle lomunye ayifundze, atsi, “yebo” noma “cha,” “yebo” noma “cha,” nge . . . Loko akusiko kwentela bantfu lokwenetisako. Babute leyomibuto kutsi iphendvulwe. Futsi ngeke nga—ngakwenta loko, ngoba ngitotfola loko lengingakutfola; naloko lengingeke ngikutfo, ngiyokutfo, ngesikhatsi lesilandzelako khona lapha.

²² Futsi manje, ngi—ngi . . . Cishe ngeliSontfo lelitako, angati. Ngiyanitjela; uma nitotfola Billy ngalesinye sikhatsi emkhatsini

kwamanje nangaLesitsatfu... Singahle sidzingeke kutsi sihambe.

²³ Manje, nayi intfo yinye. Ngisemuva le etingcogcisanemi. Billy ungikhombise indvundvuma yetingcogcisiwano *letiphakeme* kangaka, lebetilindzile, letinye tato, sekutinyanga. Yebo-ke, ngesikhatsi ngisekhona, ngitofanele ngibambe letinye taleto, bamba lomunye wemhlangano, ngente konkhe lengingakwenta kutsi nje kukulinganisa. Ngitokhuleka kuleliviki ngisahambile futsi ngibute iNkhosi, "Yena Utufuna ngenteni, ngicede lena nomina—noma ngitsatsese tingcogcisiwano na?" Uma ngitsatsa tingcogcisiwano, khona-ke ngitovele nje ngigijime...ngite ekhaya ngeliSontfo bese ngichubeka tingcogcisiwano ngiticedze ndzawanatsite, bese ngichubeka ngco lusuku lonkhe netingcogcisiwano. Futsi uma ngingakwenti, ngani, ngitofanele ngibike tingcogcisiwano eceleni ngite ngibuye futsi. Uma ngingakwenti, khona-ke ngitophendvula... Ngito...Billy utonitfumelela likhadi.

²⁴ Futsi ngiyanitjela; kuhle, labantfwanyana laba labatsandzekako, kunitjela kutsi batsandzana kanjani, lutsandvo labanalo lomunye nalomunye. Lomunye utotjela lomunye nalomunye utotjela...Billy ubita munye nje kulenyi isekhsheni, cishe emakhilomitha langemakhulu lamabili nemashumi lamane, nalabanye labasele utfola labanye labasele. Bayatsandzana. Abafuni kuphutselwa noma yini. Bane... bafuna kuba lapha ngayoyonkhe imizuzu kubona kutsi kwentekani; ngoba uma iNkhosi ingahle inikete lokutsite, bafuna kuba lapha kutsi bakwemukele. Futsi ngiyabatfokotela.

²⁵ Manje khumbulani, bangani labatsandzekako, manje ekuseni ngente sitatimende ngaleminye yemibuto. Futsi ngicapele leminye yale (ya!) noko, ingene manje ekuseni, iphatselene kakhulu nebantfu labatfutsela e-Arizona. Niyabona na? Bengicabanga kutsi ngiyo... kuncono ngikucacise loko, kute nicondze.

²⁶ Manje, ninga—ningocabangi kutsi ngitama kutjela bantfu kutsi bangakha kuphi, nekutsi bangentani, futsi... Manje, ngisho loko, mnaketfu lotsandzekako. Kunebantfu labacotfo lofunu kutfutsela ngephandle lapho. Yebo-ke, noma ngumuphi umuntfu lofunu kutfutsa, ngi—ngitojabula impela, kuphela nje uma ngilapho loku, kakhulu impela njengoba ngilapho... Ngilapha cishe ngalokuphindvwe kalishumi kunoma ngilapho. Ngine... Emkhatsini wamanje naKhisimusi, nginetinsuku cishe letine kuba ngibe lapho. Khona-ke masinya emva kwaloko, ngiya ngesheya kwetilwandle. Ngitoba lapha etabernakeli mhlawumbe emaviki lamabili noma lamatsatfu ngaphambi kwekuba ngiye ngesheya kwetilwandle e—emvuselwani, njengoba ngivamise kukwenta ngalentfwasahlolo. Bese-ke kusukela lapho, nginemhlangano munye kuphela kuyo yonkhe i-

Arizona, naloko kuphuma ngaBhimbidvwane ePhoenix, busuku lobubili neMadvodza labosomaBhizinisi langemaKhristu.

Niyabona? Angi...Uma bantfu *ngephandle* lapho, um, ungayigucula leyotheyiphu? [UMnaketfu Branham ucela kutsi itheyiphu rekhoda icishwe asakhulumba ebandleni. Akucoshwangwa etheyiphini—Umhl.]

²⁷ Manje, njengoba sicala kulemibuto kusihlwa lena, ngitotsatsa munye lapha ne...Niyayijabulela na? Tsanini, “Amen.” [Libandla liyaphendvula, “Amen.”—Umhl.] Ngibona kutsi kunenzozo kitsi ngalesikhatsi lesi. Futsi o, ngikholwa kutsi kafishane e...Ngibuka manje ekuseni ngaphambi kwekwehlela lapha kuletinye—kuletinye tihloko netindzawo letitsite eBhayibhelini, ngacabanga, “O, intfo lesimanga kanje pho lokungaba ngiyo...Sisalindzele kuBuya kweNkhosi, intfo lesimanga kanje pho lobekungaba ngiyo kubuyisela emuva kutotonkhe letotimilo teliThestamenti leLidzala, ngaJobe kwendlulele kuloko, bese ngichuba luhlu lwemihlangano ngato (kungeke kwaba simangaliso leso na?), kunikhombisa nje kutsi bakufanekisa kanjani ngco elusukwini (lonkhe Livi lihlangana ndzawonye), nako konkhe ngetimbubbiso te—netikhatsi tasendvulo nekutsi tifanekiseka kanjani nanamuyla; kutsi yonkhe intfo yeliThestamenti leLidzala ikhulumba ngekufika kweNkhosi Jesu.”

279. Manje, umbuto wekucala lengiwuhoshule lapha: **Mnaketfu Branham, ngabe akukalungi yini kutsi umKhristu afake—afake tinwele takhe tifaswe ngemaphini etinwele letishwilekile na? Futsi, ibe midze kangakanani imikhono yakhe na? Ngiyabonga. Dzadze.**

²⁸ Manje, loko...kusho lukukhulu kuloyo wesifazane. Manje, kulabanye betfu banaketfu singahle sicabange kutsi, “O, lowesifazane losiwula.” Kodvwa—kodvwa akusibo siwula kuye; ufuna kwati.

Manje, mayelana nekufaka tinwele kuloko lokwakuyini, umsila wetingulube nomu lenye intfo na? Ngiyacolisa. A—angitange...Ku...Ngiyacolisa. Iphini yetinwele letishwilene. Ngiyacolisa. Emasethi emaphini, lekutsiwa yimisila yetingulube! Nguloko emantfombatane lebekavame kukufaka eminyakeni leyendlula. Niyakhumbula, luhlobo... Kwakungenjalo loko na? Bebakubita ngemisila yetingulube, luhlobo nje lwetinwele lwetishwilene tilengela phansi na? Cha, kwekubopha emaphini etinwele letishwilekile, ngiyacolisa, bangani.

²⁹ “Ufanele agcoke lokunemikhono lemidze kangakanani na?” Ngi—angicabangi kutsi loko kunentfo letsite ngaloko. Angati. Niyabona na? Lengingenakukwesekela ngeliBhayibheli, a—angifuni kukhulumba kakhulu ngako.

³⁰ Manje, nginitjela nje loku ngekwami, ngoba anginamBhalo wekwesekela loku. Intfo kuphela lenginayo yabodzadze mayelana netinwele tabo kutsi angatihhuli. Kutsi bafuna kutilungisa kanjani, loko kukubo. Futsi mayelana nemaphini etinwele letishwilene, empeleni, angati kutsi tiyini, ngaphandle uma kunguletintfo leti letifana nemaphekisi etingubo lebawafaka etinweleni tabo, kumayelana na—nalentfo kuphela lengiyatiko . . .

³¹ Nebudze bemikhono, ngicabanga kutsi, ngekuba ngumKhristu, Nkulunkulu utokutjela kutsi ufanele wentenjani ngaletotintfo. Niyabona na? Ngikholwa kutsi njengemunfu longumKhristu bewu—bewutokwati kutsi kwentiwa kanjani loko. Angikholwa kutsi Nkulunkulu ukala budze lobutsite noma ngabe kuyini. Kuphela nje uma uzitsile futsi ubukeka uhloniphekile futsi uhlobile, ngi—ngicabanga kutsi loko kulungile. Anicabangi nine? Niyabona na? Manje, lowo nje ngumbozo wami. Manje, lona ngimi, niyabona, ngoba ngingeke ngasekela lutfo ngemBhalo.

³² Ngikholwa kutsi manje ekuseni umbuto uvela mayelana nekupenda tinwele, niyati, nge—ngembala. Manje, ngi—ngi . . . ku . . . Ngi—ngingeke sengisho lutfo ngaloko. Angati, kodvwa a—a—a—anginamBhalo lengingatsi unga—ungatipendi tinwele takho. Manje, loko yi—loko yi . . .

Nine besifazane, niyatsandza kubukeka kahle, futsi nifanele nibukeke kahle. NeMnaketfu Branham akamelani nani bantfwana. Nibantfwana bami; ngi—ngi—ngiyantsandza, futsi a—angifuni kunitsetsisa. Bengi—bengingeke ngikwentele lite; ngitama kuphela kunisita.

³³ Kodvwa manje, bukani, ake nginibute . . . Ake ngisho loku ekuphendvuleni kulowombuto. Manje, senilungele? Nakini nine lenisetheyiphini, naku ke, bodzadzewetfu: Uma kunembuto kuko, ningakwenti. Kodvwa uma u—uma ugcwaliswe ngaMoya waNkulunkulu futsi uholeleka ekuhambeni ukwente, kuphela nje uma kungashayisani nemBhalo futsi kungashayisani nembuto, weneliseke ngalokuphelele kutsi leyo yintsando yeNkhosi, khona-ke chubeka futsi ukwente (uyabona na?), ngoba awukho umBhalo losho kutsi “cha” (uyabona?) mayelana nako. Angi . . . Akusho lutfo lolunjalo eBhayibhelini.

³⁴ Ngiyamat Isaya 5, ngikholwa kutsi nguye, kwakhulumna ngebesifazane, kutsi bayotigcoka kanjani tingubo temicimbi nako konkhe kanjalo; kodvwa loko kwakukutichenya netintfo, kwekfakelwa. Uma wenta loko ngekutichenya, khona-ke akusikahle. Uyabona na? Hlola inhlitiyo yakho embikwaNkulunkulu. Uma kute umBhalo wako, nendlela Moya lakuhola ngayo, chubeka ukwente. Kodvwa manje, uma sekufika ekutseni ungaba nato yini tinwele letindze noma letimfishane, bani netinwele letindze; lelo liBhayibheli.

³⁵ Kunembuto lapha; ngi—ngingahle ngiwuphendvule khona manje. Usekhatsi lapha; ngiwubonile manje ekuseni noma ngalesinye sikhatsi. Utsite, “Uhlala njalo ukhulumka kakhulu ngebesifazane, kutsi abakafaneli kanjani kutsi balungise tinwele tabo, kodvwa awusho lutfo ngemadvodza.”

³⁶ Uma ngibone wesilisa angena lapha anetinwele letindze tehle tilenga emhlane wakhe njengewesifazane, bengiyotsi, “Mnumzane, awuyi ngani esitolo sekuhhula tinwele? Ubukeka njengewesifazane.” Niyabona na? Kodvwa besilisa ngalokwejwayelekile abakwenti loko. Niyabona na? Hhayi njengebesilisa... Manje, kungesiko kutsi angeke babenesiphosiso besilisa, banelicala nje njengoba anjalo wesifazane.

Futsi empeleni, wesilisa loyoyekela umkakhe ente loko, unelicala ngalokuphindvwe kibili kwako, ngoba kufanekube nguye lonelivi endlini. Nalowo wesilisa angeke abuse ngisho nendlu yakhe lucobo; bekangakwenta kanjani endlini yaNkulunkulu na? Niyabona na?

³⁷ Ngibonga kakhulu ngelicembu letfu lebesifazane lesinalo lita lapha. Ngikusho loku ngetinhlonipho nelutsandvo, futsi manje, Nkulunkulu uyakwati loku liciniso. Nga—ngangivame kuba nemngani longumshumayeli entasi eNingizimu lobekanalelinye lalamabandla lawa labukeka ahlanteke kunawo onkhe lengake ngawabona. Lapho kufika kubesifazane, besifazane labahle kunabo bonkhe lengake ngababona bahleti lapho ngebungcwеле, ngekumesaba nkulunkulu, banetinwele letindze. Futsi bengihlala njalo ngikubabata kuya kulelobandla. NeNkhosi Jesu ingiphe libandla namuhla lapha lelikhanya kwendlula lelo ngemakhilomitha lalikhulu nemashumi lasitfupha: besifazane bami.

³⁸ Anginitsetsisi kutsi ngiyanedzelela; kuphela ngijabule kakhulu ngani. Kutsi nje angifuni Sathane afake lunyawo lwakhe kunoma ngukuphi. Niyabona na? Ngifuna nenyukele etulu, ningadedeli emuva. Ningavumeli muntfu kutsi anidukise ngalamanye emalumbo, noma lenye intfo letsite lenjengaley, noma lenye intfo itsi, “O yebo-ke, aku...” Niyabona na? Nguleyondlela Sathane lahumusha ngayo Livi ku-Eva. Niyabona na? Kholwani nje loko lokushiwo Livi. Kulungile.

280. Kuphutfuma kakhulu. Mnaketfu Branham, ngekwati kutsi sikhatsi siyaphela neliphakadze seliyangena, besingatsini seluleko sakho ngetitsandzani letilungiselela umshado na?

³⁹ Chubekani ngeo futsi nishade. Niyabona na? Chubeka ngco kwangatsi nje bewutophila leminye iminyaka lelikhulu lapha emhlaben. Chubeka nje ngco; gcina inhlitiyo yakho ibekwe kuKhristu, hhayi tinhlitiyo tenu kuletintfo leti telive, kodvwa kuKhristu. Niyabona na? Chubekani ngco; nishade, bantfwana. Nkulunkulu anibusise emishadweni yenu.

- 281. Mnaketfu Branham lotsandzekako, ngibhabhatiswe eGameni laJesu. Livi litsi niyokwemukeliswa siphiko saMoya loyiNgcwele. Ngabe loku—ngabe loku kuchaza umbhabhatiso, Moya loyiNgcwele, noma ngabe kuchaza kutsi ngifanele ngemukele siphiko... lesicinisekile... Ngifanele ngemukele sentakalo lesicinisekile ngembhabhatiso na? Ngishisekele kutsi—kutsi ngigewaliswe nga—ngaMoya. Ngiyacela ungcicolele ngalenothi lendze njengoba bengifuna kukubuta lombuto sikhatsi lesidze. Ngiyabonga. Nalomuntfu usayine ligama labo. Babantfu bangephandle kwalelidolobha.**

⁴⁰ Manje, nango-ke umbuto lomuhle. Manje, umbhabhatiso ngaMoya loyiNgcwele usentakalo lesicinisekile umuntfu lafanele asemukele. Manje ake ngitsi kukucacisa loko umzuzu nje. Niyabona na? Manje, bantfu labanengi bane—nemcondvo wekutsi... Ngikholwa kutsi koniwe. Futsi mhlawumbe khona lapha ebandleni nasebandleni lelilalele, kungahle kube nembuto. Manje, uma ngikhuluma ngekungakholelwa ebufakazini lobubonakalako bekucala bekuba naMoya loNgcwele kukhuluma ngetilimi (A—angikwemukeli loko) ngikholwa kutsi ngelusito lwaNkulunkulu kutsi ngingakufakazela eBhayibhelini kutsi loko kuliphutsa (niyabona na?), ngoba kukhuluma ngetilimi kusiphiwo saMoya loNgcwele. Bangakhi lokwatiklo loko na? Kuphilisa kwaNkulunkulu kusiphiwo saMoya loNgcwele, futsi nankha emaBeatles ayakwenta. Niyabona na?

⁴¹ Sathane angalingisa noma ngusiphi saletotiphiwo. Batsakatsikati, batsakatsi bangakhuluma ngetilimi futsi bakuhumushe. Emave langemahlatsi, tikhatsi letinengi batsakatsi bayokhuluma ngetilimi, banatse ingati lesesikobheni semuntfu, futsi bahumushe tilimi lettingatiwa.

⁴² Ngephandle e-Arizona ngesikhatsi banemdanso wemkhosi lomdzala wemdanso wemmbila, emaNdiya atigoca ngaletinyoka leti tetinkunzi uma etama kuhuleka kuNkulunkulu kutsi awatfumelele imvula yemmbila wawo. Akubita ngekudansela ummbila. Atsatsa sishakato semmbila, ayigabe, bese benta lifu lelincane, bese bayadansa. Nenyanga-mtsakatsi iphume ifake timphondvo enhloko yayo, timphondvo tenyatsi. Futsi badansa naletinyoka leti tetinkunzi batigabile, nebatsakatsi nalabanengi bebabhemi bemapipi netintfo ngasendzaweni... Abamvumeli umlungu abe ngalapho ngalesosikhatsi, kodvwa ngiwabukile ngetipopolo letibonisa khashane, futsi nginebangani labangemaNdiya loyile emidansweni yawo; lelo ngulawo langesiwo emaKhristu, kusobala. Futsi adansa lomdanso wemmbila abambe letinyoka leti. Nemtsakatsi aphume, bese utisika yena ngemikhwa, nayo yonkhe lenye intfo, futsi ekugcineni bangena emoyeni, bese bakhuluma ngetilimi futsi bakuhumushe.

⁴³ Ngine...nginganiyisa ngco kungapheli ewema-awa lamatsatfu noma lamane kusukela manje, lapho khona sangoma siyobeka ipeniseli etafuleni, bese sivukwa madloti nato tonkhe tinhlobo tetintfo, bese tijikitisa tandla tato; naleyopeniseli iyosukuma bese ibhala ngetilimi letingatiwa, nemtsakatsi uyokuma bese uyakutjela kutsi kutsini.

⁴⁴ Manje, lobo akusibo bufakazi bekuba naMoya loNgcwele. Niyabona na? Ungeke wetsembele kuloko. Ungeke wetsembele esitselweni saMoya, ngoba sitselo sekucala saMoya lutsandvo. NeSayensi yemaKhristu ise bentisa kakhulu lolunengi lutsandvo kunanoma ngumuphi umuntfu lengati ngaye, futsi baphika ngisho naJesu Khristu anguNkulunkulu. Niyabona na? Kunabunye kuphela bufakazi bekuba naMoya loyiNgcwele lengibatiko, naloko kukholwa kwelucobo eVini leletsenjisiwe leli-awa!

⁴⁵ Manje, lawomaJuda ayafika; bekanalenengi inkholo kunaley o bafundzi bebanayo. Bekayindvodza lececeshwe kancono emiBhalweni kunaloko bafundzi bebangiko, ngoba bebabadwebi, batselisi, nakanjalonjalo. Futsi bekanekukholwa sibili nekukholwa kwelucobo kuloko lebekakwenta. Manje, lalelisisan manje; ningakugeji loko! Niyabona na? Uma sekufika ekuben i kube titselo taMoya, kuba nemusa nekuba mnene, ngiyacabanga kwakungekho ngisho namunye walabo mphristi lobekangeke sekamendlule Jesu Khristu kuko. Waya ethempelini, weluka tintsambo, wababuka ngekutfukutsela, wase ugenula ematafula abo, wase uyabacosha baphuma kulendzawo. Ngabe loko kunjalo na? LiBhayibheli latsi Wababuka ngekutfukutsela. LiBhayibheli lakusho loko. Loko kunjalo impela.

⁴⁶ Ngako niyabona, labo umphristi bebanebubele, bamnene, emadvodza lacondzako. Uma sekuta etitselweni taMoya, bebakwati kubonisa letinengi titselo taMoya kunaloko Jesu lake wakwenta. Uma sekufika kusayensi yetenkholo, bebangati... bekanesikolwa lake Waphuma kuso. "Uvelaphi lomuntfu lona? Wavelaphi na? Nguliphi likhadi lenhlanganyelo lebekanalo? Ngabe wayiphi inhlango na? Asati lapho avela khona. Ngekwelucobo bekangumfo lolahliwe lobekatelwe ngekutalwa kwelivezandlebe. Ngani, besingamehlisela lapha emizuzwini lembalwa bese nginikhombisa ngemitsetfo..." Bebanelilungelo lekwenta loko labakwenta uma sekufika kuloko. Ngani na? Ngoba behluleka kubona kutsi BekanguleloLivi leletsenjisiwe leli-awa. Indlela kuphela labakucondza ngayo, ngesikhatsi Jesu enta Livi ngekukhona kubatjela lebebanako etinhilitiywени tabo, lebebakadze bakwenta... BekangumProfethi ngekweLivi laNkulunkulu. Loko Lakusho kuyafezeka, lonkhe livi, livi ngelivi.

⁴⁷ BekangumProfethi waNkulunkulu, iNceku, Nkulunkulu umProfethi. Hhayi...Kwaku—kwa—kwakungaphambi

kwalapho, umprofethi waNkulunkulu, futsi lona nguNkulunkulu umProfethi, hhayi umprofethi waNkulunkulu. Lowo kwakunguMalakhi, Jeremiya, na-Isaya, na-Eliya, nakanjalonjalo, kodvwa lona kwakunguNkulunkulu umProfethi, hhayi umprofethi waNkulunkulu. Seniyakutfola manje?

Bonkhe baprofethi labafanekisa imphilo yaKhe ngaletinceny, badlala indzima yabo, kodvwa kuYe kwakukuGcwala kwabo bonkhe baprofethi. Baprofethi, Livi leNkhosi leta kubo, baprofethi, kodvwa Leli kwakuLivi nemProfethi, uMuntfu lofanako. Niyabona na?

⁴⁸ Manje, manje, uma umuntu emukela Khristu ngendlela Lakuyo, ungeke wakwemukela kuyi... Niyabona na? Manje, labanye babo batsi, "Yebo-ke, ngiyiLuthela." Yebo-ke, akukho lutfo loluphambene naloko, kodvwa tiNkhozi atitondli ngaloko. Niyabona na? Loko kwakunguloko lokwakungiko; lokokudla lokusekusha kwalolosuku.

"NgiliWeseli." Loko kulungile, kodvwa uphila esikhatsini lesendlulile. Uyabona na?

Manje, labobantfu batsi, "Ngani, sina-Abrahama longubabe wetfu."

Lowomprofethi watsi, "Nkulunkulu angamvusela Abrahama bantfwana kulamatje lawa." Niyabona na?

"Sisontsa kuleli. Sisontsa kulelo."

Loko kwakungakahlangani... Watsi, "Nine ntalo yetinyoka, ngubani lonecwayise kutsi nibalekele lulaka na? Ningacali kutsi nitsi, 'Sina-Abrahama longubabe wetfu,' ngoba Nkulunkulu angamvusela Abrahama bantfwana kulamatje lawa." Niyabona na?

⁴⁹ Ngako ngekuba ngusosayensi wetenkholo loceceshwe kahle bekangakaphatselani ngalutfo nako. Ngekuba mnene nekuba nebubele kwakungakaphatselani ngalutfo nako. Yini leyaMenta wehluka na? BekaLivi lentiwe inyama, hhayi Livi lelusuku lwaMosi, Mosi bekalwalolosuku, Livi; hhayi Livi letinsuku taNowa, Nowa bekaLivi lwalolosuku; hhayi lusuku... Livi lwelusuku lwa-Eliya, Eliya bekanguleloLivi lwalolosuku; kodvwa BekaLivi lesikhatsi samanje, futsi bebaphila emuva.

⁵⁰ Intfo lefanako iyaphindzeka! Lobo bufakazi lobubonakalako bekuba naMoya loyiNgcwele, uma Nkulunkulu embula kuwe futsi uyakubona, ISHO KANJE INKHOSI futsi ukwemukele. Hhayi loko longiko, lowawungiko, noma lutfo ngako, kunguloko lokwentelwe nguNkulunkulu manje. Nabo ke bufakazi lobubonakalako.

⁵¹ Jesu watsi... Usinika bufakazi lobubonakalako bekuba naMoya loNgcwele, Johane 14. Watsi, "Nginalokunengi kutsi nginitjele kona. Anginasikhatsi sekukwenta, kodvwa uma Moya

loNgcwele efika, Utonitjela, anikhumbute tintfo leNginitjele ngato, futsi ngitonikhombisa tintfo letitako.” Aniboni yini? Nabo ke bufakazi lobubonakalako. Lobusho kungakenteki nekuba... kuba nekuHunyushwa kwebuNkulunkulu kweLivi lelibhaliwe. Manje, lobo akusibo yini bufakazi lobubonakalako bemprofethi na?

⁵² Umbonisi eBhayibhelini kwakungumuntfu lobekakwati kusho ngaphambili futsi kwakuba ngulokuphelele, impela, hhayi umuntfu lotsite lowabeka tandla etikwakhe, leso siphiko. Umprofethi umiselwa ngaphambili futsi watalelwa kuba ngumprofethi. Niyabona na? Yonkhe imphilo yonkhe kwakungumprofethi, leso sikhundla. Ngulapho la bantfu...

⁵³ Leminengi yalemibuto lapha ngekutsi: “Yebo-ke, ngabe uMlobokati uto...?” “Ngabe *loku*...?” “Libandla ne...” Niyabona na? U-ungeke wakwehlukanisa labangiko. UMlobokati unguloKhetsiwe waNkulunkulu. Libandla lihamba lendlule... Ngulabo Lelitsi, “Loyo lotsandzako, akete.” Kodvwa uMlobokati unguloKhetsiwe waNkulunkulu.

⁵⁴ Kunetkhundla letisihlanu letikhettwe nguNkulunkulu. “Ngoba Nkulunkulu umisile eBandleni baphostoli, baprofethi, bothishela, belusi, bavangeli.” Nkulunkulu wakwenta loko. Umuntfu unemadikhoni nakanjalonjalo, nako konkhe lokunye, kodvwa niyabona, kodvwa Nkulunkulu umisile eBandleni kutsi kupheleliswe liBandla; ngeke walehlukanisa.

⁵⁵ Manje, Moya loyiNgcwele, uma Efika, Ungufakazi kini (niyabona na?) kutsi leLivi licinisile, Livi lanamuhla, hhayi Livi laLuther, Livi, hhayi laMosi. Siyafakaza kutsi LiliCiniso, kodvwa ngulolunye lusuku.

⁵⁶ Manje, kube-ke Jesu bekangafika bese utsi, “Manje, njengoba Mosi efika futsi wanikhisha nonkhe eGibhithe, Sengifikile nginiyisa kulenyen indzawo letsite ke”? Kube-ke Bekatsite, “Asihambeni siyosebenta futsi sakhe umkhumbi. Ngi—ngiyiNkhosi Nkulunkulu, Ngi—Ngitontantisa umhlaba usuke manje. Ngitomitiswa umhlaba, bonkhe babo”? Ngani, Bekayobe uphumile e... Niyabona, umBhalo awuzange sewutsi Bekatofika kanjalo. Niyabona na? Bekangeke abe nguMesiya. Akunandzaba kutsi umkhumbi lomkhulu kangakanani Bekayowakha, noma ngabe ngukuphi Lebekakwentile. Usasolo anga... Bekangeke akufanele kuba nguMesiya. Haleluya! Nako lapho ukhona! Kufaneleka! Yebo, mnumzane!

⁵⁷ BaseKhorinte bekuCala 13 usho loko: “Uma sekufikile loko lokuphelele, loko lokuyincenye kuyoyekelwa.” Ngako tonkhe letintfo leti letincane tekugcuma phansi nasetulu njengemntfwanyana, utama kukhuluma ngetilimi, nato tonkhe leti letinye tintfo, uma loko lokuphelele... Futsi sinako namuhla, ngelusito lwaNkulunkulu, kuhunyushwa lokuphelele kweLivi nekucinisekiswa kwebuNkulunkulu! Khona-ke

loko lokuyinceny e kuyayekelwa. “Lapho ngisengumntfwana, ngakhulumisa kwemntfwana, ngacondzisa kwemntfwana; kodvwa kutsite sengiyindvodza, ngayekela kwebunftwana.” Amen! Nangingashumayela ngingabe ngisafika kuletintfo leti.

282. Mnaketfu Branham . . . (Ngabe ngiwucedzile lowona? Ngabe ngifikile ekukhulumeni ngembhabhatiso waloNgewe... Yebo, loko bekumayelana nawo, bekungesiwo? Kulungile. Ngiyacolisa, uma ngingawutfoli, ngitsetseleleni nje. Ngi... Lena yimibuto lemhile impela nje. Bewungahlala nje bonkhe busuku bunye embutweni munye nje, mnaketfu, bese-ke singakutsintsi ngisho nekukutsintsa.) **Ngiyakutfokotela njengenceku yaNkulunkulu, kukholwa . . . futsi ngiyawukholwa loMlayeto weliCiniso.** Umkami angeke angive... asho noma yini... asho noma yini ngaloMlayeto, futsi angeke alalele kwasatheyiphu. Ngisenkhatsatweni yekuguliswa yimizwa emsebentini wami futsi. Ngifuna umkami kutsi akholwe naye futsi ukhulekele bantfwana bami. **Mnaketfu Branham, ngifuna kuba ngumngani wekwaNkulunkulu . . .** Ngifuna kutfolakala ngisentsandvweni yaNkulunkulu **ngemphilo yami.** Ngifuna kuba yinceku yaKhe. (Nemuntu usayne “*ngetulu*” Manini umzuzu.) **Ngesikhatsi ngisemncane, ngatjela wonkhe umuntfu kutsi ngangifuna kuba ngumshumayeli.** Angati kutsi Nkulunkulu ufuna ngenteni. Ngiyavuma kuyentela nomayini iNkhosi. Wakho eNkhosini.

⁵⁸ Manje, umbuto lomuhle. Nalendvodza icotfo. Umkayo, sitandwa sakhe lesiyinceny e yayo... Ngingengeta lokutsite lapha kuloko na? Bazalwane bami, ngikusho loku eGameni leNkhosi. Ngalolunye lwaletinsuku leti, iNkhosi itsandza, ngicabanga kutsi ngitochubeka nje futsi ngente leyotheyiphu ngeMshado neDivosi (niyabona na?), ngikuletse khona lapha etabernakeli. Uma kwehlukanisa, kuyofanele kwehlukanise nje. Kodvwa sitofakaza kutsi Livi leNkhosi.

⁵⁹ Bukani, bazalwane bami. Lalelani loku. Niyati yini kutsi tikhatsi letinengi utfola umlingani longasiwakho lapha emhlabeni? Lamanye latsite lamahle lansundvu, noma laluhlata sasibhakabbaka, noma emehlo lamphunga akuwungela endzaweni le-lebewungakafaneli ulalele. Lamanengi indvodza iyakubona loko.

⁶⁰ Indvodza leshadako ifanele kucala isondzele kuko ngekukhuleka kakhulu. Anikafaneli nikhetse besifazane ngekuba bahle ngephandle, kodvwa babebahle ngekhatsi, loyo loyoba ngumake kubantfwana bakho.

⁶¹ Ngiyati loku kutovakala kabi kakhulu kumfundisi kutsi asho loku epulpiti. Kodvwa ngangivamise kuhamba ne-nebatsengi betinkhomu ngesikhatsi ngiseNshonalanga.

Sasitsenga tinkhomo temtalanisi, futsi bebafunga kucala umhlambi. Futsi ngafundza lokunengi kakhulu lapho kutsi... ngesikhatsi ngisacaphela labobadayisi endzaweni yendali netintfo lebebatenta, labobatsengi. Ngangivamise kuhamba nemfo lomdzala, uta lapha ebandleni nami, futsi ngamholela kuKhristu, umphikinkholo lophelele kwekucala nje, uMnumz. Jevez. Labanengi benu bayamkhumbula, umfuyi wetinkhomo ngephandle kwaseColorado. Sasihamba, futsi bebafika... enkhomeni.

Ngibone linkhonyane lelincane lemotalanisi ngalelinye lilanga litsengisa ngemadola latinkhulungwane letilishumi nakunye, linkhonyane lelincane nje; lalingakaze like likhwelwe. Ngase ngitsi...naJeff watsi, “Kube benginemali, bengiyoyifaka kulelonkhonyane.”

Ngase ngiyacabanga, “Manje, nangu umfuyi wetinkhomo; uyayicondza ibhizini yakhe.” Ngatsi, “Jeff, kungani bewunga... Yini leyimfanelo? Iluhlobo IweHereford. Lolu lolusandza kutsengiswa esikhashaneni lesendlulile ngemadola langemakhulu lamatsatfu, kimi, belibukeka lilinkhonyane lelikhulu ngalokutse gcagca nayo yonkhe intfo.”

⁶² Watsi, “Buka, Billy, yinye intfo longayicondzi ekutsengeni tinkhomo.” Watsi, “Ngicabanga kutsi ufanele ubambelele emgwacweni wakho ushumayela.” Kodvwa watsi, “Awuticondzi tinkhomo.” Watsi, “Manje, buka lelonkhonyane entasi lapho.” Sahamba sehlela lapho. Watsi, “Uyakubona loko kuhlahlemehlo kwebulwane emehlwani alo?”

Ngatsi, “Ya.”

Watsi, “Bantfwana balo, nebatukulu balo, nebatukulu bebatukulu balo, bebatukulu, bebatukulu bayobe basolo banaloko kuhlahla emehlo kwebulwane.” Wase utsi, “Bayotenta babe ngulababi. Abayuze babe ngumake emankhonyaneni abo.” Wase utsi, “Bewungeke wawakhuluphalisa; angeke aze ente inyama yenkhomo.” Watsi, “Buka lelinkhonyane lelincane lapha lelitsengisiwe. Buka kutsi libukeka linekulunga kanjani. Buka loko kubukeka kwekuba nekuthula ebusweni balo, loko kubuka lokunemusa, akukho kuhlahla emehlo kulo.” Watsi, “Liyoba ngumake sibili elinkhonyaneni lalo; nelinkhonyane lelinkhonyane lalo, nelinkhonyane lelinkhonyane liyochubeka nekuba ngaleyondlela.” Wase utsi, “Onkhe ayoba bomake, uma angatfola luhlobo lolufanele lwenkunzi yemtalanisi kulelonkhonyane (uyabona na?), leyokwenta bantfwana balo. Kodvwa loko kubuka kwekuhlahla emehlo ebusweni kuyohlala njalo kwenta umhlambi wetinkhomo lomubi, uma umuntfu atama kutsenga tinkhomo.”

Ngatsi, “Yebo, mnumzane! Ngiyabonga.”

⁶³ Nentfo lefanako iyasebenta ngebesifazane. Utsatsa munye walobobuso lobupendiwe nemehlo abukeka anekuhlahlekla,

abukeka afana neluhlobo lolutsite lwesilwane, atama kutona yena lucobo ekubeni sidalwa lesingumuntfu, akayuze enta nomayini. Uyogijima ngaso sonkhe sikhatsi. NebuKhristu abusibo buhle lobungephandle, bona bungekhatsi: bekuthula, kutithulela, batihlobise ngalonekuthula, umoya lonekuthula, lokulinani lelikhulu embikweNkhosi. Nguloko lesifuna kukubuka kubessifazane, nakuwesilisa, futsi noma ngabe ngubani. Manje...

283. Mnaketfu Branham: Imibuto: Ufanele yini wesifazane longumKhristu kutsi afake bucwebe lobungaduli nje, njengeneklesi noma emapharele na?

⁶⁴ Yebo-ke, Dzadze, ngiyati loku kusho lukhulu kuwe, futsi kusho lukhulu ngami ngawe kutsi ubeke litsembarakho ekutseni ngitokutjela liciniso. Manje khumbulani, liBhayibheli latsi, “Uma uhloba, ungahlobi nge—ngebucwebe lodulako, nemapharele, nato tonkhe tinhlobo tekufaka bucwebe, kodvwa loko akube kuhloba kwekuthula, nekubindza, nemoya lomnene (lengisandza kukucaphuna nje), lokulinani lelikhulu embikweNkhosi.”

⁶⁵ Manje, angikacondzi ngaloko, Dzadze, kutsi kuba bewuneliphini... Manje, lona ngimi akusyo iNkhosi. Kube bewuneliphini lobewufuna kulifaka, noma ineklesi lencane indvodza yakho lekupha yona, noma mhlawumbe kwakho... intfo lefana naleyo loyifikile, manje, kimi, angicabangi kutsi loko kubi. Manje, lowo ngimi nje. Manje khumbula, ngitenta ngicace; lowo ngumbo wami. Kodvwa ngicabanga kutsi kukusondzela kuko; yindlela lokwenta ngayo. Uyabona na? Yinjongo lesemvakwako. Futsi uma ubona kutsi kuyakubamba, khona-ke yiyekele kanjalo lentfo. Kodvwa ngicabanga kutsi uma ufake indandatho yakho yemshado...

⁶⁶ Manje, ngiyanati nine bantfu bemaNazarini, kwakuvamise kutsi ningambhabhatisi ngisho nekumbhabhatisa wesifazane lofake indandatho yemshado. Niyabona na? A—angikholwa, kutsi kudzingekile. EBhayibhelini bebfafaka tindandatho temshado, kuphela kwakuyintfo lesalibhande bebakubita ngayo, bakubophele enhloko yabo, tincetu letiyimfica temali kuko. Kodvwa ngi...kukhombisa kutsi bebashadile. Manje, ngicabanga kutsi loko kulungile.

⁶⁷ Uma besifazane bafuna kugcoka futsi—futsi batente babukeke bahloniphekile, bahlantekile, bafana nabodzadze, ngani, ngicabanga kutsi akunankinga kuloko, kimi. Kodvwa uma utobeka leyontfo ekukwenteni kube kutichenya lokuncane, khona-ke uneliphutsa. Simo sakho.

⁶⁸ Nine besifazane niyakhumbula lapha kungesiko kadzeni bebanaloko lebebakubita ngekutsi “tiketi letinemchewu”? Ngicabanga kutsi setiyaphuma futsi, noma setimbi kakhulu. Bani... Ya, tiya, “hlambalata” manje, esikhundleni sekuba,

“nemchewu.” Kodvwa bebabame kuba nemdlalo emuva kungesiko kadzeni... Bebanemantfombatane, besifazane labasha... Futsi kusobala, lalabadzala bayakwenta nabo, ngoba bonkhe bafuna kuba basha. Angikacondzi nine bodzadzewetfu, ngiconde besifazane baseveni. Futsi bebajuba tiketi tabo—tabo etulu kuphakame, cishe tiphakame ngelifidi ngaso sonkhe sikhatsi, bese bagcoka lolunye luhlolo lwengubo yangaphansi babukeke kahle. Futsi kwakutsi uma batsatsa sinyatselo, yayiveta sembatfo sangaphansi lesineleyisi, nemafrili, noma ngabe kwakuyini kuyo. Lokukutsi, niyati...

⁶⁹ Kwakune—nentfombatane lefika kimi, lokwakuyintfombatane yayiliDunkard, yayisandza kwemukela Moya loNgcwele nje. Yayisontsa e-Assemblies of God, futsi loko kwakuseFort Wayne, e-Indiana, lapho ngangishade khona. Futsi ifika kimi, lomuhle dzadze lomncane, wase utsi, “Mnaketfu Branham, ngifuna kukubuta umbuto.”

Ngatsi, “Kulungile, Dzadze, utsini?”

Watsi, “Ucabanga kutsi akukalungi yini kutsi intfombatane i—intfombatane lengumKhristu igeoke ‘siketi lesinemchewu?’”

Ngatsi, “Dzadze, leyo yintfo le—lengingayicondzi nje. Yini ‘siketi lesinemchewu?’” Futsi wangitjela kutsi siyini. Nga...

Watsi, “Siveta lipitikoti.”

⁷⁰ Ngatsi, “Yini—yini kubesifazane lengamenta afune kuveta tingubo takhe tangaphansi kulomunye wesilisa na? Yini lebeyingaba... Inamsebenti muni—muni intfombatane lengumKhristu kwenta intfo lenjengaleyo? Ungake umcabange nje umKhristu na?”

⁷¹ Manje, buka, wesilisa, akukho lokunengi kuye uma sekuta emtimbeni. Futsi yena, uma beka hambe ngcunu hhafu, bekunga—bekungeke kubekhona lihlazo kuko. Kungesiko kubambela wesilisa, kodvwa ba... Niyati kutsi—hloboluni lwewesifazane lebekangalingwa nguweisilisa logcoke lihembe lakhe netikhindi nomangabe yini lekebanayo? Intfo lebukeka isidlakela lesikhulu lesidzala, ibukeka ilengise timphahla futsi igula, ngi... kubi kabi. Niyawabona lamadvodza ngephandle lapha... Yebo-ke, ngicabanga kutsi bekungenta wesifazane ahlante kubuka intfo lenjengaleyo. Kube bekane... Kodvwa manje, tsatsa wesifazane bese umbeka kanjalo, lelo lithempeli lelehlukile. Niyacondza na? Kulungile.

⁷² Kodvwa ngicabanga kutsi mayelana neneklesi, noma... Manje, uma uhamba utiva kwagatsi uye esitolo setintfo tabosheleni entasi lapha nemagnethi kuwe, ngi—ngicabanga kutsi... Ngiyacolisa ngaloko, bengingakacondzi kusho loko kanjalo, kodvwa loko—loko kuliphutsa.

⁷³ Uma noma yini ingijikisile kwekucala iphambene nekwami... yangenta ngaba nemahloni ngeMerica, kwaku...

Ngangise Switzerland ngalelinye lilanga, neMnaketfu Arganbright nami sasitfole indzawo lenhle entasi le ngase Lausanne lapho sasingatfolo khona lenkhulu, inyama yenkhomo lekahle, leyitsi ayibeyindingilizi lenkhulu *kangaka*, yesindza cishe emakota lamatsatfu eliphawondi, ngiyacabanga, lebita emashumi lamatsatfu emasenti ngekwemali yaseMerica. O, sasiphilisa kwemakhosi! Onkhe malanga sasewukela lapho. Futsi bonkhe lapho banatsa liwayini, niyati; emanti abo akalungi. Futsi ngangingeke ngilinatse lelowayini, ngako ngatitsengela lijeke lelincane e...ekhemisi lebelinemanti lahlotjisiwe. Futsi ngaphatsa lelojeke nomaphi lapho ngangiya khona. Ngiyacabanga wonkhe umuntfu wacabanga, “Lowomfana utfwala inkantini yakhe lucobo.” Ngako nganginawo esandleni sami. Sehlela lapho kulendzawo lapho khona tonkhe ti—titsengisa leyonyama yenkhomo, futsi ngalolunye lusuku *Nobuhle waseMerica* washayela wenyuka. Cishe luhlobo lwemoto i’28 Chevy, bekanenja lesamdola ihleti ematsangeni wase uyayingenisa leyo lapho, futsi bekanalokwenele...Labo besifazane lababili bebanebucwebe lobenele basesitolo setintfo tabosheleni, letinkhulukati, tintfo letindze, nemacici, futsi alenge abheke phansi, napende; futsi bobabili baneminyaka lengemashumi lasihlanu budzala, babadzala ngangami. Futsi wawungacabanga kutsi bebafunga kuba nelishumi nesihlanu. Kodvwa batama kwentani na? Batama kushayela umgwaco wemphilo babuka esibukweni sekubuka emuva, babuka emuva kuloko lebebavamise kuba ngiko.

⁷⁴ Manje, umKhristu akakwenti loko. UmKhristu akatami kuba nguloko lebekavame kuba ngiko; akabuki lapho ake abakhona, ubuka lapho aya khona. Niyabona, niyabona na? Ungakunaki lowawungiko ngalesosikhatsi; sewuvele ukuphilile loko kwengca. Awusayuphindze ubuyele kuko; loko kukulokwendlulile. Futsi noma ngumuphi wesilisa loshayela umgwaco wemphilo abuka ngesibuko sekubuka emuva utoshayisa; futsi utoba kanjalo nawe kulomgwaco wemKhristu. Ungabuki emuva kuloko lowawungiko, buka kuloko lotoba ngiko. Pawula watsi, “Ngikhohlwa ngaleto tintfo lesetendlulile, ngiphokphele emgomeni wekubitwa lokukhulu.”

⁷⁵ Manje, kodvwa kukwente waba nemahloni. Baletsa lena lencane, injá lendzala lenukako ekhatsi lapho base bayihlalisa etikwelitafula! Manje, loko kungenta noma ngubani ahlante! Futsi adlala naleyonja khona lapho, bayimisa khona lapho etulu ngetandla tabo, bese-ke bahamba bayodla ngato letotandla letifanako! Naloweta ufika laphaya, futsi bekaceketsa lokutsite. Dkt. Guggenbuhl bekanami; wacala kuhleka, wase ujikisa inhloko yakhe.

Ngatsi, “Yini i—utsini ke?”

Ngatsi, “Loweta utsite, ‘Kususe loko!’”

Batsi, “Cha, unguwaseMerica; myekele.” Ngalamanye emagama, “Akakwati lokuncono.” Niyabona na?

⁷⁶ Ngesikhatsi ngifika eSaint Angelo eRoma (manje, kucabangeni loku), eVatican eRoma, eTaliyane, bebaneluphawu etulu eSaint Angelo: “Kubesifazane baseMerica: Ngaphambi kwekutsi ningene kulomedze lokwakulahlwa kuwo tidvumbu, sitani nigoke timphahla kuhlonipha labafile”; libandla laseKhatolika. Niyabona na?

284. Umbuto: **Mnaketfu Branham, uyoba kuphi uMlobokati lapho umhlaba sewuchuma futsi usha uphela?** Ngabe Uyoba sendzaweni njengoba bantfwana baka-Israyeli bebaseGosheni ngesikhatsi kwehla tinhlupho na? Ngabe uMlobokati uyoba semhlabeni ngesikhatsi loku kwenteka na? **Uma kunjalo, kuphi? Futsi ngabe uMlobokati wonkhe uyoba sendzaweni yinye ngesikhatsi seluHlwitfo na?**

⁷⁷ UMlobokati, lapho umhlaba uchuma...Sikhatsi seluHlwitfo siyoba kuvuswa kwalabafile nekuhlanganiswa ndzawonye kwalabaphilako, ngoba...nalabaphilako, kutsi kwentek luHlwitfo. Manje, kodvwa uMlobokati...Manje, niyabona, lokunye kwako luHlwitfo emuva lapha ngaphambi kwsikhatsi seminyaka leyiNkhulungwane. Futsi lapho umhlaba sewusha kusemuva lapha emvakwesikhatsi seminyaka leyiNkhulungwane nasemva kweSihlalo sebukhosи lesiMhlophe sekweHlulela. Niyabona na? LabaNgcwele bayokhempa etikwebubanti bemhlaba lapho Sathane enyuka akaka leliDolobha lelitsandzekako naNkulunkulu unisa umlilo nesibabule kuvela eZulwini futsi kubabhubbise. Kulungile. Manje, lowo ngumBhalo.

285. Futsi, Mnaketfu Branham, ngyakholwa kutsi wesifazane ufanele atfobele indvodza yakhe. Kodvwa uma wesifazane longumKhristu anendvodza lesoni lengeti ngisho nakuyinye yetinkonzo takho...lengeti nakuyinye yetinkonzo takho futsi ingeke...futsi ifuna umkayo kutsi ente tintfo, ahhule tinwele takhe, agcoke tikhindi, futsi aye etindzaweni tekungamesabi nkulunkulu, ngabe lona wesifazane ufanele yini atfobele lendvodza ngalendlela na? Ngicela uchaze loku ngalokucace kakhulu, njengoba lona ngumbuto lovamise kubutwa kanengi.

⁷⁸ Cha, Dzadze, awumtfobel umuntfu lonjengalowo. Cha nhlobo. Ngalesizatfu lesi uyoshiya yonkhe intfo futsi unamatsele kuNkulunkulu. Manje, intfo...Uma ufun...leyondvodza ifuna kuhlala nawe, futsi wena u...hlala ungumKhristu... Kodvwa uma itokwenta ugcoke tikhindi, uhhule tinwele takho, futsi wente tonkhe leti letinye tintfo, netindzawo tekungamesabi Nkulunkulu, ufun kucala uMbuso waNkulunkulu nekulunga kwaKhe. Awukaboshelwa kumuntfu lonjengalowo. “Kodvwa kuphela nje,” liBhayibheli litsi, “njengoba wesifazane

atfokotile nalowesilisa atfokotile kutsi bahlale ndzawonye (niyakukhumbula loko na?), aba . . .”

Futsi manje, lena, angiyibhalanga imiBhalo phansi, ngoba ngivele ngayitsatsa nje (niyabona na?) emizuzwini lembalwa leyendlulile. Ngitsatsa munye manje bese-ke lowo lengingenasikhatsi . . .

⁷⁹ Kodvwa Pawula watsi kuphela nje uma ba . . . indvodza lengakhola inalongakhola . . . noma umfati lokholwako noma kanjalonjalo, umfati lokholwako akahlale nendvodza lekhola, kuphela nje uma angakaphambani manje naNkulunkulu. Uma itfokotile kuhlala naye . . . “Chubeka, S’tandwa, uma ufunu kuya enkonzweni, loko kulungile; kodvwa angiyi. Angikholelwa kulo; angikaphatselani ngalutifo nalo. Kodvwa chubeka; loko kulungile.” Kodvwa uma itsi, “Ungeke wakwenta,” manje kunentfo leyehlukile. Awukaboshelwa kuloko ke; yehlukanisela Nkulunkulu yonkhe intfo.

286. Mnaketfu Branham, ngabe ku (Ase sibone.) . . . kumunfu lona—lonalophilako, umlingani lodivosile lophindze ashade ngaphambi kwekuta eMlayetweni kutobangumshumayeli?

⁸⁰ Yebo-ke, kuweku Cala Thimothi 3:2, uma nifuna kubhala loko phansi, naThithusi 1 kuya kule 6 (Ngibhale lowo phansi), ngifuna nifundze loko kwalombuto. Niyabona na? Uma indvodza—uma indvodza ifisa sikhundla sekuba ngumbonisi noma umshumayeli (lenye intfo letsite ebandleni), itofanele ibe nemfati munye nje. Kunjalo! Umfundisi. Manje, lowo ngu Thimothi weku Cala 3:2, naThithusi 1 kuya kule 6. Manje, Thithusi 1 kuya kule 6, ya! Kulungile. Manje, caphelani kutsi liBhayibheli lasho kutsi leyondvodza lengumfundisi endlini yaNkulunkulu iyoba nemfati munye. Manje.

287. Mnaketfu Branham lotsandzekako, cishe iminyaka lelishumi leyendlulile Nkulunkulu wahlangana nami manje futsi waphilisa loko siphiko selutsandvo, noma wembula kutsi siphiko selutsandvo sasiyini, nalokufanako ke umkhuleko wami uwe . . . ukutsi ngitobuya. Ngabe ngitosemukela ngaphambi kwekutsi ngife? Ngabe umyen'i wami utoliva Livi, nekutsi ngitokwentani na?

⁸¹ Loko kutsi akube ngumbuto. Manje, utsite . . . Manje, lokungiko lapha, noma lo . . . utsite, “Umyeni wami,” ngikholelwa ekutseni kungaba nguwesifazane losho loku. Manje, walahlekelwa lutsandvo lwakhe lwekucala. Niyabona na? Wa-wabanda eMoyeni. Manje, Dzadze, mhlawumbe ngoba usaloku uta enkonzweni futsi wente lokungiko, awukalahlekelwa yinsindziso yakho, kodvwa ulahlekelwe yinjabulo yensindziso yakho. Davide wakhala eNkhosini ngalesinye sikhatsi, “Nkhosi, buyisela kimi injabulo yensindziso yami.” Usenguye umKhristu,

kodvwa ngi...lofuna kukwenta, Dzadze, kudedela yonkhe lenye intfo lokwatiko kutsi kanjani, futsi ufune Nkulunkulu, futsi ukhuleke.

⁸² “Ngabe umyeni wami uyoliva Livi, futsi ngitokwentanjanina?” Njengoba ngishito manje ekuseni, bani nebuswayi nje: “Nine ninguswayi wemhlaba.” Umyeni wakho uyoyibukisisa imphilo yakho lemsulwa, nemyeni longakholwa utongcweliswa eNkhosini ngemfati lokholwako. Funa iNkhosi nje, hlala utfobekile, futsi ukhuleke ngaso sonkhe sikhatsi, unika Nkulunkulu ludvumo, futsi ungulonemusa kumyeni wakho kuphela nje uma avuma kuhlala nawe ngaleyondlela.

288. Kwetinkonzo tangeliSontfo: Uma wesifazane enta lokungakafaneli ne... (Manje, awume kancane; kuncono ngitifundzele kucala lona. Niyabona na? “...nendvodza leshadile, iyaphendvuka futsi ikulungisa ngekwe...ngabe udzinga ku...umfati nendvodza babesekhatsi, ngisho nomalomfati angati lutfo...” Kulungile. Loku kulungile.) **Uma wesifazane enta lokungakafaneli ne—nendvodza leshadile, aphendvuke bese ukulungisa nemyeni wakhe ngekwemiBhalo**, ngabe uyadzingeka yini kuya kumfati walendvodza lephatsekako, ngisho nomalomfati angati lutfo ngako; nomalombana ngabe lona ngumsebenti wendvodza kumtjela kucala; nomalombana ngabe udzinga kulinyatwa na? Singahamba sigcinephi nalokubuyisana loku uma sekuphelile futsi sekwentiwe, nalapho bungani buphatseka na?

⁸³ Yebo-ke, Dzadzewetfu lotsandzekako, yinye kuphela intfo loyentile lelungile. Bewuphatseka, ngiyacabanga, nomalomunye lomatiko lophatsekako, esentweni lesingakafaneli, kutsi utsetse sithandwa salomunye wesifazane futsi naba nesento sebudlelwano. Futsi ngesikhatsi nisenta, wawa lapho emseni wakho. Khona-ke uyaphendvuka, futsi bewungeke uphendvuke uze ubuye lekulendvodza futsi ukulungise. Ufanele utsatse umyeni wakho bese uya kuleyondvodza, lowakwenta. Futsi kwakunguleyontfo lowawufanele uyente; lowo ngumBhalo, bewufanele ukwente.

⁸⁴ Dzadze ufika kimi kungesiko kadzeni uvela khona lapha eLouisville, kutsi yena, njengewesifazane losemncane, ugijima nendvodza futsi—futsi-ke li...Bekati kutsi bekenta lokungakalungi. Wase ushiya lidolobha, wase uya kulelinye lidolobha khashane le, wase untjintja ligama lakhe, wahlala nalabanye bantfu. Nalendvodza yamlandzela futsi yamtjela ngesikhatsi ifika laphaya, yayinetimphahla kuye. Utوفanele ahlale angumasihlalisanе kuyo nomalombana yayitokusho. (Futsi ngesikhatsi angalapho, washada nendvodza lengumKhristu lenemoya lomuhle.) Futsi watsi uma angakakwentanga, bekayoyichumisa yonkhe lentfo, wamsongela; ngako-ke, wadzingeka ahlale nalamadvodza

omabili, lokukutsi wenta lokuliphutsa, esikhundleni sekuveta bunguye bakhe ekucaleni. Futsi bekaneluswane, futsi manje, intfombatane seyitsi ayibe neminyaka lelishumi nesiphohlongo budzala futsi akati kutsi ngumuphi longuyise wakhe mbamba. Manje, sewungena esigabeni sekuyekela kuya esikhatsini, futsi sekumtfolile. Manje, angantanjani na? Ngatsi, “Kunayinye kuphela...”

Watsi, “Uma ngitjela umyeni wami, utongishiya; futsi uma ngi...indvodzakati yami ikwati, lentfombatana itotibulala.”

⁸⁵ Ngase ngitsi, “Uma ukugodla enhlitiywani yakho, utoya esihogweni. Manje, tibonele wena ke.” Yinye kuphela intfo yekutsi uyente, kutsi uhlobise sileyidi sakho. Kunjalo impela. Yetsembeka nje.

⁸⁶ Niyati, tikhatsi letinengi emibonweni, kutsi bantfu bafika kanjani, besifazane nebesilisa; Moya loyiNgcwele uvumbulula letotintfo labatentile emuva emphilwени futsi (nivile ngako futsi nikubonile, niyati. Niyabona na?), futsi ubatjele letotintfo labafanele batente.

Batsi, “Yebo-ke, sengi—ngivele ngikulungisile neNkhosi.” Kodvwa uyakukweneta kumyeni wakho noma kumkakho kutsi uhambe uyobatjela. Kunjalo. Ufanele ukuvume loko.

⁸⁷ Manje, lomuntfu, uma anguye lonelicala, ukwentile; uyile kumyeni wakhe. Manje, sewutihlambululile, Dzadze, ngoba emkhatsini we... Wa-waphingela umyeni wakho. Waya kumyeni wakho wase uyatihlambulula kumyeni wakho, wase-ke uya kulendvodza nemyeni wase uyatihlambulula lapho. Sewuhlambulukile. Uma umyeni wakho achubeka neku—kufuna kuhlala nawe, loko kukuye. Akadzingi kutsi akwente manje, kodvwa u—kodvwa uma afuna kuhlala nawe futsi akutsetsele, khona-ke bani ngudzadze ngalokwenele kutsi ungaphindzi ube nelicala lentfo lenjengaleyo futsi. Kodvwa uma angakutsetseleli, khona-ke leyo yindzaba yakhe—yakhe lucobo. Angakulahla. Kunjalo impela.

⁸⁸ Kodvwa manje, lendvodza lowaba nesento nayo, manje, ngiyo lefanele iye kumkayo futsi itsatse umkayo bese ibuya kuwe. Sewukwentile lokucondzene nawe, manje sekusikhatsi sayo kwenta lokucondzene nayo. Niyabona na? Incenye yesibili...

⁸⁹ Lona wesifazane waba nesento nalendvodza, wase utsatsa umyeni wakhe, wakuvuma, wase uya kulelenye indvodza wase uyakuvuma, wase uyakulungisa. Manje, indvodza lelandzelako yayiyindvodza leshadile nayo; manje, itofanele iye kumkayo bese itsatsa umfati futsi ite emuva kulomfati. Khona-ke sekulungile. Niyabona kutsi ngicondz kutsini na? Sekwentiwe ke. Kodvwa ngaphandle kwaloko, usasolo unelicala, futsi phansi enhlitiywani yakho uyolahlw ngelicala.

⁹⁰ Nganginewesifazane kungesiko kadzeni enhla lapho lobekakadze analoko kusukela kwaba neMphi yeMhlaba yekuCala. Wase utsi, “O, Mnaketfu Branham.” Bekacitsa emakhulu emadola kubodokotela bengcondvo nayo yonkhe intfo. Ngangihleti lapho ngimbukisisa kulelogumbi. Meda wamletsa wamenyusela lapho. Bekahleti lapho ashila liduku etandleni takhe kanjalo, watsi, “Ngiva kwangatsi lomhlaba utobhama, futsi ngi . . .” konkhe kanjena.

Ngachubeka nje nekuhlala lapho. Ngatsi, “Manje, kukhona lokumayelana ne . . . Unentfo letsite emphilweni yakho ndzawanatsite na?”

“Cha, nginguthishela waSontfo sikolwa.”

Ngatsi, “Kulungile.” Ngahlala lapho kancanyana ngase niyabukisisa. Ngatsi, “Ngibona imoto lencane leluhlata satjani, futsi unendvodza lenenhloko lemhloshana, nesitimela sicishe impela shishayisa imoto.”

. . . ? . . . Watsi, “Ungakutjeli muntfu loko!”

Ngatsi, “Umyeni wakho bekasemphini ngalesosikhatsi.”

Wacala kukhala, wagcuma waya etulu, “Ungakusho kumunfu loko.” Niyabona na? Loko kwakuphansi le ekuveni lokuncane kwanembeza wakhe. Watsi, “Ngikuvumile loko kuNkulunkulu kadzeni.”

⁹¹ Ngatsi, “Kodvwa awume kancane. Awuzange wente lokungakalungi kuNkulunkulu. Wente lokungalungi esifungweni sakho semshado. Ufanele ubuyele kumyeni wakho futsi ukulungise loko kucala.”

Watsi, “Utongishiya.”

Ngatsi, “Nkulunkulu sewukushiyyile nomakunjalo. Ngako manje, ngumuphi lofuna akushiye?” Ngatsi, “Yani kuye.”

Wase utsi, “O, ngi—ngi . . . Utokwenta *loku*, futsi nginebantfwana lababili.”

Ngatsi, “Yebo-ke, nguloko kuphela lengingakutjela kona. Sati setifo tengcondvo asizange sikukhiphe loko kuwe, kodvwa Moya loyiNgcwele ukwembulile; futsi angikaze ngikubone emphilweni yami.”

Watsi, “Kunjalo impela!” Watsi, “Yebo-ke, nge—ngeke nje sengimtjele.”

Ngatsi, “Yebo-ke, ngi . . . Ngiyajabula kutsi ngibonane nawe.” Ngachubekela kulelinye likamelo, futsi wabuya ekhatsi lapho.

Meda watsi, “Ukufuna ngekhatsi lapho futsi.”

Ngaya lapho; ngase ngitsi, “Ufunani na?”

Wase utsi, “Mnaketfu Branham, ngingeke ngakutjela loko kumyeni wami!”

Ngatsi, "Umyeni wakho uyindvodza lenenhloko lemnyama."

"Ya!"

Ngatsi, "Unentfo lefanako lafanele ayivume kuwe."

Watsi, "O, hhayi umyeni wami!"

Ngatsi, "Kuncono uhambe umlandze bese nita lapha"

Ngatsi, "Uyamati wesifazane *lotsite*, logcoka ingubo lephinki, losebenta ehhovisi leluhlobo *lolutsite* lwenkampane yetimoto na?"

Watsi, "Impela!"

Ngatsi, "Abambiti ngeligama *lelitsite*?"

"Ya!"

Ngatsi, "Emavikini lamabili lendlulile bahlala ngaphansi kwesihlahla sebhishi ne...bahleti emotweni yeChevrolet lensane lensundvu lenenombolo yelayisensi lekutsi-nekutsi, futsi bekasesentweni lesifanako."

Watsi, "Hhayi umyeni wami!"

Ngatsi, "Kulungile, hamba umlandze bese nita lapha."

Wasuka. Imizuzu lembalwa, naba babuya. Watsi lowesilisa, "Liciniso lelo!"

Ngatsi—ngatsi, "Uyabona na? Manje hamba utjele Nkulunkulu!"

⁹² Kodywa kucala, uma uta e-altari futsi ukhumbule kutsi kunalokufanele, hamba kucala futsi ulungise loko. Futsi uma kuphela nje lona lomunye umshadikazi lapha anelicala lekungamtjeli umkakhe... Lomfati sewutihlambululile. Manje, sekukuye nemyeni wakhe. Kodywa lena lenye indvodza nemfati wayo utofanele ete ahlambuluke kuko. Futsi ungeke... Akunandzaba kutsi wentani, kuyokubuyela kukuhluphe kuphela nje uma usaphila uze ukugeze kuhlanteke. Yinye kuphela indlela yekukwenta: Kuvume. Uma kukuyobula sikhumba, kwente nomakanjani. Khuluma liciniso, khona-ke sewunako kukahle. Amen!

⁹³ Sengiva incumbi etheyiphini itsi, "Lelo liphutsa." Kodywa kutame nje kanye bese uyabona kutsi akunjalo yini. Kulungile.

289. Umbuto wangeliSontfo ekuseni: (Ngiyacolisa ngulesikhatsi lesi, kodywa...) Ekwemukeleni khona manje **Moya loNgewe**, noma **umbhabhatiso waMoya loNgewe**, ngabe **ukhona yini umehluko?** Ngabe umuntfu **uyakhuluma yini ngetili?** Uma kungesiko njalo, **ngukuphi kubonakaliswa lokwatiwako?**

⁹⁴ Yebo-ke, ungatsini nje make atala luswane futsi angalwati na? Bekangaba nguloculekile kutsi angakwati. Kanjalo ungeke sewumemukele Moya loNgewe ungati. Kukhona lokwentekako kuwe. Uyabona na? Kukhona intfo lekuguculako. Yonkhe

inchubo yekusebenta kwakho, yonkhe inchubo yakho yakamoya seyentiwe yaba yinsha futsi, futsi uba sidalwa lesisha kuKhristu, njengoba liBhayibheli likubeka, *lokusha lokudaliwe* kuKhristu. Uyakwati.

⁹⁵ Manje, wena utsi, “Mnaketfu Branham, ngako-ke awukholwa kutsi umuntfu ufanele akhulume ngetilimi kutsi emukele Moya loNgewe.” Akusiko kufakazela kutsi unaMoya loNgewe.

⁹⁶ Ngingatsandza kutsi ngabe lilunga ngalinye lelibandla lami likhulume ngetilimi. Ngingatsandza kutsi akwente loko, futsi uma...ngikholwa kutsi uma ucela Nkulunkulu, Nkulunkulu utokupha kona. Kodvwa ake nginitjele; ngati incumbi yebantfu lokhuluma ngetilimi kepha angenaye Moya loNgewe. Futsi akukho mfundisi loneliciniso ngaye nangelibandla lakhe ngaphandle kwaloyotjela libandla lakhe lokufanako. Develi angakulingisa loko.

⁹⁷ Pawula watsi, “Noma ngikhuluma ngelulwimi lwebantfu nelwetingelosi, naloku nje nginikela ngemtimba wami kutsi ushiswe njengemhlatjelo, naloku nje ngicondza tonkhe timfihlakalo teLivi, naloku nje nginikela ngayo yonkhe imphahla yami kulabaphuyile, nato tonkhe letintfo leti, kepha nangingenalo lutsandvo, ngisasolo ngingesilutfo. Nginekukholwa kutsi nginganyakatisa tintsaba nalokunye nalokunye; ngisasolo ngingesilutfo.” Wase utsi-ke, “Loko lokuyincenye kuyoyekelwa uma sekufikile loko lokuphelele,” noma, “uma loko lokuphelele sekwentiwe kwatiwa.”

Manje, nginembuto kuloko. Ngiyetsema kutsi ngitofika kuko kusihlwa, ngekutsi kwentekani ngesikhatsi tiMphawu tivulwa. Futsi ngicabanga kutsi mhlawumbe loko kutofika kahle kini ngalombuto.

290. Umbuto: Mnaketfu Branham, sitokwentanjani? Info letsite ihleli etikwami lengingakhoni kubhobokela. Ngelikwindla lelendlulile, ngaphupha ngangilahlekile esihlabatsini lesimhlopho. Kwakuwalala; bengingakhoni kutfola indlela yami. Leliphupho leli lhleli nami kusukela kwaba sekwindla lelendlulile. Manje, nginjengalowo lodvunguta ebumnyameni. Indvodzana yami (E-r-v-...), Ervin, nemkami bebambandzakanyiwe kulelipupho lami. Manje, nabo basebumnyameni. Sisekushisekeleni—sisekushisekelweni. Ngikholwa kutsi Nkulunkulu utokubonisa kutsi yini i—kutsi yini lesetinhliiyweni tetfu manje. (Nkkt...O, kulungile.) Uma sineliphutsa nomatindzawo letonako, sitjele. Sifuna kuhamba ngeliciniso.

⁹⁸ Angimati lodzadze, kodvwa ngiyeva nje uma ulapha, dzadze, kutsi nayi inkhatsato yakho. Uvumele info letsite yenteka kuwe lekwente waguliswa yimizwa, ngoba ngekuba setihlabatsini letimhlopho kumelele “bumsulwa nekulunga.” Futsi uvumele nje

Sathane abeke linye ngetulu kwakho. Liphupho lakho lifakazile kutsi kute lokungalungi. Kuphela uguliswa yimizwa, futsi ngekwenta loku nekucabanga loku, wenta wonkhe umndeni wakho uguliswe yimizwa. Yekela kukwenta; bita emalungelo akho lowanikwe nguNkulunkulu. Liphupho lakho liyafakaza ngekuhunyushwa kutsi *usetihlabatsini letimhlophe*. Yonkhe intfo ilungile. Nguwe, cobo lwakho, loguliswa yimizwa.

⁹⁹ Futsi wayekela lilunga linye nje lemndeni liguliswe yimizwa, kuya elungeni lelilandzelako, nelilunga lelilandzelako, nentfo yekucala nonkhe niyaphikisana futsi niyachubeka. Nelilunga linye lemndeni litsi kuphatfwa kabi yintfo letsite, kuphatsa kabi lelinye, nalelinye, nelelinye, intfo yekucala uyati wonkhe umndeni uphatseka kabi. NguSathane. Bese-ke uma lilunga linye lemndeni litfokota, onkhe lalamanye akatfokota nalo. Ngako wonkhe lowomndeni utama kwenta loko.

¹⁰⁰ Tamani, ngamunye wenu bantfwana, kutsi usite babe wakho, make. Make, wena...Babe, tama kusita bantfwana. Ungawuvumeli lowo lohwalele, umoya wekungakhola ube ngakuwe. NingemaKhristu. Nitalwa nguMoya waNkulunkulu. Nine niluswayi lwemhlaba. Ninemalungelo leniwanikwe nguNkulunkulu. NeliBhayibheli latsi, "Uma kukhona lokuhle lokubongekako, uma kukhona lokuhle, cabanga ngaletintfo leti." Ningazindli ngentfo leliphutsa.

Futsi Dzadze, ngicabanga kutsi nguleyo inkhatsato yakho, Dzadze lotsandzekako.

Bengingahlala kuloko sikhatsi lesidze, kodvwa ngaloko lengikwetsembisile, imizuzu lengemashumi lamabili nje... Futsi ngitsanza kutfola nje leminengi yalena...uma kungenjalo, bayibuyisele emuva edeskini futsi ngitokutfola futsi.

291. Labanye batsi uMnaketfu Branham uyiNdvodzana yemuntfu mbamba. Ngangicabanga kutsi leNsika yeMlilo yayiyiNdvodzana yemuntfu lucobo. Ngineliphutsa yini?

¹⁰¹ Yebo-ke, lowo ngumbuto lomuhle, lomuhle kakhulu. Kodvwa angisiyo yona mbamba iNdvodzana yemuntfu lucobo, kodvwa ngiyindvodzana yemuntfu. Kunemehluko lomkhulu. Jesu Khristu bekayiNdvodzana yemuntfu mbamba, leNdvodzana yaNkulunkulu, iNdvodzana yemuntfu, iNdvodzana lucobo yaDavide.

¹⁰² Manje, sizatfu sekutsi lowombuto mhlawumbe ubutwe lomuntfu noma ushiwo, kungoba bantfu bangitsatsa ngekutsi ngingumboni, lengingazange...Nginembuto ekhatsi lapha nje longichumisako ngaloko. Niyabona na? Kodvwa ngi—ngi—ngi...u—u...Uma ngifundza lemibuto nitobona kutsi kungani ngiphendvula tintfo ngendlela lengenta ngayo. Ngite ngiholeleke ngalokucinisekile kutsi ngente lokutsite (niyabona na?), khona-

ke ngito—ngitokusho lelengifanele ngikusho. Kodvwa lelo-awa alikefiki.

¹⁰³ Ngako angisiyo i—i—iNdvodzana mbamba legcotjiwe. Angitisho kutsi ngingumprefethi waYo. Tikhatsi letinengi ngikusho lapho ngingakacabangi kutsi ngikushito, ngitibambe cobolwami etheyiphini. Kodvwa ngiyakusho loko ngalesinye sikhatsi, ngoba uma ufunu kukuniketa ngemagama, *umprofethi* usegameni lesiNgisi lelikutsi nje “umshumayeli.” Nomangubani uyakwati loko; tfola sichazamagama. Uyabona na? *Umprofethi* ngu “mshumayeli” ngaphansi kwasichazamagama sesiNgisi. Kodvwa ngaphansi kwesiHebheru noma siGrikhi, *umprofethi* ngu “mboni, lowo lobona tintfo tisengakenteki futsi asho tintfo tisengakenteki.” Kodvwa ngaphansi kwelihumusho lesiNgisi, *umprofethi* ngu “mboni.”

¹⁰⁴ Ngako angifuni kutibita nganoma yini ngaphandle kwemnakenu. Ngingumnakenu, futsi ningitsatsa njengeMnakenu Bill, noma uMnakenu Branham, noma ngabe yini lenifuna kuyenta ngaloko. Loko—loko—loko kuhle, loko ku—loko kukahle kakhulu. Loko lokukholwako, kugcine loko kuwe lucobo. Uyabona na?

¹⁰⁵ Futsi manje, bewutsini loyo lomunye umbuto na? Ngibese ngitsatseka kakhulu kulena, ngiyakholwia kutsi tintfo betiyini. Lomunye wayo bewutsi, “Ngabe bengiyiNdvodzana yemuntfu mbamba yini?” futsi...Naku ke lengikukholwako. “...iNdvodzana yemuntfu noma iNsika yeMlilo yayiyiNdvodzana yemuntfu na?” Cha! iNsika yeMlilo iluGcobo.

¹⁰⁶ iNsika yeMlilo...Manje, loku kungahle kutsi kujula kancane ngaphandle uma kungulabanye benu bosiyazi betenkholo, Dkt. Vayle, mhlawumbe uMnaketfu lapha, nalabanye balabafundisi lapha labavela e-Arkansas, nebangani bami labalungile, mhlawumbe batokwati.

¹⁰⁷ Manje, leyoNsika yeMlilo *yiLogosi* leyaphuma kuNkulunkulu. *iLogosi*, empeleni iyincenyeye yekuGcwala kwaNkulunkulu. Ngesikhatsi Nkulunkulu aba sesimeni kuya lapho Beyingabonwa khona, Kwakulugcobo lwaMoya lomkhulu lowaphuma, kutehlisa kwaWo, uta wehla, Nkulunkulu, uYise, *iLogosi* lebeyisetulu etikwa-Israyeli, leya...Bekangcwele, bekangeke atfwale sono. Kwadzingeka kube nemnikelo wengati khona kanye nje e-Edeni. Yase-ke leyo*Logosi* iba yinyama futsi yakha emkhatsini wetfu; futsi lapho *leLogosi* yahlala khona emtimbeni wemuntfu, lokwakungumhlatjelo...

¹⁰⁸ Ngesikhatsi umuntfu entiwa ngemfanekiso waNkulunkulu...Wase-ke Nkulunkulu uyebla ngemfanekiso wemuntfu kutohlenga umuntfu; loko kwaletsa umuntfu naNkulunkulu babandzawonye. Emazulu nemhlaba kwagacana futsi kwangana; Nkulunkulu nemuntfu bangana njengebuBabe

nebudvodzana ngesikhatsi *iLogosi* iba yinyama futsi yahlala emkhatsini wetfu.

¹⁰⁹ Jesu watsi, “Ngavela kuNkulunkulu, futsi Ngiya kuNkulunkulu.” Ngabe kunjalo na? Emvakwekuwa kwaKhe, kungcwatjwa, kuvuka, nekwenyuka, ngesikhatsi umtimba uyiswa etulu kutsi uyohlala ngesekudla saNkulunkulu... Manje, angisho kutsi Nkulunkulu unesandla sangesekudla, Nkulunkulu unguMoya. Kodvwa *ngesekudla* sisho “ngemandla neligunya laNkulunkulu.” Kutsi ngaleloGama yonkhe intfo leseZulwini yetsiwe ngaLo futsi iyaLitfobela. Yonkhe intfo lesemhlabeni yetsiwe ngaLo futsi iyaLitfobela, liGama lelingenetu kwemagama onkhe, Jesu Khristu.

¹¹⁰ Manje, le*Logosi* lebeyikuYe, lokwakunguMoya waNkulunkulu, luGcobo, ngemusa longcwelisako weNgati, yaletsu lamanengi emadvodzana kuNkulunkulu, agcotjwe ngale*Logosi* lefanako.

¹¹¹ Manje, ngelusuku lwePhentekhosti Yehla, leyoNsika yeMlilo, futsi yehlukana kanjalo, netilimi temlilo tahlala etikwalowo nalowo wabo, hhayi tilwimi tabo, kodvwa tilimi temlilo tahlala etikwalowo nalowo wabo, licembu lelikhetsiwe, licembu lelikhetsiwe, likhonjwa ngaleNsika yeMlilo, akhombisa kutsi Nkulunkulu bekaTehlukanisile nemuntfu. Niyakutfola na? Nkulunkulu, *iLogosi*, atehlukanisa Yena lucobo angena kumuntfu! Nkulunkulu, hhayi kumuntfu munye, UseBandleni laKhe umhlaba wonkhe. Kungaleso sizatfu Jesu atsi, “Lemisebenti leNgiyentako mine niyyoyenta nani, leminengi.” Manje, ngiyati iKing James itsi, “lemikhuludlwana,” kodvwa kuhunyushwa lokungiko lapho kutsi “leminengi” kunalona niyawuyenta.” Nkulunkulu bekatifake njengasebhodleleni futsi wativalela kuMuntfu munye, Jesu Khristu. Kodvwa manje Sewutifake njengasebhodleleni futsi wativalela kulo lonkhe liBandla lemhlaba wonkhe laNkulunkulu loPhilako.

¹¹² Khona manje, Nkulunkulu sewulapha ukhulumma natsi etinhlityweni tetfu, Use-Africa, Use-Asia, Use-Europe, UseNgilandi. Nomaphi lapho emakholwa abutsene khona ndzawonye, Ulapho emkhatsini wabo.

¹¹³ Manje, emvakwekuwa kwaKhe, kungcwatjwa, nekwenyuka, nekufika kwaMoya loNgewe, Pawula asendleleni entasi, lobekanguSawula, aya eDamaseko, washaywa walahlwa phansi yiNsika yeMlilo, *iLogosi*. Futsi leloJuda lalingeke libite leyoNsika yeMlilo ngekutsi, “Nkhosi,” ngaphandle uma beliYati kutsi kwayi*Logosi* bantfu bayo labayilandzela ehlane. Niyabona na? Manje, leyo kwakungesiyo iNdvodzana yemuntfu mbamba, kwakuyi*Logosi*.

¹¹⁴ Manje, sikusho loku ngenhloniphо yekutitfoba, nelutsandvo, nekuhlonipha. Niyabona na? Njongoba Jesu Khristu anguye itolo, namuhla, naphakadze, kantsi futsi kutsi ngetinsuku

tekugcina, njengoba kwakunjalo ngaphambi kthesikhatsi saLoti, noma ngesikhatsi saLoti eSodoma, kuyoba njalo ngelusuku lapho iNdvodzana yemuntfu Letembula ngalo yona futsi, Itembula yona. Manje, ngalolu tinsuku tekugcina le*Logosi* lebeyisetikwaJesu, loko Lebesabe ngiko esuke kuloko wabuyela eNsikenyeMlilo futsi futsi sewehlela phansi emhlabeni waya e (bengitosho lokutsite, kodvwa ngibukisisa itheyiphu. Bebaneke bakukholwe loko uma ubatjelile. Bekungeke kwente mehluko. Bona... Bantfu bebaneke bakukholwe, kodvwa ngitokweca loko), kodvwa yehlele loko, njengekwehlulela lokuphenyako kuyachubeka.

¹¹⁵ Futsi manje, leNsika yeMlilo lenkhulu ngekwelucobo lekhonjwe ngisho nangamakhamera esayensi, loko kulapha emhlabeni namuhla... Naso ke sitfombe saYo silenga lapho. Ngikhola kutsi siselapho, loko akunjalo yini? Silapho na? Sifakazelwe yisayensi ngulendlula yonkhe lesinayo. George J. Lacy, inhloko ye FBI yeminyatseliso yemino netincwadzi, watsi, "Bengikubita ngesayensi yengcondvo cobolwami, Mfundisi Branham, kodvwa," watsi, "kukhanya kwashaya le-lensi. Ngasibeka ngaphansi kwekukhanya kwe altra-reyi futsi wabanekuhlola lapha tinsuku letine noma letisihlanu. Nalokukhanya kwashaya i-lensi. Nale-lensi ingeke iyitsatse isayensi yengcondvo!" Manje, loko kukhonjiwe.

¹¹⁶ Manje-ke bukisisani imisebenti yaYo. Yona, emkhatsini wetfu, ifakazela kutsi Jesu lofanako lowake waphila ePhalestina, loMoya lofanako lowawusetikwaKhe sewufikele etikweMtimba Waze wabuya ebuNhlokweni futsi, lokukutsi Uyeta masinyane kubita loMtimba. Amen! INhloko ita eMtimbeni. Niyakutfolana? Leyo kuyoba yiNdvodzana yaNkulunkulu, iNdvodzana yemuntfu, iNdvodzana yaDavide, loNGINGUYE, iMbali yaseSharoni, uMnduze wesiGodzi, iNkhanyeti yeKusa.

¹¹⁷ AngisuYe; ngiyinceku yaKhe. NeNsika yeMlilo ayisuYe; Isesimeni saMoya (niyabona na?) lowasetikweNdvodzana yemuntfu futsi ifikile manje kugcoba emadvodzana emuntfu, kubuyisa inkonzo njengoba Asho impela nje kutsi kuyoba njalo, kute iNhloko nawo wonkhe uMtimba kutsi uchumane ndzawonye.

¹¹⁸ Njenge—njengesivivane nje njengoba Enoki asakha. Futsi siyatfola kulesosivivane, abazange balitfole litjelenhloko etikwaso. Ngani na? Litje-leNhloko lisatokuta. Tinyatselo letisikhombisa e—esivivaneni... Sitokwendlula kuloko ngalelinye lilanga, futsi ngitotsandza nje kunikhombisa kutsi impela iphelele kanjani ngemBhalo.

¹¹⁹ Futsi manje, uma nicaphela emalini yenu lelidola laseMerica, lelotje lelikhulu leliyinhloko, liso, kutsi, "LuPhawu loluKhulu." Luyofika.

Futsi caphelani lawomatje... Ngabe bekakhona lapha lowake waba setivivaneni taseGibhithe na? Yebo-ke, uma nicaphela... Ya, lapha, kunetandla lapho lesisetulu emuva lapho. Kulungile. Lawomatje abekwe lapho ngalokuphelele kakhulu, nalesosicongo, lapho sigojana lesincane cishe ngasesicongweni saso, uma lelotje lita, liyoba njengedayimane lenkhulu lifanelana kahle ekhatsi lapho liphelele nje nalo.

¹²⁰ Manje, lelotje lalingekelenele kahle phansi lapho kulesosisekelo lesingaphansi, kanjalo angekelenele esisekelwensi sesibili noma sisekelo sesitsatfu. Liyokwenela kuphela esisekelwensi lesisesicongweni, lapho sakhiwo sonkhe sesenele etjeni. NaJesu angeke efike kute kubeliBandla, uMtimba wemakholwa nenkonzo Lake wayishiya iyofanele ifane ngalesosikhatsi njengoba kwakunjalo ngalesosikhatsi ku... Bese kutsi-ke, loko kuletsa... “Bona ngephandle kwetfu abakapheleliswa,” kwasho Pawula, emaHebheru 11. “Ngaphandle kwetfu bangeke bapheleliswe.” Bafanele babe nalenkonzo kuvusa iLuthela, emaWeseli, nabo bonkhe phansi kusukela eminyakeni yabo. Uma sekufika loko, uma leyoncenye yekutsi lapho tinkhozi tibutsene khona... “Njengoba nje sidvumbu sinjalo tinkhozi tiyobutsana,” imibuto bewunjalo. O, kuphelele nje. Ngiyetsema kutsi loko kuphendvula lombuto.

292. Mnaketfu Branham, Sathane angasisebentisa yini siphiko setilimi noma siprofetho kumuntau IonaMoya loNgewe na?

¹²¹ Lowo ngulomuhle akusiwo yini? Yebo, mnumzane! Uma... Sifanele sibukisiswe kakhulu, kusondzele kakhulu. Uma nitocaphela kubaseKhorinte bekuCala 14:29, wena lofuna kukubhala phansi... Niyabona na? U—umuntfu lobhale loku abakalisayini ligama labo; bavele batsi nje, “Nkulunkulu akubusise.” Niyabona na? KubaseKhorinte bekuCala 14:29 sitfola kutsi noma ngusiphi siphiko ebandleni sifanele sihlolwe kucala. Niyabona na? Ufanele ubukisise, ngoba imimoya lemibi ingena ngekunyenza. Ngoba khumbulani, imvula inela labalungile nalabangakalungi. Imvula lefanako leyatfunyelwa kutovutfwisa kolo ivutfwisa nelukhula, emanti lafanako. Bangakhi lowati loko? Manje, loko bekuFanele kuyicacise intalo yenyoka kini ke, kutsi lendvodzana ifika kanjani. Ngitama kuwukhipha lapha kutsi ngiwutfole ngaphambi kwekutsi sikhatsi sami siphele, kodvwa angiwutfoli: ngako, kutsi leyondvodzana yayinjani mayelana nentalo yenyoka. Niyabona na?

¹²² Nkulunkulu unemtsetfo. Manje, kuloku, kulomtsetfo waMoya wekuPhila ufanele ubukisise, ngoba Sathane ungena ngekunyenza.

¹²³ Futsi Pawula, ngesikhatsi intfo letsite yembulwa kumuntau lotsite, kwakufanele kube lokungenani namabili

noma lamatsatfu emajaji ngaphambi kwekutsi kushiwo embikwelibandla.

¹²⁴ Manje, futsi lapha ngingahle ngikhipe loku. Ngibona yami... Angicabangi kutsi uMnaketfu ulapha kusihlwa, kodywa lomunye umuntfu uhlekise ngalomunye umuntfu ashiya litabernakeli wase wehlela kaMnaketfu Junior Jackson ayofuna libandla. Watsi, “Behlela emkhatsini we ‘tinyoni letifile’” Awunamahloni kwenta kuphawula lokunjalo? Noma ngabe ungubani, uma ungumntfwanyana wami lapha kuKhristu, nginemahloni ngawe. Ungayenti intfo lenjengaleyo. Junior Jackson ngumnaketfu. Don Ruddell ngumnaketfu.

¹²⁵ Yebo-ke, sizatfu sako, ngoba ngesikhatsi ngibeka libandla lapha eluhlelwani lolutsite, uma ngibuya, kubona kutsi ngingakutfolo yini kubonakaliswa kwetiphiwo, hhafu wabo waphuma kuko. Ngoba uma utocala kukhuluma, noma kushumayela, noma intfo letsite, kumele... Kwase kufika endzaweni nje lokwase kulukhuni khona kutsi ushumayele angekho lokhulume ngetilimi, lumuntfu lotsite ahumusha, lomunye uniketa lihumusho; nehhafu yalo alizange ngisho lifezeke.

¹²⁶ Manje, ngiyakholelwa ekukhulumeni ngetilimi. Ngiyakholelwa ekuhunyushweni, kodvwa kufanele kube yintfo letsite lecondze ngco ebandleni, hhayi kutsi, “INkhosi iyeta masinyane,” noma intfo letsite—lokukutsi kulungile. Kodvwa, “Ningathemelezi,” njengoba Jesu atsi, “emahedeni ayakwenta.”

¹²⁷ Kufanele kube yintfo letsite. “Hamba utjele uMnaketfu *S'bani-bani* intfo letsite layentile ne—nekutfolo...” “Ngani, hamba utjele uMnaketfu, Dzadze *S'bani-bani*, ngesikhatsi enta intfo letsite entasi lapho ngalelinye lilanga, wephula imitsetfo yemyeni wakhe...sifungo kumyeni wakhe. Ngaphandle uma akulungisa—kulungisa, Moya loyiNgcwele utomncuma.” Lapho una ISHO KANJE INKHOSI!

¹²⁸ Khona-ke kungeniswa lesosono. Ngulapho-ke uma sinelibandla lelinjengoba lalinjalo ngesikhatsi Ananiya naSafira bangena. Khona-ke sinelibandla lelime licinile.

“O,” wena utsi, “Mnaketfu Branham...” Umfo munye, ngamtjela loko; watsi, “Yebo-ke, nisimanyisa kakhulu nine.”

¹²⁹ Ngatsi, “Ngabe angimanyiswa yini etulu lapho etihambini lengingakaze ngitibone emphilweni yami na? Kodvwa nginekukholwa nekumetsema Nkulunkulu wami Lowangitfuma kutsi ngitokwenta loku, futsi akukaze nakanye kube neliphutsa noma akuyuze kube nalo kuphela nje uma kunguNkulunkulu.” Loko kunjalo.

¹³⁰ Akusiko kukhuluma ngetilimi netintfo letinjalo... Ngikhholwa kutsi letotilimi nebantfu labanaletotiphiwo, uma bangemaKhristu sibili mbamba futsi basikhatsalele, bayohlangana bona ndzawonye, ngoba...futsi banikete

tilimi tabo nemahumusho futsi babone kutsi bangentani kuchubekisela embili uMbuso waNkulunkulu. Banenkonzo lengeyabo, kodvwa akusiko kwalapha emkhatsini wetetsameli lapho ti-toni tisetjentwa khona nakanjalonjalo. LiBhayibheli latsi, "Bayotsi awukafundzi."

¹³¹ Ngaletinye tikhatsi baba ngulabangahloniphi kakhulu ngako na—nalokunye nalokunye... Akusiko kutsi igenge yetfu yayingenako, kodvwa ngibayekela bachubeke sikhashana. Ngatsi, "Kubukisiseni."

¹³² Manje, ngatjela bazalwane (kunabofakazi lapha labakwatiko loku), ngatsi, "Kuyekeleni kanjalo. Emvakwesikhashana ngito—sitotfolo kutsi ngabe nguNkulunkulu yini noma cha. Uma kungeke kukumele kulaywa, khona-ke ngumntfwana l olivezandlebe." Nguloko impela liBhayibheli lelakusho. Futsi uma kufika kulaywa, kwentekani na? Ngabe nganitjela loko kadzeni na? Niyabona na? Butani umfundisi lapha.

Watsi, "Utsini ngaloku naloko?"

¹³³ Ngatsi, "Kuyekele kanjalo nje! Tinswane. Singeke silehlulele, kodvwa bukisisani uma impela sekuta ekucindzeteleni eVini."

¹³⁴ Manje, uMnaketfu Junior Jackson bekanelilungelo lekungavumelani naloko. Ufuna libandla lakhe... Bantu bonkhe bafuna kukhuluma netilimi netintfo etetsamelin. Leyo yinkhatsato yeMnaketfu Junior; loko ku-loko kukuye. Kodvwa Junior Jackson ukholwa nguloMlayeto ngalokufanako nje njengoba i... nomangumuphi wetfu sonkhe enta. Ungulomunye wetfu. Futsi akusioyo i "nyoni lefile" kuya lapho. Junior Jackson uyindvodza yaNkulunkulu lengiyitsandza ngenhlitiyo yami yonkhe. Futsi akekho lapha kusihlwa, ngako ngingakutfulula ngendlela lengikufuna ngayo.

¹³⁵ Futsi—futsi Don Ruddell... Angicabangi kutsi Don ukhona kusihlwa, ngoba banelibandla labo. Kodvwa uma ngibone wonkhe umuntfu eta kulelitabernakeli, aphume ahambe futsi aye kuDon Ruddell, noma—noma uMnaketfu J. T. Parnell, noma uMnaketfu... noma ngumuphi walabanaketfu lapha lobanaketfu lapha netakhamiti lesikanye nato teMbuso, bengingajabula kakhulu bengingeke ngati kutsi ngentenjani. Bengingatsi, "Nkhosi, gwalisila leli ulesekele. Asikutfulule futsi sigcwaliise lelinye." Bengingakutsandza. Bengingakutsandza kubona labobafana... Bami—babantfwana bami.

¹³⁶ Manje, J. T. noma—noma ngumuphi wabo bonkhe akadzingi kutsi akholwe njengoba ngenta nje; abadzingi kutsi bente loko. Njengoba nginitjelile manje ekuseni, angivumelani ngisho nanemkami, noma akavumelani nami. Kube-ke bengiye etafuleni naJunior watsenga iphayi yelihhabhula nami ngatsenga iphayi yemasher. Mnaketfu, sobabili

sidla iphayi, sitovumelana lapho, kodvwa...Futsi sobabili sishumayela liVangeli lelifanako. Kucondziswa kwelibandla lakhe tigwegwe...

¹³⁷ Niyati, Phetro naPawula bebanekwehluka, hhayi etimfundzisweni tabo, kodvwa indlela Phetro bekatiphatsa ngayo. Bebanemehluko lo-lomncane kuyo, kodvwa ayizange ibehlukanise. Bebabazalwane. Ngani, impela sitoba nekwehlukana, hhayi imehluko...angivumelani ne-Assemblies of God. Angivumelani netinchubo tabo, kodvwa kunalenengi indvodza yase-Assembly of God lengumnaketfu loligugu. Angivumelani nemfundziso yeBakamunye, kodvwa kunalamanengi alawomadvodza langemadvodza laligugu.

¹³⁸ Ngiyavuma...angivumelani nemaBaptisti, nemaPresbyterian netinchubo tawo, kodvwa ekhatsi lapho, kunemaKhristu mbamba.

¹³⁹ Ngandlelatsite noma lenye kulentsambama ngitfole ithelegramu. Ingilahlekele. Umnaketfu, umshumayeli loyiBaptisti, utsite bekato...bekasolo afuna sikhatsi lesidze kutsi ete endzaweni...noma efike endzaweni lapho umuntfu bekamhlonipha khona Nkulunkulu esikhundleni sekuhloniphana lomunye nalomunye.

¹⁴⁰ Nemnaketfu loligugu ufika kulelibandla watsi, "Ngitokuyisa endzaweni letsite tsite." Bekakulangatele kufinyelela lapha, umBaptisti. Niyabona, bahlakateke ndzawo tonkhe. Ngangingavumelani nenchubo yabo, kodvwa impela ngiyabatsanza....?...Ngako ungakusho loko ngebazalwane.

¹⁴¹ Manje ekhatsi lapha, letiphiwo leti...tifanele tibukisiswe. Kute siphiko...Sifanele sibukisiswe. Sathane angalingissa noma ngusiphi siphiko. Bukani lamaBeatles manje ayolingissa kuphilisa kwaNkulunkulu: emanyala, langcolile, labolile, latelwe esihogweni. Niyabona na? Kulungile.

293. Ngabe Danyela bekangulendvodza yesine yini esithandweni semlilo ngoba bekangumprofethi kulowomnyaka na?

¹⁴² Cha, kwakunguJesu. LeNdvodza yesine yayi... ifana neNdvodzana yaNkulunkulu. Angicabangi kutsi kwakungumprofethi, ngoba bekasemgodzini wemabhubes; kodvwa ngeke ngakholwa kutsi Danyela bekasesithandweni semlilo. Ngi—ngingeke nga...Manje, lapho ungahe kube ucinisile, kodvwa-ke lowo ngumbozo wami nje.

¹⁴³ **294. Mnaketfu Branham, kuGenesi 6 nelivesi le 12, Nkulunkulu washo kutsi yonkhe inyama yayonakalise indlela yayo. Ngabe loku kunenkhomba yedivosi nemshado? Uma kunjalo, Jesu bekangenayo yini inkhomba entfweni lefanako ngesikhatsi Asho kutsi, "Njengoba kwakunjalo emihleni yaNowa, kuyoba njalo uma**

iNdvodzana yemuntfu iyokwembulwa” kuMatewu 24, livesi lema 38 nelema 39?

295. Mnaketfu Branham, bayoba khona yini bantfwana labatalwako ngesikhatsi seminyaka leyiNkhulungwane... iminyaka leyiNkhulungwane, inkhulungwane yeminyaka kubusa kwaKhristu lapha emhlabeni na? Noma siyobakhona yini sibonakaliso emhlabeni...sibekhona sono (ngiyacolisa) emhlabeni ngaleso sikhatsi; futsi ngabe bayobakhona yini bantfu emhlabeni emitimbeni yenyma ngalesosikhatsi?

¹⁴³ Ngitotama kutsi nje ngendlule kuyo masinyane impela. Manje, kuGenesisi sahluko se 6, livesi le 12, Nkulunkulu watsi yonkhe inyama yayonakele... Ya, lowo kwakungumshado, idivosi, nayo yonkhe lenye intfo. LiBhayibheli latsi, “Njengoba kwakunjalo emihleni yaNowa, kutsi bebatstsana kanjani, futsi bendziswa,” nalokunye nalokunye kanjalo. Leso ngulesinye setibonakaliso tesikhatsi sekugcina, lesinye nje setibonakaliso.

¹⁴⁴ Manje, uma loko kungiko konkhe live lebelikwenta, bengingeke ngikubite ngebufakazi besikhatsi sekugcina, njengoba ngingeke ngakubita kukhuluma ngetilimi kutsi kubufakazi bekuba naMoya loNgcwele. Kuliciniso kutsi kufanele kufike sikhatsi lapho umshado nedivosi kufana nje njengoba kwakunjalo emihleni yaNowa, kodvwa tinengi kakhulu letinye tintfo lehambisana nako; kungulesinye nje setibonakaliso.

¹⁴⁵ Nekukhuluma ngetilimi kungulokunye kwetibonakaliso taMoya loyiNgcwele, kodvwa hhayi sibonakaliso lesingenakuphosisa saMoya loyiNgcwele, akukho ngetulu nje kwebesifazane newesilisa bashada futsi badivose baphindze bashade futsi. Leso bekungeke kube sibonakaliso kuphela. Uma leso bekungiso sodvwa lesikhona, bengingeke ngisibite ngaloko. Niyabona na? Letinye tintfo ifanele ihambisane nekukhuluma ngetilimi noma ngusiphi lesinye siphwiwo kukwenta kube nguNkulunkulu.

¹⁴⁶ Manje, “Bantfwana bayotalwa yini ngesikhatsi sekubusa kweminyaka leyinkhulungwane kwesikhatsi seminyaka leyiNkhulungwane?” Lowo ngumbuto engcondvweni yami, lenganitjela wona ngalolunye lusuku. Angati. Kubukeka kakhulu impela kwangatsi kungaba njalo; kubukeka kakhulu impela kwangatsi kungeke kube njalo. Ngitobacotfo kini ngako konkhe lengatiko kutsi kubiwa cotto kanjani. Angati kute kube ngulesikhatsi. Uma Nkulunkulu ake wakwembula, ngitonitjela. Kodvwa lindzani; kufanele kuvele kuNkulunkulu. Nibantfwana bami. Ngingeke nginitjele. Angati noma bayoba khona noma abayubakhona. Ngingeke ngasho.

¹⁴⁷ “Noma siyobakhona yini sono emhlabeni ngalesosikhatsi na?” Cha! Akuyubakhona sono emhlabeni. Sathane uyaboshwa.

¹⁴⁸ “Futsi bayobakhona yini bantfu emhlabeni emitimbeni sibili ngalesosikhatsi?” Yebo, mnumzane! Siyoba nemtimba wetfu lokhatimulisiwe khona lapha emhlabeni, sidla, sinatsa, sakha tindlu, futsi—futsi—futsi siphila njengoba senta nje manje iminyaka leyinkhulungwane. Li—liholide lalabasandza kushada leMlobokati neMyeni.

296. Mnaketfu Branham, bekachaza kutsini Jesu kuMatewu 12, livesi lema 32, lapho khona Jesu atsi, “Lokhuluma livi lelimelene naMoya loNgcwele, akayutsetselelwa kona, angeke ngisho kulelive leli, kanjalo naseveni lelitako”? Ngicela ungichazele lamavesi emBhalo. Ngiyabonga. Futsi uneligama lendvodza; ungumfundisi. Kulungile.

¹⁴⁹ Mnaketfu, ngi...ungusiyazi wetenkholo, mine angisuye. Kodvwa ngitsanza kusho loku, kutsi Jesu watsi, “Loyo lokhuluma amelane naMoya loNgcwele angeke atsetselelwe kona.” Ngalamanye emagama, kukubeka kanye nawo wonkhe lomunye umBhalo, “Lonkhe luhlobo lwesono umuntfu uyotsetselelwe lona, kodvwa kuhlambalata Moya loNgcwele angeke kutsetselelwe kubantfu.” Kuhlambalatwa kwaMoya loNgcwele kuhlekisa ngaye, kukhulunywe ngaye, umchwense, wente intfo lenjengaleyo kulapho weca khona lilayini emkhatsini walokungiko nalokungesiko.

¹⁵⁰ Manje, uma ubona Moya loyiNgcwele... Kwenta sibonelo nje, kube-ke Moya loyiNgcwele bekangeta ehlele lapha futsi abone lokufihlakele njengoba Enta, futsi kube-ke lowo bekungaba nguMoya loNgcwele, kepha wena ungakholwa kutsi bekunguYe, wase wena uyaphuma wase uhlekisa ngaYe futsi wakhuluma ngaYe; angikhatsali kutsi ungake wenteni, sewuphelile. Futsi ungeke wakwenta. Loko kufakaza khona lapho kutsi wena awusuye waNkulunkulu, ngoba iMbewu yaNkulunkulu ihlala kumuntfu futsi akasenti sono. Futsi yini sono na? Kungakholwa. Uma abona Livi libonakaliswa, uyoLikhola. Futsi kuphela anga...

¹⁵¹ Niyabona, sinye kuphela sono, sinye kuphela sono. Bangakhi lokwatiko loko? Loko kungakholwa. Kunjalo. Kuphinga akusiso sono. Kubhema bosikilidi, kuhluluma emanga, kwetfuka, loko akusiso sono. Loko yimiphumela yekungakholwa. Uyakwenta, ngoba awusilo likholwa. Loko kunjalo. Ngako, uyabona, sinye kuphela sono, naloko kungakholwa. “Loyo longakholwa sewuvele ulahliwe.” Akunandzaba kutsi wentani noma lutfo, ulahliwe kwekucala nje. Kulungile.

297. Mnaketfu Branham, kulungile yini kutsi lomncane longakashadi—longakashadi (akashongo kutsi ini) kutsi ahhule takhe...tinwele tabo? Ngiyacabanga kutsi wesifazane.

¹⁵² Yebo! Yebo, ku—akuakalungi kutsi noma ngumuphi wesifazane ahhule tinwele takhe.

Lowo ngumbuto lomfishane nje lomncane. Seni—seniyetela na? Yebo-ke, sitawu—sitawushesha nje masinyane ngako konkhe lesingakwenta. Bengitama kutfola leyontalo yenyoka kabi kabi.

Khulekela indvodzana yetfu e . . .

Leso sicelo semkhuleko. Ngivele ngacupha lena nje ngase ngiyagijima, nje . . .

298. Mnaketfu Branham, ngabe besifazane bavumelekile yini kusebenta etindzabeni tesive uma banemyeni lophila kahle nebantfwana na? Ngiwubutela lomunye lombuto.

¹⁵³ Yebo-ke, a—a—a—angati ngaloko. Ngingeke ngasho. Kodvwa ngi—nginalomuzwa nje. Ake ngisho loku: Ngiyakholwa, kube benginguwe—wesifazane futsi ngati kutsi umyeni wami bekaphila kahle futsi anemsebenti lomuhle, asebenta, ngikholwa kutsi bekungaba yi—yintfokoto lenkhulu kimi kuhlala ekhaya, nginakekele bantfwana bami futsi ngente i . . . futsi—futsi—futsi nginakekele bantfwana bami ngibakhulise, nekutsandza iNkhosi. Futsi uma bengingaba naso sikhatsi ekuwasheni kwami netintfo lebengitotenta, ngicabanga kutsi bengingafundzisa bantfwana bami kutsi baykhonte kanjani iNkhosi.

¹⁵⁴ Manje, uma une—nesikweneti noma intfo letsite lotama kusita umyeni wakho kutsi ayibhadale, noma intfo letsite lotofanele uyente e . . . Yebo-ke, ngicabanga kutsi loko kuhle uma utotama kumsita. Futsi—futsi uhlale ungudzadze. Futsi ngi—ngicabanga kutsi kulukhuni. Akukho ndvodza lenekucondza lokuhle lefuna umkayo angene esicukwini, lapho kunesicuku salanenhlamba, emadvodza langcolile netintfo letinjalo. Kodvwa uma wesifazane atongena kuloko, ngicabanga kutsi ufanele a . . . umyeni wakhe ufanele ati kutsi ungumKhristu mbamba longetsenjwa, wesifazane lonekwetsenjwa.

¹⁵⁵ Kodvwa manje, ekutseni akafaneli asebente, a—angati. Niyabona, kute umBhalo wekvesekela loko. Mine nje—mine nje ngendlulisa lowombono. Kodvwa ngicabanga kutsi uma lowesifazane afuna kusebenta futsi afuna kusebenta . . .

¹⁵⁶ Manje, ngimelene mbamba nebesifazane labasebenta kulamahhovisi lapho bonkhe labosomabhizinisi . . . Bayachubeka, bacoce lawomahlaya langcolile. Nalokahle, wesifazane lohlantekile ahleti lapho, nato tonkhe letintfo leti letinenhlamba tishiwo khona lapho kanjalo, ngi—ngimelene naloko. Ngicabanga kutsi ufanele uphume emkhatsini wetintfo letinjalo letinjengaloko.

¹⁵⁷ Kodvwa manje, uma wesifazane angatibamba njenga—njengadzadze sibili futsi atama kusita umyeni wakhe ente intfo letsite kuhlangabetana naletinye timphahla tebantfwanyana kutsi baye esikolweni, noma—noma abhadale sikweneti, noma intfo lefana naleyo, futsi ufuna kusebenta kute kuphele loko . . . Manje, lena akusiyo iNkhosi, ngoba anginawo umBhalo waloku. Ngiyasho nje kutsi loko bekungaba ngumbono wami; kodvwa

nakungenjalo, bengingeke ngicabange kutsi ngoba nje ufunu kusebenta kutsi nje ehle enyuka futsi abene, noma, imali lenengi kutsi ayisebentise, ehle enyuka, futsi agijimele emabhareni, noma anatse, abheme, futsi achubeke; angicabangi kutsi ufanele akwente. Ngicabanga kutsi ufanele ahlale ekhaya, atame kuba ngudzadze, futsi anakekele indlu yakhe.

299. Uma Jesu ngemzuzwana...(Cha!) Uma Jesu...uma wena emshadweni wesibili lapho bobabili labashadikazi badivosile...i...ku (p-h-e-n-d...) kuphendvuka kuphendvuka kwenele yini, noma ufanele ucedze, noma, ufanele ucedze buhlobo bemshado wakho kute ube kahle na?

"Uma—uma usemshadweni wesibili lapho bobabili labashadikazi badivosile..." Ngicabanga kutsi sengivele ngiwuphendvulile lowo. Niyabona na? Yebo, sengivele ngiwuphendvulile. Lapho bobabili labashadikazi ba—ba... ngivele nje...

¹⁵⁸ Ngi—ngifisa kwangatsi besingadzingeki kutsi sendlule kuletintfo leti, bantfu. Nginebangani labahleti khona lapha, ngephandle kuletetsameli leti lapha lengitatiko...Kucishe kungibulale nje kusho loko, kodvwa ngi—ngifanele ngikusho. Niyabona na? Nelive lisesimeni sekonakala impela nje.

¹⁵⁹ Lomunye tatane, lomncane, wesifazane lomdzala wenta liphutsa futsi ashade lomunye lohlulwa tjwala futsi—futsi bagucuka babe nguleyondlela, noma lomunye wesilisa lotihluphekkelako ashade nalesinye secamgwaco futsi angakwati, bese-ke uboshelwa kulowo wesifazane noma wesilisa kuphela nje uma basaphila. Leyo yintfo lembi kabi. Umshado uyintfo lengcwele.

Tikhatsi letinengi bantfwanyana labatoni bagijima bangene futsi bente letotintfo, bese-ke bayamangala kutsi kumayelana nani konkhe. Ngi—Kukutsi...Ngiyaholwa, uma iNkhosi itongivumela kutsi ngichaze lomshado nedivosi indlela lofanele ube ngayo, ngikhholwa kutsi kutocacisa yonkhe incumbi yaloko. Kungiko konkhe...[Akucoshwanga etheyiphini—Umhl.]

300. Sibona...Asitsengisi ngani tindlu tefu na? Ngiyabonga. Si...P.S. Sikhulekile futsi sazila kudla—futsi—kutsi siyitsengise, kepha kute imiphumela.

¹⁶⁰ Yebo-ke manje, Mnaketfu noma Dzadze (abalisyini ligama labo), kodvwa noma ngubani, manje, uma utama kutsengisa imphahla yakho futsi ukwentile lo... Ufuna kuyitsengisa futsi mhlawumbe wentela kutsenga lenye futsi noma ufunu kwentani, angati. Uma inhoso yakho ikahle, utama kutsenga likhaya... Uma unebantfwana noma intfo lefana naleyo, ufunu kubatfolela likhaya lelincono noma intfo letsite... Angati kutsi konkhe kumayelana nani, kodvwa bengingasho loku: Uma utama kuyitsengisa, futsi uzila kudla futsi utama kuyitsengisa, bese-

ke ukunikela eNkhosini bese uyakhohlwa ngiko. Uyabona na? Ngoba kungahle kube kutsi Nkulunkulu... Ungahle utfutsele kulenye indzawo, futsi kungahle kungabi kuhle. Uyabona na?

¹⁶¹ Uma ungumKhristu futsi wetsembela eNkhosini, ngoba impela unjalo noma nakungenjalo bewungeke uzile kudla futsi ukhuleka. Uyabona na? Ngako bengingavele nje ngikunikele eNkhosini. Ngitsi, “Manje, Nkhosi, uma sekusikhatsi saKho kutsi siyitsengise, Utotfumela umtsengi.” Manje-ke sekunikelwe eNkhosini, susa tandla takho kuko bese uyachubeka. Ngikhola kutsi kutosebenta. Ngitsi kugijima ngelitubane nje lapha, ngoba sengiphelelwa sikhatsi nje.

301. Mnaketfu Branham, akusikahle yini kuwesifazane kutsi ente tinwele takhe tishwilane na?

¹⁶² Sengendlulile kuloko. Impela, anginandzaba, tigcine nje titindze. Niyabona na? Angi... Ngiyati ni... Angikusho loko kutsi ngibe ngulo “nemahlaya” ngani mantfombatane. Niyabona na? Loko kucotfo. U—u—ufuna kwati, futsi uyangibuta. Unekungetsembe noma nakungenjalo bewungeke ungibute loko. Manje, nginekukwetsembe, Dzadze, kutsi lengingakutjela kona, ngikhola kutsi ungakwenta.

¹⁶³ Ngeke ngakwesekaza loko ngemBhalo. Uma ufunu... Uma ungenato letinhle, tinwele letishwilene futsi unguwesifazane, ufunu kubukeka umuhle kumyeni wakho, esinganini sakho, noma intfo lefana naleyo, Ngi—ngingeke ngikutjele ngekushwila tinwele takho noma—noma bakubita ngekutsini, kukujabha noma lokutsite na? Angi—anginalutfo lengingalusho ngaloko; loko kukuwe. Uyabona na? Ngi—ngi... Uvele nje, emkhatsini... Buta iNkhosi kutsi wentenjani, I—Itokutjela loko, ngoba ngi—ngitama kuchaza tintfo ngemBhalo. Niyabona na?

302. Ngicela uchaze baseKhorinte bekuCala 13:8-12. Manje kutsi Livi leliphelele libuyiselwa eBandleni ngabe—ngabe lamavesi sekagcwali sekile yini?

¹⁶⁴ Manje, ngicabanga kutsi ngendlulile kuloko, angikendluli yini? “Futsi uma sekufikile lokuphelele, lokuyincenyne kuyobekwa eceleni.” Pawula watsi, “Noma ngikhulumu ngelulwimi lwemuntfu nelwetingelosi, futsi ngenta tonkhe letintfo leti lapha... Kepha uma sekufikile lokuphelele...” Manje, ikhona yini intfo lephelele ngaphandle kwaNkulunkulu na? Cha, mnumzane! Ngabe Nkulunkulu ungulophelele? *Ekucaleni bekakhona* [Libandla liyaphendvula, “*Livi*.”—Umhl.] *naLivi bekakuNkulunkulu, naLivi bekanguNkulunkulu*. Livi lisenguye Nkulunkulu. Niyabona na? Kulungile. Uma sekufikile lokuphelele, lokuyincenyne kuyobekwa eceleni.

303. Mnaketfu Branham, akukalungi yini kuba netinwele letihhulwe taba sikwele ngetulu na?

¹⁶⁵ Ngikholelwa—ngikholelwa ekutseni lona nguweisilisa; ngi—ngitsembe kutsi nguye. Yebo-ke manje, labanye besifazane

bayakwenta loko. Impela. Ngangenyuka ngebiasi ngalesinye sikhatsi ngesikhatsi ngingugadzi wetinyamatane wahulumende lapha. Ngenyuka lapha... Ngangihleti lapho, nendvodza yayikhuluma kanjalo, yayifake likepisi lemshiseli, futsi ngangikhuluma nayo nje. Futsi yayichubeka ibhema sikilidi, inetibuko temshiseli tifucwe tabuka etulu kanjalo. Yayisetulu ngco lapha ngaseSellersburg. Futsi ngangihleti lapho ngikhuluma nalowomfo. Washo intfo letsite lapho, futsi sonkhe sahleka; ngayishaya emlenteni; ngatsi, “Mfana, loko-loko kutsatsa likhekhe sibili, akulitsatsi yini?”

Futsi ngangihleti lapho kanjalo, ne—ngalokucondzile—wesifazane ahleti ngesheya lapho watsi, “Awusho, Ruth, u...?”

¹⁶⁶ Afake i-ovaloli, lenkhulukati, lesidlakela njengendvodza nje, ahleti lapho abhema sikilidi futsi aliphafuta ekhaleni lakhe, ngangicabanga kutsi kwakuyindvodza. Intfo letsite mayelana nekuwisa lithoshi lelisebenta ngagesi futsi enta intfo letsite, ashaya enhloko lomunye umuntfu wase ushaya loko *lenikubita-ngekutsi* lokuphuma kuko, wase ucala kuhleka. Ngahleka nami ngaze ngamshaya ngemphama khona emlenteni, ngicabanga kutsi kwakuyindvodza. Beningawati umehluko. Ungeke wabatjela. NeliBhayibheli latsi, “Noma ngumuphi wesifazane logcoka sembatfo lesisewesilisa, kusinengiso.” Nako lapho sikhona.

¹⁶⁷ Cha, Mnaketfu, uma ufunu kuba netinwele letihhulwe taba sikwele etulu, ngitokutjela: lindza nje uze ucishe ube ngangami, utoba nato. Ngako... Loko kulungile. Beningakakucondzi loko kanjalo, mngani. Ayibusiswe inhlitiyo yakho uma ukholwa kutsi uMnaketfu Branham ukutjela liciniso. Angicabangi kutsi Nkulunkulu usho nomayini ngendvodza, yayo—simbonyo sayo sikutsi nje kuphela uma itihhula tinwele tayo. Uma iyekela tinwele tayo tikhule tehle tibe tindze njengewesifazane, liBhayibheli litsi kulihlazo kutsi indvodza yente loko.

¹⁶⁸ Kodvwa manje, uma u—kuphela nje uma unetinwele takho futsi ungumfana lomncane... Futsi ngiyati ngisho yonkhe incumbi ngako: “Nani, boRicky, naloko kuuhhula tinwele tibe sikwele ngetulu,” nabo bonkhe kanjalo, netintfo letinjalo, kodvwa ngi—ngiyakusho nje loko. Niyabona na?

¹⁶⁹ Angi—angicabangi kutsi Nkulunkulu unendzaba kutsi indvodza itihhula kanjani tinwele tayo, kuphela nje uma itihhula, ngoba inhloko yayo nguNkulunkulu. Kodvwa inhloko yewesifazane yindvodza; ngako-ke, ufanele... Futsi uma ahhula tinwele takhe, uhlazisa inhloko yakhe. Ngako-ke wesifazane lohlazisako ufanele adivoswe futsi acoshwe. Ngabe kunjalo na? Ngako uma wesifazane ahhula tinwele takhe, une—umyeni wakhe unelilungelo leliBhayibheli ngekwelucobo kutsi amlahle ngekuphila lokungakafaneli—umuntfu lohlazisako. Bangakhi

lowatiko kutsi loko liCiniso na? Kunguloko lokwashiwo liBhayibheli, ngoba uhlazisa inhloko yakhe. Akekho wesifazane lohlazisako lokufanele kuhlalwe naye.

304. Mnaketfu Branham, ngesikhatsi Isaya akhulumu nemadvodzakati aseZiyoni (noma akhuluma ku, ngicondze loko, ngicabanga bebaondze kutsi “akhuluma nga”) **emadvodzakati aseZiyoni mayelana netikhonkwane tetinwele, tinwele letentiwe tashwilana, nasesikhundleni setinwele letilungisiwe, imphandla; esikhundleni se...** Ngabe loko kuyosebenta kukwanamuhla noma ngabe liBhayibheli lelidzala alinamphumelelo njengoba labanye basho?

¹⁷⁰ LiBhayibheli lelidzala njalo lisemphumeleweni, nalo lonkhe livi Nkulunkulu lalishoko lisemphumeleweni. Yebo, mnunzane! Intfo kuphela leliyentako kusukela eBhayibhelini lelisha kuya eBhayibhelini lelidzala, landzisa nje. Jesu watsi, “Nivevile batsi, ‘Ungaphingi’ (wawuze ube sesentweni); kodvwa Mine ngitsi kini, nomangubani lobuka wesifazane amkhanuke sewuvele uphingile naye enhlitiyweni yakhe.” Letintfo leti letigcame kakhulu kangaka pho!

Manje, ngifanele ngivale, bangani. Sekutsi kwephuteka kakhudlwana impela. Manje, lowo mudze kakhulu. Ake sibone kutsi ikhona yini lenye intfo lengingayitfola. Ake sibone.

305. Mnaketfu Branham, besifazane bafanele (o, hhe!) batilungise kanjani tinwele tabo na?

¹⁷¹ Futsi, noma ngayiphi nje indlela loyifunako. Thimothi wekuCala 2:9. Niyabona na? “Besifazane labahlobe ngetingubo letizitsile.” **Ngifuna ku–ngifuna kugcoka tami titfokotisa kuNkulunkulu.** (Nkulunkulu akubusise, Dzadze lotsandzekako.) **Ngiyabonga. Nkulunkulu akakubusise. Sikhulekele.** Nemuntfu usayina ligama lakhe.

¹⁷² Sharon, impela, Sisi! Nkulunkulu akubusise. Tilungise tibe tindze nje njengoba titindze, Dzadze. Yintfombatanyana. Nkulunkulu akubusise, S’tandwa. Kulungile, Chubekela embili ngco.

306. Emvakwekuba uMlobokati sekahlwitsiwe iyoba khona yini noma nguyiphi yentfombi ntfo lesiwula lesindziswako noma tiyolahlw tonkhe na?

¹⁷³ Cha! Niyabona, yonkhe intfo itocedvwa yelibandla lebeTive lapho uMlobokati sekasuswa emhlabeni. UMoya waNkulunkulu ushiya umhlabia: “Longcolile uhlala angcole njalo; lolungile ulunge njalo; longcwele ungcwele njalo.” Ngalamany’emagama indzawo lengcwele iba ngulenentfutfu, lapho u—UMmeli ema khona kutsi aphendvulele ecaleni. Khristu uyasuka endzaweni lengcwele; lusuku IwaKhe lwekulamulela seluphelile. Kufika luHlwitfo; Uyasuka endzaweni lengcwele, uyaphuma futsi utsatsa iNcwadzi yekuHlengwa, futsi uyibita negeyakhe yonkhe

intfo Layihlenga. Awusekho umsebenti wekulamulela. Bangakhi lokucondzako loko? Nginako kulolunye lwetiMphawu—noma lolunye lwe... Ya, tiMphawu, ngikholwa kutsi kwakungiko, kutsi Khristu uyaphuma kutsi abite umsebenti waKhe wekulamulela.

¹⁷⁴ Manje, umzuzu nje. “Ngabe intfombi ntfo lesiwula iyosindziswa na?” Cha! Nomangabe yini lenyentekako i-yenteka manje. Emvakwalesosikhatsi isesimeni... Manje, iyofanele iyokwendlula eSikhatsini sekuHlupheka lokukhulu. Nesizatfu sako kutsi, kungoba yencabe kuBuyisana ekugcwaleni kwaKo. Ilikholwa, likholwa lelitishoko, kodvwa iyodzingeka yendlule kuso Sikhatsi sekuHlupheka lokukhulu. LiBhayibheli latsi, “Nalabasele babo, drago wakhiva emanti emlonyeni wakhe kutsi ahambe futsi ente imphi...” Nekutsi awa lini lelo. I...

¹⁷⁵ Asikaze sibekhona sikhatsi emlandvwensi lapho khona emabandla ngeligama selilambe kakhulu kutsi litfole umbhabhatiso waMoya loNgcwele. Ngi—Ngikhulumela eMadvodza labosomaBhizinisi labangemaKhristu. Njalonjalo, yiPresbyterian, neLuthela, iKhatolika, nawo onkhe, EmaBaptisti ngemakhulu, iChurch of Christ, emaNazarini, iPilgrim Holiness, iSeventh Day Adventist, onkhe abutsela wena ekutameni ku—kutfola... Niyabona na?

¹⁷⁶ Manje, lena yintfo letfusako. Ngiyacela ningakutsatsi njengemfundziso, kodvwa niyacondza yini kutsi yatsi imiBhalo kuyokwentekani ngesikhatsi loko kwenta na? Sikhatsi sasesiphelile. Ngoba bukani, kwakunetintfombi ntfo letisikhombisa, noma, tintfombi ntfo letilishumi taphuma kuyohlangabeta uMyeni, nehhafu yato yayinemafutsa esibanemi sato, ihhafu yato yayingenawo. Leyo yinceny yeMtimba lefile nencenye lephilak. Letisihlanu ihlakaniphile, ngesikhatsi ti—kufika kumemeta, “Bukani uMyeni...” tonkhe talungisa, noma, tavuka tase tilungisa tibane tato kutsi tiyongena esidlweni sakusihlwa semshado. Kodvwa ngesikhatsi intfombi ntfo lesiwula itsi, “Sipheni emafutsa kuwenu, tibane tetfu tiyacima. (Niyabona na?) Sipheni emafutsa kuwenu.” Tatsi, “Cha, sinalenele tsine nje. Hambani niyowatsenga.” Futsi kwatsi tisayowatsenga, uMyeni wefika.

¹⁷⁷ Ngesikhatsi kuphuma satiso, simemetelo, “UMyeni uyeta,” wonkhe umuntfu bekafuna kutsi abe kahle, masinyane impela. Akusilo yini li—awa lapho sandla lesibhalako siselubondzeni na?

¹⁷⁸ “O, sifuna umbhabhatiso waMoya loNgcwele.” “Sifuna loku, loko noma lolokunye!” Kodvwa kwatsi tisayoWatsenga, uMyeni wefika. Letihlakaniphile tangena, futsi tashiywa ngephandle lapho kuyoba khona kukhala, kulila, nekugedla kwematinyo.

¹⁷⁹ Nginemibuto nje lemhle ekhatsi lapha kutsi ihambisane naloko: “Bekangubani umuntfu lowembetse ingubo longenayo,

lobekangakayembatsi ingubo yemshado na?" Nayo yonkhe leyomibuto lebophela ngco kuloko.

307. Umuntfu ufanele akhokhe kweshumi kumuntfu ngamunye yini, noma umKhristu asebente?

¹⁸⁰ Impela ufanele. Unguye namuntfu loyosebenta, ngumKhristu.

¹⁸¹ "Atsele kweshumi kumuntfu ngamunye na?" Kuya ngekutsi ngubani umuntfu ngamunye. Niyabona na? Loko kunjalo. KumaHebheru 7, kwekucala kuba kukhokha kweshumi kukhulunywe ngako e—ekumeni kutsi si... Awume kancane, ngikhola kutsi, umbuto wesibili. Cha! Uh-huh. Cha! KweMnaketfu... Utsite, "Imibuto lemibili kweMnaketfu Branham."

¹⁸² Ngesikhatsi... KumaHebheru sahluko se 7, ngesikhatsi Abrahama, abuya ekubulalen emakhosi, wahlangana naMelkhisedeki, waMkhokhela kweshumi. Lowo kwakunguMelkhisedeki, iNkhosi yaseSalema, ayiNkhosi yekuThula, neNkhosi yekuLunga, lokwakungekho lomunye kodvwa Nkulunkulu lucobo lwaKhe. Niyabona na?

¹⁸³ Kodvwa uma ukhokha kweshumi... Impela, lapho ukweneta khona kweshumi ngulapho utfola khona kudla kwakho. "Ngenisani konkhe kweshumi kwenu enyangweni yaMi, isho iNkhosi. (Kunjalo na?) Futsi niNghole usho Nkulunkulu, kutsi aNgiyuvula yini emafastelo aseZulwini bese ngitfulula sibusiso leningayuba nayo indzawo leyenele kusemukela." Ngiphonsela insayeya noma ngumuphi wesilisa noma wesifazane longesuye umtseli wekweshumi kutsi akuvume loko.

¹⁸⁴ Bengingema lapha kuze kuse, nginitjela kutsi nje kwentekani ngesikhatsi sengibone loko, nekutsi simo sini lengangikuso. Kodvwa ngalokukhulu nje kwetsembeka lengake ngaba nako, ngakhokha kweshumi. Futsi ngesikhatsi ngitsatsa imali yami lucobo ebandleni lapha noma emikhankhasweni, ngangitsatsa lenengi... nginikele kweshumi. Bese-ke ngikunika bafundisi, bese nginika bafundisi lokusele. Bese-ke, uma ngingakhoni kukwenta loko, bese-ke intfo lengangiyenta, ngangigcina emaphesenti lalishumi bese nginika Nkulunkulu emashumi layimfica. Bese-ke, ngesikhatsi umtsetfo ungitjela kutsi ngangingeke ngikhone kukwenta loko, ngangitodzingeka ngitsatse... Futsi uma ngikwentile, konkhe kwakutokhokhwa kuko, khona-ke kwakufanele ngitsatse futsi ngikwendlulisele etimishini takulamanye emave kanjalo njalo, bese-ke ngitsatsa liholo lemadola lalikhulu ngeliviki; bese ngikhokha kweshumi kwami kuleyo.

¹⁸⁵ Yebo, mnumzane! Ngiyakholelwa ekukhokheni kweshumi. Kunglesinye setibusiso taNkulunkulu lokufakazelwe kutsi

kusibusiso. Wena utsi, "Loko kweliThestamenti leLidzala." KukweliThestamenti leLisha futsi! Yebo, mnumzane!

308. Mnaketfu Branham lotsandzekako, uma luswane latalwa nga...ngaphandle kwemshado, lomntfwana angake asindziswe yini noma aye eluHlwitfweni na?

¹⁸⁶ Asindziswe na? Ngani impela, ngikholwa kutsi umntfwana bekanga...Umntfwana akukho langakwenta ngaloko lokwentiwe. Liciniso lelo. Kodvwa ngi...Mayelana nekuyongena eluHlwitfweni...Usindzisiwe, ngingatsi, "Yebo." Kodvwa eluHlwitfweni yintalo lemiselwe ngaphambili leyongena eluHlwitfweni. Futsi ngingeke ngikholwe kutsi kuphinga kwakuyintalo lemiselwe ngaphambili. Niyacondza na? Niyabona na? Ngikholwa kutsi bantfu banga—luswane lungasindziswa; lute—lilungelo lelingewalo. Sento lesesabekako netintfo.

¹⁸⁷ Kodvwa manje, eThestamentini leLidzala uma kutalwa umntfwana loligoya, bekangeke angene ngisho nasenhlanganweni yelibandla leNkhosi titukulwane letilishumi, iminyaka lengemakhulu lamane nentfo, lesosicalekiso sasisibi kakhulu. Cabanga ngaloko nje. Luswane lolungenacala, batukulu balo, bebatukulu, bebatukulu, bebatukulu, bebatukulu, bebatukulu, bebatukulu, bebatukulu, bebatukulu labakhulu, cabanga nje, batukulu baloluswane, bebatukulu, bebatukulu, batukulu labalishumi bebaneke bangene ngisho nasenhlanganweni yelibandla laNkulunkulu. Kunjalo.

¹⁸⁸ Kodvwa niyabona, kwakungekho lutfo lapho lolunemandla ngalokwenele kutsetselela lesosono. Ingati yeliThestamenti leLidzala ayititsetselelanga tono; yatisibekela tono. Kodvwa iNgati yaJesu Khristu iyasidivosa. Loko kwehlukile manje. Uma iNgati yaJesu Khristu ingena, kwehlukile.

309. Mnaketfu Branham, sifuna kutsi sibe sedvutane neMlayeto wakho ngalokunekwenteka. Singatfutsa siye e-Arizona noma eJeffersonville na?

¹⁸⁹ Tibonele wena, noma ngukuphi kwenu. Nginitsandza sibili, anginandzaba kutsi niya kuphi, kutsi nentani. Kodvwa manje, njengeseluleko, ngikholwa kutsi bengingeta eJeffersonville. Uma nitotfutsa noma kanjani, bengingeta eJeff. Ngikholwa kutsi ngikhona kakhululapha kunanoma ngise-Arizona. Loko kuhle.

310. Mnaketfu Branham, ngabe—ngabe sekuhambe sikhatsi kakhulu yini kutsi singashumayela etonini na?

¹⁹⁰ Cha! Cha! Ungakufaki loko engcondvwensi yakho, mnaketfu. Chubeka wakhe endlini. Chubeka wenta konkhe longakwenta. Chubeka nje uhambe uze ubitwe. Niyabona na?

311. Umbuto inombolo yesibili. Ngabe labasindzisiwe bafanele batehlukanise yini netoni ekukhonteni na? Labasindzisiwe bafanele behlukane yini netoni ekukhonteni?

¹⁹¹ Angati ngempela kutsi ucondze kutsini ngaloko. Uma ucondze toni njengalephandle e...Ukhonta Nkulunkulu ndzawo tonkhe. Kodvwa ngicabanga kutsi uma sentile, sitoba kanjani nelibandla, ngoba toni tita ngco ebandleni bese tihlala phansi eceleni kwemKhristu. Ungatehlukanisi nanoma yini ngaphandle kwesono, hhayi soni. Tfola soni uma ungakhona, kodvwa ningabi batsatsi besono sakhe.

312. Wesifazane losindzisiwe ufanele yini atencabe kumyeni wakhe uma asoni na?

¹⁹² Cha, mnumzane! Cha, mnumzane! Lowo ngumyeni wakho. Uyomcosha akhweshe kakhulu kuNkulunkulu kunakucala ngekwenta loko. Niyabona na? Kunjalo, Mnaketfu, Dzadze. Washada naye; wakho, nawe uwakhe.

313. Mnaketfu Branham, kusho kutsini kutsi kucisha umshado? Bantfu bakhululekile yini kutsi bashade noma nje leli ngulelinye nje ligama ledivosi? Ngitsandza kuba nalolunye lwati ngaloku.

¹⁹³ Impela bashadile. Kuphela nje uma batsatsa lesosifungo, bashadile. Njengemfana nje, uma umfana etsembisa intfombatane kuyishada ngaphansi kweukuholwa lokuhle, ubophelelekile kuleyontfombatane. Ufana nekutsi sewuyishadile nje. Intfo kuphela umtsetfo loyentako, kuninika u—umtsetfo wemalungelo kutsi nihlale ndzawonye kunivimbela ningabi yindvodza nemfati lababomasihalisane. Kodvwa uma wesilisa atjela wesifazane, “Ngitokushada, S’tandwa; ngitokutsatsa ube ngumkami. Utotsatsa yini...?” ushadile.

¹⁹⁴ Sifungo sakho singcwele; nguloko lokukushadiso empeleni. Akukho mshumayeli longanishadisa, akukho mantji, noma lutfo lolunye; sifungo sakho lucobo kuNkulunkulu nakulona wesilisa. Uma wetsembisa, sewushadile.

¹⁹⁵ Buka. Wena utsi, “Mnaketfu Branham, ngabe loko...? Wena utsi... Utsite uyokuphendvula loko kuphela ngeliBhayibheli.” Bewufuna liBhayibheli ngako na? Phakamisani tandla tenu uma nilifuna. Manje, sinemizuzu cishe lesitfupha noma lesiphohlongo. Kulungile.

¹⁹⁶ “Josefa, indvodza yakhe, angumuntfu lolungile (indvodza yakhe latsembisene nayo, sekavele ambita ngendvodza yakhe)... Josefa, indvodza yakhe, angumuntfu lolungile, beka ‘funa’ kumlahla ngansense ngaloku; kodvwa basengakahlangani, watfolakala akhuleliswe nguMoya loNgcwele. (Niyabona na?) NeNgelosi yeNkhosi yabonakala kuye ngeliphupho futsi itsi, ‘Josefa, ndvodzana yaDavid, ungesabi kumtsatsa, Mariya, umkakho.’” Sekavele ashadile, besavele ametsembisile.

¹⁹⁷ Futsi nge...Futsi dzadze lomncane, uma wetsembise kushada nalowomfana, ubophelelekile kutsi ukwente. Uma ushada nalomunye emvakwalesosibophelelo, uyo, kusukela

manje kuchubeke empeleni, uyobe uhlala ngekuphinga. Futsi caphela, intfo lefanako kumfana etsembisa kushada wesifazane...

¹⁹⁸ Ungenti sifungo sakho kunoma ngubani ngaphandle uma ucondze kuhlala naso. Khumbula, nalo liBhayibheli lakho ngaso. Josefa wetsembisa kushada naMariya. Futsi Nkulunkulu washo kutsi loko kwakuyi...

¹⁹⁹ Fundza imitsetfo yeliThestamenti leLidzala kuloko. Niyabona na? Umtsetfo weliThestamenti leLidzala, uma wawetsembise kushada newesifazane, wase ushada nalomunye, wawuphinga; futsi kwakukukhiphela ngephandle kwenkambu. Yebo, mnumzane! Ufanele utigcine tifungo takho uma wetsembisa wesifazane loko. Usitja lesincane lesingcwele, naleso sitoletsa imphilo yemntfwana emhabeni futsi. Ngako uma umetsembisa, ufanele ushade naye.

314. Ngabe sekwengcelwe sikhatsi kakhulu yini kwetinkonzo tasejele nemsebenti lonjengalowo webufakazi kutama kusindzisa imiphefumulo na? Futsi ufanele yini umuntfu atsengise ngako konkhe lanako manje, iNkhosi iyeta masinyane kakhulu na?

²⁰⁰ Yebo-ke, u—ukanjani...ngiyetsembe kutsi angishongo lutfo lobelungakubangela kutsi ukholwe yintfo lenjengaleyo. Ngabe ngikubangele na? Uma ngikubangele, ngitsetselele! Angikacondzi...Uyabona na? Ungavele nje uticabangele letotintfo. Chubeka njalo uhambe, ushumayela, unetinkonzo tasejele, unika wonkh'umuntfu, futsi unga...

²⁰¹ Bukan lapha. EmaSeventh Day Adventisti lapha kungesiko kadzeni, cishe eminyakeni lengemashumi lasihlanu nomina emashumi lasitfupha lendlulile, ngikubone ephepheni *iCourier-Journal* (nginalo ndzawanatsite etrankini), lesikhulukati sicephu seliphepha *iCourier-Journal*, lapho baphonsa khona timphiko letindzala, ngesikhatsi basabitwa ngema Millerites ngaphambi kwekutsi babe ngema Seventh Day Adventisti. Futsi bebanalo lonkhe lishidi lelikhulu ephepheni *iCourier* enhla lapha eFranklin, eKentucky, ngesikhatsi bonkhe sebatsengise imphahla yabo futsi batfola...Bamisa lusuku lolutsite, balufakazela ngemBhalo, Jesu beketa ngalolosuku, base benyukela lapho base batfola emahabhu netintfo, base bahlala esicongweni seligcuma. Ngekusa lokulandzelako bayehla, ematolo bekasehlise tonkhe tinsiba, futsi behla sebabohlide. Niyabona na? Tinkoloze netintfo.

²⁰² Ungakukholwa loko. Jesu angahle angefiki iminyaka lelikhulu namanje. Angati kutsi Utofika nini. Akukho muntfu lowatiko kutsi Utofika nini! Kodvwa ngitotama kuchubeka ngishumayele futsi ngente konkhe lengingakwenta aze Efike. Uma Angekho lapha namuhla, ngitobe ngiMgadzile kusasa. Uma Angekho lapha ku...kuleliviki, ngitobe ngiMgadzile

evikini lelitako. Uma Angekho lapha eminyakeni lelishumi letako, futsi ngisaphila, ngiyobe ngiMgadzile eminyakeni lengemashumi lamatsatfu letako. Niyabona na? Ngiyobe ngisaloku ngibukile. Angati kutsi Utofika nini, kodvwa ngifuna kuphila ngekwetsembeka eVini laKhe futsi ngetsembeke kubantfu baKhe, futsi ngiphile njengemKhristu, futsi ngilindzele kufika kwaKhe. Niyabona na?

²⁰³ Chubeka ushumayela tinkonzo tasejele, utfola wonkhe umunfu asindziswe longamtfola. Angati kutsi Utofika nini; akekho lowatiko. Kodvwa ngitokusho lentfo yinye. Loku nguloko lengitama kunitjela kona, futsi ngetsembe kutsi anitami kubeka kwenu kuhumusha...Hhayi kutsi utsetsise lomuntfu lona. Nkulunkulu akubusise Mnaketfu, Dzadze, noma ngabe ungubani. Kubukeka kwangatsi bekungumunfu wangehandle kwalelidolobha, ngoba bewuse—sekhadini lekuposa, ngiyacabanga, lelivela eDenver, eColorado, na... Ya, ePike's Peak, eColorado. Ngako kungahle kube bekungumunfu lowutfumele ngeliposi, kodvwa loko-loko kukahle ngalokuphelele. Bangahle batfole itheyiphu.

²⁰⁴ Kodvwa asikhumbule, ningantjintji lutfo, kuphela tindlela tenu tisuka esonweni tiya ekulungeni. Bani nje usolo uchubekile emsebentini wakho, uhamba uchubeka nje ngalokufanako. Wonkhe lowo lokucondza ngalokucacile loko akatsi, “Amen,” [Libandla litsi, “Amen.”—Umhl.] Niyabona na? Yentani loko manje!

315. Mnaketfu Branham, kuMatewu 12:40, kutsi, “Njengaloku Jona bekase—tinsuku letintsatfu nebusuku lobutsatfu esiswini semkhoma; kanjalo-ke neNdvodzana yemunfu iyoba senhlitiyweni yemhlaba tinsuku letintsatfu nebusuku lobutsatfu.” Kungaba kanjani kutsi lusuku batsi...namuhla kutsi batsi Wafakwa kulelothuna ngaLesihlanu kusihlwa futsi wavuka ngeliSontfo ekuseni, akwenta kuphela kube busuku lobubili nelusuku lunye na?

²⁰⁵ Manje, uma nicaphela, kwatsi, “Njengoba kwenteka” (niyabona na?) ngetinsuku uma Jona bekasesiswini tinsuku letintsatfu nebusuku lobutsatfu. Kusekhatsi kwetinsuku letintsatfu nebusuku lobutsatfu, ekhatsi kwaletotinsuku letintsatfu nebusuku lobutsatfu, ngoba ungeke wenta umBhalo ucambe emanga. Umprofethi watsi, “Angiyuvuma kutsi Longewele wami abone kubola, angiyushiya umphefumulo waKhe esihogweni.” Nekubola kungena emtimbeni wemunfu ema-aweni langemashumi lasikhombisa nakubili, lokutinsuku letintsatfu nebusuku lobutsatfu. Ngalesinye sikhatsi ekhatsi kwaletotinsuku letintsatfu nebusuku lobutsatfu leBekafanele aphume ethuneni.

²⁰⁶ Ngako njengoba kutinsuku letintsatfu nebusuku lobutsatfu, akusho kutsi kutofanele kube njalo nciamashi;

ngalesinye sikhatsi kubasekhatsi kwalolo tinsuku letintsatfu nebusuku lobutsatfu. Bekafanele aphume, ngoba siprofetho singeke sephulwe, kutsi i...Bekangeke abone kubola futsi kwakuyowubolisa kube Bekahleli nciamashi lesosikhatsi.

316. Mnaketfu Branham, uma indvodza beyikadze ishadile yase iyadivosa (Akusikubi yini loko, niyabona na, labanengi kakhulu? Manje, angisho lutfo lolumelene nebantfu; nje loko lokusengcondvweni yebantfu. Impela, bakhatsatekile. LuHlwitfo, bantfu bebabamise kucabanga kakhulu kangako ngaloko; kwakungesikukhulu kangako. Kodvwa manje, sekunameke live. Nebantu bafundza letintfo leti emBhalweni. Nebantu, Labakhetsiwe, ngephandle lapho uyangena kukubuka. Futsi bayakubona, futsi bacotfo. Bafuna kwati. Kungalesosizatfu ngifuna kuwuphendvula ngalokukhulu kuhlakanipha kuwo lenginganinika kona.) —**beyikadze ishadile yase iyadivosa yase-ke iphindze iyashada wesifazane naye lobekakadze ashadile wase uyadivosa wase-ke ushada nalowesilisa, nalaba lababili banga—banga... shadiswa ebuswени baNkulunkulu...ngabe bashadile yini ebuswени baNkulunkulu na? Kungenteka kanjani kutsi bobabili noma lomunye wabo abe seluHlwitfweni na?**

²⁰⁷ Kanjani? Angati. Beningeke sengikutjele. Umbuto utsi, “Bangaba khona yini eluHlwitfweni?” Badivosile, ngamunye wabo badivosile, ngamunye wabo unesithandwa lesisaphila, base baphindze bayashada futsi, bobabili bayashada futsi. Futsi manje, loyo lo...Lona wesifazane unendvodza lephilako; lendvodza lena yona inemfati lophilako. Futsi manje, banebantfwana nakanjalonjalo futsi bafuna kuta kuNkulunkulu. Bangahamba bayongena eluHlwitfweni na? Loko kuyoba kuBabe loseZulwini. Beningeke ngakuphendvula loko. Niyabona na?

²⁰⁸ Nga—ngabona intfo yinye. LiBhayibheli latsi bayobitwa ngesiphingi. NeliBhayibheli lasho futsi, “Siphingi angeke singene eMbusweni weliZulu.” Nguloko kuphela lengingakusho. Ngi—ngiyati, loko nje kuyangibulala kusho loko, kodvwa ngeke ngasho lokunye kodvwa loko lokushiwo Livi. Ngifanele niglihale naloko. Ngiyetsema kutsi konkhe loko akukafaneli. Kunetindzawo eBhayibhelin... .

²⁰⁹ Angineluleki. Ngiyacela, ake nginginike umBhalo lomncane. Ngiyacela, ngiyacela ninga—ninga—ninga...Uma uhlala ngekujabula nemyen i wakho, uhlala ngekujabula nemkakho, ngiyacela hlalani ngaleyondlela. Nitohlala? Nje—nje nge, ngoba nginitjelile loko, ninga—ningabashiyi labobantfwana labancane bangenakhaya netintfo letinjalo. Nkulunkulu wente kubuyelana etindzaweni tebantu la—la—labente tintfo ngalokungalungi. Niyakhumbula, Jesu washo ngaDavide ngesikhatsi alambile, wangena ethempelini laNkulunkulu wase

udla tinkhwa tekubukwa, lokukwemtsetfo kuphela kumphristi, futsi atfolakala amsulwa. Nemphristi futsi uhlambalata liSabatha ngelusuku lweliSabatha futsi batfolakala bamsulwa, futsi kwakukhona lomkhulu kuneliSabatha. Niyabona na? Lapho...Ngi...Asi—asikushiye kuNkulunkulu nje, futsi sichubeke, futsi nje niphile ngendlela leni...Nje—nje niphilele Khristu manje.

²¹⁰ Ake sibone, kungahle kube nelitfuba lenu kutsi ningene. Ningenti...Lokungakalungi lokubili angeke kuze kulungise kunye. Chubekani nje niphile ngendlela leningiyo uma ni—uma nijabulile ndzawonye. Ungahle ube nesithandwa lesingakafaneli. Ngitokusho lentfo yinye: uma unesithandwa lesingakafaneli kulomfati, kulemphilo, awuyuze ubenaye kulesinye. Konkhe lokungakalungi kuyolungiswa.

317. Ngabe onkhe emakholwa latelwe kabusha ayongena ekuHlwitfweni na?

²¹¹ Cha, insali nje, insali nje, akusiwo onkhe emakholwa latelwe kabusha. LiBhayibheli latsi, “Nalabafile lebebbasele abaphilanga iminyaka leyinkhulungwane,” base-ke bayavuswa base bayehlukaniswa, timvu etimbutini. Akusiwo onkhe emakholwa latelwe kabusha layongena e...ngekwemBhalo.

318. Ngubuphi bufakazi lobubonakalako bekutsi umuntu impela ugcwaliswe ngaMoya loNgcwele na?

²¹² Johane 14:26: Uyo...“Uma sekefikile Moya loNgcwele (niyabona na?), Uyonibonisa tintfo letitokuta.” Niyabona na? Uyoba yi...Uyokuphelelisa; “lokwentiwe ngumunfu” angeke akwente; futsi ULivi. Uma Yena Moya loyiNgcwele sekefikile, Uyotikhomba Yena kuwe ngemBhalo. Naleso sibonakaliso seliciniso kutsi Moya loyiNgcwele ukuwe, ngoba ULivi.

²¹³ Manje bukan! Kube bekakhulume ngetilimi ke? Ngifuna nje kunibuta loko. Jesu watsi uma sekefikile Moya loNgcwele kutsi Uyokwentani. Futsi uma bekakhulume ngetilimi ke, wagcuma waya phansi nasetulu, wamemeta, nayo yonkhe lenye intfo, bese-ke uta eVini; futsi ngikutjеле ngembhabhatiso wa...kufakazela kuwe ngemBhalo njengoba ngentile, kutsi umbhabhatiso usebentisa sicut seYise, iNdvodzana, naMoya loNgcwele kukungacondzi mbamba umBhalo kute muntfu lowake wabhabhatiswa kanjalo, bese wena uyachubeka futsi ulenga nako nomakunjalo na? Bewungangitjela yini kutsi Moya loyiNgcwele kuwe bekangenta intfo lenjalo na? Angaliphika kanjani Livi laKhe lucobo na?

²¹⁴ Uma nginikhombisa kutsi yini lefanele yenteke kulolusu, kutsi iNdvodzana lucobo yemunfu itoTembula kanjani, naloko Latokwenta, nayo yonkhe lemiBhalo lobewukhona manje, bese-ke siYibona yehla ngco futsi ikukhombisa, futsi nilenga ngco ehlelwени futsi nitsi nitelwe kabusha na? Bewungenta intfo lenemcondvo kuloko na?

²¹⁵ Bengingamtjela umkami kutsi ngiyamtsandza, futsi—futsi ngibe nelusuku lwekubonana nalomunye wesifazane, bese ngehla ngiyenyuka, bese-ke ngimtjela ngalokuvela enhlitityweni yami kutsi ngiyamtsandza na? Nicabanga kutsi lolo bekungaba lutsandvo lwelicitiso? Bekangangitjela kutsi uyangitsandza, kepha ngitsi nangingekho, yena ehla enyuka nalenye indvodza letsite na?

²¹⁶ Nguloko impela Israyeli lakwentile ku...Niyati liBhayibheli lapho, kutsi Washo kanjani, khuluma...Israyeli, watsi, "Nibeke emagala enu eceleni futsi wafakwa kuyo yonkhe indvodza lefikako, futsi udiale incenye yebugwadla naMi; futsi Ngitokulahla ngedivosi." Impela! Yini leyo na? Uyaphinga ngemtimba wakho lucobo. Futsi uma wesifazane aphuma futsi ahiale nalenye indvodza, noma indvodza nalomunye wesifazane, uma bashade nabo, bangcolisa inyama yabo lucobo. Futsi uma umuntfu atsi unguKhristu bese empeleni uphika umBhalo kutsi ungulocinisse, uyaphinga eMtibeni latisho kutsi ukuwo. Niyabona na? Ngako luphawu lwemphikukhristu, ikakhulu ngangekutsi loko bekungadukisa nalabaKhetsiwe uma bekungenteka.

319. Mnaketfu Branham, kulungile yini ku—kumntfwana lomncane kutsi agcoke emabhuluko lamavuthela netikhindi na?

²¹⁷ Mncane kangakanani? Akube nguwe nje umehluleli waloko; uma unguKhristu. Intfombatanyana noma ngumuphi umntfwanyana lomncanyana, ngiyacabanga nje, angati, ngi... Intfo kuphela lengiyatiko, liBhayibheli litsi kusinengiso kutsi wesifazane agcoke imphahla lephat selene ne—newesilisa. Niyabona na? "Wesifazane," alishongo yini kutsi, "umntfwana." Kodvwa manje, nje ngi... Tibonele wena nje ngaloko, ngi... Ngekwencenyne yami, angiboni lutfo ngemntfwanyana lomncanyana, intfombatanyana lencanyana leneminyaka lemme noma lesihlanu budzala lene... Uma basebafo labancane, niyati kutsi ngicondze kutsi kanjani, behla benyuka ngephandle lapho egcekeni. Uma agcokile, loko lenikubita ngemavuthela nomangabe yini, ngumntfwanyana lomncanyana, a—angiboni lutfo loluliphutsa ngako. Mhlawumbe...

²¹⁸ Niyabona, nginitjela nje kutsi Livi litsini. Kusinengiso kuwesifazane kugcoka imphahla lenguyendvodza.

320. Sitobutselanaphi ndzawonye na? Futsi watsi nibutsanele emaCilongweni.

²¹⁹ Ngikholwa kutsi, sihlobo, Dzadze, nomangabe ngubani, une—uneliphutsa lapho. Angizange ngisho kutsi nibutsanele emaCilongweni. Ngatsi Israyeli wabutsana emaCilongweni, hhayi uMlobokati webeTive. Cha, cha! EmaCilongo, kuhala kwemaCilongo laSikhombisa bekatobutsanisa Israyeli (bangakhi labakwatiko loko na?) labavela kuyo yonkhe i... Ya,

hhayi i... Cha, cha! Uh-huh! Cha, hhayi—hhayi—hhayi Israyeli. Ngako, akusiko loko... Asibutsaneli emaCilongweni ne—e—uMlobokati akabutsani. EmaCilongo afika emvakweMkhosi wePhentekhosti. Niyabona na? NeluHlwitfo luyefika... Naloko... hhayi lombuto manje.

321. Mnaketfu Branham, uma unesikhatsi ngicela uchaze Matewu 10:41. Ngitsandza kwati kutsi yini umvuzo wemprofethi?

²²⁰ Yebo-ke manje, Jesu watsi, “Loyo lowemukela umprofethi ngeligama lemprefethi, wemukela umvuzo wemprofethi.” Umvuzo wemprofethi utoba ngumngani nemprofethi. Loyo lowemukela lolungile ngeligama lemuntfu lolungile, wemukela umvuzo wemuntfu lolungile. Ngabe kunjalo na? Futsi uma bafuna kwati kutsi yini umvuzo wemprofethi, kutsi babe ngumngani nemprofethi. Niyabona na? Ngulowo umvuzo. Ungumngani wakho.

²²¹ Njengalowesifazane waseShunemi, kungahle kufike njengentfo lesitako ngalesinye sikhatsi. Niyabona na? Kwenta ngaye. Niyabona na? Bukisisani tinceku taNkulunkulu.

O, hhe! Manje, si...ngi—ngifanele ngivale nje futsi, mngani, ngi—ngiyakutondza kukwenta, kodvwa nje bukani lapha, bukani nje kutsi ini, emakhulu. [Lomunye umnaketfu utsi, “Chubekela embili, mnaketfu.”—Umhl.] Cha! Kodvwa—ngiyati, kodvwa i...Ng—ngiyanitsandza ngekusho loko, kodvwa ngicabangela labantfu laba tatane bashayela emakhulu emakhiomitha noko kusihlwa. Hhe, labo nje ba...minengi kakhulu ekhatsi lapho, ngi...

322. Mnaketfu Branham, ngitsandza kwati ngesikhatsi seminyaka leyiNkhulungwane. SisemvakweSidlo sakusihlwa seMshado yini, noma—noma sisemhlabeni yini, konkhe ngaso. Ngiya—angicondzi ngaso.

²²² Yebo-ke, Mnaketfu noma Dzadze, kulukhuni kimi kusiconda, cobo lwami. Kodvwa intfo kuphela lengingayisho ngulena: kutsi Sidlo sakusihlwa seMshado sifika ngaphambhi kwesikhatsi seminyaka leyiNkhulungwane.

²²³ Manje, niyabona, lomunye lotsite, ngiyati ndzawanatsite ekhatsi lapha unembuto kuloko, lowatsi, “Mnaketfu Branham, u—uneliphutsa emavikini langemashumi lasikhombisa aDanyela. Ayobe asekhone emaviki langemashumi lasikhombisa.” Cha, Mesiya bekatofika bese uyaprofetha, futsi emkhatsini walamaviki langemashumi lasikhombisa, emaviki langemashumi lasikhombisa, lokuyiminyaka lesikhombisa, Bekato—Bekatoncunya emkhatsini walabaphilako futsi ente umhlatjelo. Bangakhi lokukhumbulako loko? Kulungile. Mingakhi ke iminyaka Jesu layishumayela, Mesiya? Mitsatfu nehhafu. Ngako-ke kusekhona lemitsatfu nehhafu lemiselwe.

²²⁴ Futsi eSambulweni sahluko 11, labaprofethi laba lababili, baprofetha tinsuku letiyinkhulgwane nemakhulu lamabili nemashumi lasitfupha. Iminyaka lemitsatfu nehhafu isasolo itsenjiswe ku-Israyeli ngesikhatsi uMlobokati webeTive sekahambile. Bangakhi lokucondzako loko manje? Niyabona na? Kulungile, kulungile.

323. Lena yi... Nginekhawunta yekudla kwasemini futsi ngiphakela bantfwana basesikolweni lesiphakeme incenye lenkhulu impela. Kusukela ngingene ekuKhanyeni, ngikhipe umshini wephinibholi ne (jubhoksi; labanawo) j-bhoksi. Labantu labasha bayabhema futsi bafuna umculo wekutinyukunya e—emsakatweni. Ngivila kuphela emawa lamane ngelilanga. Angi—angikuvumeli kuhema nekunatsa, kodvwa ngikhatsatekile ngekuphatsa indzawo.

²²⁵ Uyati, leyo yinkinga. Uyabona na? Intfo yako kutsi, kutsi wena u—wena u...mhlawumbe ufanele utiphilise. Kodvwa uyati kutsi loko bekungangentelani mine? Loko bekungangigulisa imizwa kakhulu ngize ngingakhoni... ngi—ngi—loko... Ungahle ukhone wena kukubeketelela, kodvwa lesosicuku lesincane sabo “Ricky” ekhatsi lapho sichubeka kanjalo, nabo “Ricketta,” benginga—benginga—bekungangihlanyisa. Niyabona na?

²²⁶ Futsi ngiyakutjela; ngi—ngi... Kube bekungaba kwami, ngiyati kutsi bengingentani. Bengitotsi, “Kuyekeleni loko noma niphume lapha.” Niyabona na? Beningaba neluhlobo lolukahle lwendzawo noma ngingabi nalo nhlobo. Kodywa wena, uma utokwentela kutiphilisa, angifuni kukubukela phansi, Mnaketfu noma Dzadze. Ngi—ngiyati kutsi kulukhuni kusho letintfo leti; kodvwa loko—loko nje... Akukalungi (uyabona na?), ngoba kwakubukeka kwangatsi kwakuluhlobo lolu...

²²⁷ Njengalomunye utsite manje ekuseni mayelana nebesifazane bakitsi bagcoka tingubo tabo tibe timfishane kakhulu, besifazane bakitsi lesebabatzala, kwakusibonelo lesibi kubodzadze labancane. Ngicabanga kutsi loko kucinisile futsi. Niyabona na?

²²⁸ Futsi ngicabanga leyontfo lefanako. Uma bakubona ekhatsi lapho konkhe lokubhema loku nekuchubeka kukhona, futsi watyi bufakazi bakho, nako konkhe lokucalekisa loku ne—nekuhamb’ubutsanisa labobantfwana labancane kanjalo, nabo bachubeka kanjalo, futsi wena ungasho lutfo nako, kuyintfo lembi ebufakazini bakho. Yenta loko iNkhosi lekuholela kuko. Ngikhulekela kutsi Nkulunkulu utokuholela endleleni lefanele.

324. Uma (s-i-h-l-a-b-a-t-s-i...) kuma elayinini kutsi ngingene ebandleni kutoba sikhumbuto nje kuphela, kutokwentekani ke uma singeke sendlule ekuHluphekeni lokukhulu? Ngabe sito—sitobonwa... fanako... kuhlupheka lokutsite na? Uma singenawubona...

Niyabona na? Ngi... Lombuto mhlawumbe unguloku. Ngitama kusheshisa; a—a—angikafaneli kwenta loko. Ngifanele ngibeke lena emuva, ngoba kunendzawo lobewungahlala kuyo li-awa (niyabona na?) futsi ku—nje kudzilitwe. Ngito—ngitokuma.

²²⁹ Bukani. Bantfu bafuna kusho loko, becabanga kutsi ba—liBandla litotitsela ekuHluphekeni lokukhulu. Niyabona na? Lingeke; Lingeke (niyabona na?), ngoba seLivele lihlengiwe.

²³⁰ Manje, libandla, e—emakholwa emtsetfo nje njengaLoti, wendlula eSikhatsini sekuhlupheka lokukhulu (niyabona na?) futsi asindziswe njengoba kwakunjalo ngemilo. Nowa wendlula khona eSikhatsini sekuhlupheka lokukhulu, wetfwalwa waba ngetulu kwako, uphuma naHamu lowonakalisa umhlaba futsi. Niyabona na? Loti waphuma, emadvodzakati akhe lucobo alala naye, futsi waba nebantfwana ngemadvodzakati akhe lucobo. Niyabona na? Kodvwa Abrahama watala iNtalo yebuKhosi, watala iNtalo yesetsembiso. Enoki waya eNkhatimulweni eluHlwitfweni, watsi kuhambahamba nje wase uya ekhaya. Akazange endlule khona eSikhatsini sekuhlupheka lokukhulu. Niyabona na?

²³¹ Nako laph'ukhona. Niyabona na? Alendluli khona, liBhayibheli lingeke ngemfanekiso... Nemifanekiso ingeke yehluleke. Niyabona na? Alibiketeli kutsi uMlobokati... Manje, libandla liyokwendlula khona eSikhatsini sekuhlupheka lokukhulu.

²³² Manje, bantfu batsi, “Kutsiwani ngalabangcwele basekucaleni na?” Loko kwakukugucuka kwetimiselo tetikhatsi. Loko kwakungaphansi kwekuhlushwa, lokukutsi kube bewulapha kuva leMinyaka yeliBandla, nekubona kutsi baphumela kanjani kulobobumnyana futsi badzingeka bakwente loko, khona-ke loko kukhombisa kutsi bebatokuyisaphi loko kuhlushwa, ngoba ngamunye weminyaka yelibandla nayo yonkhe intfo icala kukhombisa kutsi baya ngekuba mnyama ngekuba mnyama, baze ekugeineni baya endzaweni lephelele lapho baphika khona liGama laKhe base batsatsa lelinye ligama lebebatsi bayaphila kantsi bebafile, iSardesi. Bese-ke uyaphuma, iThiyathira neSardesi, wase-ke uyaphuma, wase-ke ucala kuphumela eFiladelfiya nakanjalonjalo, wase-ke ufika esikhatsini sekubitelwa ngephandle kweMlobokati lobekatophunyuka kuko konkhe kulahlwa. Lotsiwa ufanelwe kuphunyuka konkhe lokulahlwa loku nelulaka lolutako etikwemhlaba, kuze nitsiwe nifanele kuphunyuka kuko, ningendluli kuko, niphunyuke kuko. Niyabona na? Seniyacondza manje, wonkhe umuntfu na? Niyabona na?

²³³ Libandla, lelisivuvu, nomayini lengaphandle kweMlobokati lokhetstiwe iyokwendlula khona eSikhatsini sekuhlupheka

lokukhulu. Bangeke bavuke ekuvukeni kwekucala: "Labafile lebebasele abaphilanga iminyaka leyinkhulungwane," labagcotjwa-ngaphambili nje, labamiselwa ngaphambili, uMlobokati lokhetsiwe, bakhetfwa baNkulunkulu luCobo. "Ngubani, Mnaketfu Branham na?" Angati. Ngingeke nganitjela kutsi ngubani, kodvwa ngiyati kutsi kutoba khona, ngoba iNkhosi yatsi bayoba khona. Niyabona na? Bangulabo labayokwenyuka bavela ekuHluphekeni lokukhulu, kodvwa lalabasele babo bayokwendlula khona ekuHluphekeni lokukhulu, behle, futsi yonkhe intfo iyobulawa ngaphambi kwesikhatsi seminyaka leyiNkhulungwane. Bese ke la—labalungile bayophuma esikhatsini seminyaka leyiNkhulungwane futsi baphile iminyaka leyinkhulungwane.

²³⁴ Futsi emvakweminyaka leyinkhulungwane, bese-ke kwehlulela kwesiHlalo lesiMhlophe lesikhulu kuyefika, bese-ke labafile, bobabili labalungile nalabangakalungi uyavuswa. Netincwadzi tiyavulwa, neNcwadzi yekuPhila yavulwa; nalabangcwele, uMfatni neNdvodza, bahlala base behlulela live. Futsi nako kufezeka sisho: "Futsi Uyokwehlulela tive tonkhe ngentfonga yensimbi." Tonkhe tive tiyokuma phambi kwaKhe lapho, futsi Uyotehlulela ngentfonga yensimbi. Uyoohlukanisa imvu etimbutini bese utsi etimbutini, "Sukani," nasetimvini, "Wotani, nine lababusiswe nguBabe waMi."

²³⁵ Manje-ke, kuyoba nemhlangano wasenkambu walabangcwele etikwebubanti bemhlaba. NaSathane ukhululiwe ejele lakhe futsi uyahamba uyokulwa nalabangcwele futsi, kona kanye nje lalakwenta eNkhatimulweni kwasekucaleni nje. Bese-ke Nkulunkulu unisa umlilo nesibabule siphuma emazulwini, nemhlabo wonkhe uyasuswa njenge... Uyasha uyangcongca nje futsi uyabhujiswa. Nelwandle alusekho, akusekho manti, akusekho lutfo lolusele emhlaben. Kwentsabamlilo kuyofutsa futsi kusakateke futsi kuchume, nayo yonkhe lentfo...

²³⁶ "Ngase ngibona emaZulu laMasha neMhlaba loMusha: ngoba emazulu ekucala nemhlabo wekucala kwendlulile; nelwandle lwalungasekho. Mine, Johane, ngabona liDolobha leliNgewe lehla livela kuNkulunkulu liphuma eZulwini njengeMlobokati ahlotjisewle umyeni wakhe." Niyakukhumbula na? Futsi kuloMlobokati... "Bukani liTabernakeli laNkulunkulu likubantfu," naNkulunkulu uyohlala nabo etikwaleliDolobha lelimise kwesivivane tikwele temakhilomitha latinkhulungwane letine. Nasesicongweni saleliDolobha kuyobakhona kuKhanya. Amen!

O, leloDolobha etikweNtsaba iSiyoni,
Njengesihambi, noko ngisasolo ngilitsandza.
Ngiyohlangana nawe kuleyominyakanyaka,
Uma ngifika kuleloDolobha lelisegcumeni.

²³⁷ Esicongweni seNtsaba iZiyoni kuyohlala liWundlu. NaleliDolobha aliyudzinga kwasakukhanya, ngoba liWundlu likuKhanya kulo. Futsi ngetulu kweliWundlu lapho kuyoba nguBabe, lokuyi*Logosi*, Nkulunkulu, kuKhanya lokukhulu, kuKhanya lokuPhakadze lokuyokhanya nje ngetulu kwesiHlalo sebukhosи. NaJesu ngeke abe sesiHlalweni sebukhosи saBabe waKhe, Uyoba kusaKhe siHlalo sebukhosи. NaBabe uyokwengamela ngetulu kweNdvodzana, lokukutsi Babe neNdvodzana bayobaMunye. “Futsi kuyawutsi nje basakhuluma, Ngiyophendvula. Basengakacabangi nje, Ngiyabacabangela.” Kunjalo.

²³⁸ NaJesu uyonicela lophelele, umnyaka lophelele ku... Nkulunkulu lophilako lophelele, kutsi Uhlengile futsi wanikela kuBabe. Ngabe kunjalo na? Uyophendvukela kuNkulunkulu Babe lokunguMoya, hhayi umuntfu, uMoya. Yonkhe imvelo yalokuhle yabutsana ndzawonye, lowo nguNkulunkulu. Futsi ebuhleni... Manje, noma yini lephendvuketelwe isuka kulokuhle ibubi; lowo ngumbuso waSathane. Konkhe lokuhle kwaNkulunkulu. Bonkhe bubi umnikati wabo...

²³⁹ Wase-ke Nkulunkulu uba ngulophatsekako kuMuntfu lotsiwa nguJesu Khristu lobekayiNdvodzana yaKhe. LeNdvodzana yanikela ngekuPhila kwaYo kute Iletse lamanye emadvodzana, kute Nkulunkulu abe ngulobambekako, asebenta kuko konkhe kuko konkhe. “Ngalolosuku niyokwati kutsi NgikuBabe, Babe ukiMi, Mine ngikini nani nikiMi.”

²⁴⁰ O, mnaketfu, lolo luyoba lusuku loluphatsekako. Awuyudzingeka kutsi ushayelete uwele usuka eBirmingham kutokuva uMlayeto; uMlayeto uyoba natsi ngco ngalesosikhatsi awuyuba njalo yini? O, kuyokuba ngu—kuyokuba ngulesimnandzi, sikhatsi lesimnandzi. Sibuke lolosuku; Nkulunkulu lusheshise kutsi lufike.

²⁴¹ LeloDolobha lelikhulu lihleti lapho (manje, niyabona na?), aliyuba... Niyacabanga, “Emakhilomitha langemashumi lamabili nakune nemakhulu lamane kuphakama na?” Nguloko liBhayibheli lelakusho. Manje, angeke libe ngemakhilomitha langemashumi lamabili nakune nemakhulu lamane lacondze ngco kanjalo. Niyabona na? Sinesilinganiso sekwemumo welive kutsi tonkhe tinhlangotsi tiyalingana; leso sivivane. Niyabona na?

²⁴² NaleliDolobha litocala mhlawumbe cishe ngelizinga lelibanga lelingemashumi lasitfupha. Futsi uma licala, emakhilomitha langemashumi lamabili nakune nemakhulu lamane aloko, cabangani nje kutsi loko kuyophakama kanjani, kodywa kutsi kuyotsatsa sikhatsi lesingakanani kube lapho. Kuyoba lukhuni kutsi wati kutsi uhamba wenyuka ligcuma. Emakhilomitha langemashumi lamabili nakune nemakhulu lamane kuphakama ezingeni lelibanga lelingemashumi

lasitfupha, sewutsi nje awube *ngaka*. Niyabona na? NeliDolobha lonkhe kulentsaba. Futsi liphakeme nje njengoba lilidze; lidze nje njengoba libanti. Budze, ngekujula, ngebubanti, li-liyalingana; onkhe emabondza ayalingana. Sivivane sinemabondza lamane, nalamabondza lawa lamane ayoba . . .

²⁴³ Manje, emabondza kutungeleta liDolobha ayoba—ayoba ngemamitha langemashumi lasitfupha nesihlanu budze bekuya etulu, emamitha langemashumi lasikhombisa nemashumi lasitfupha, futsi ngalunye lwato litje. Cabangani nje ngaleloDolobha, bangani. O, hhe! Sihlaleleni—leni lapha kulendzawo lehisako na? Sitetani letintfo leti? Kungani sishayela kanjalo na? Kungani si—kungani sishikashikeka na? Kunekusitakala ema-intji onkhe endlela.

O, imishikashika yemgwaco iyobonakala
ingesilutfo,
Uma sengifika ekupheleni kwendlela.

Kunjalo. Futsi, o, leso kuyoba sikhatsi lesinjani pho.

²⁴⁴ Nalapho Jesu uyohlala esiHlalweni. Futsi ngaphansi kweSihlalo sebukhosи kuyogobhota umfula wekuPhila, wehlisele ematfonsi etukwetibondza letine kwakheke tigodzi letincane letine, futsi uyongena emagaleni lamancane, bese ufika ubumba umfula, bese wehla udzabula ngeliDolobha. Uyokwehla ngco udzabula emigwacweni kanjalo, futsi eluhlangotsini ngalunye kume tihlahla tekuphila letiyoletsela, noma, intjintje sitselo sayo njalo—njalo etinsukwini letingemashumi lamatsatfu. O, liDolobha lelinje pho.

²⁴⁵ Futsi khumbulani, Nkulunkulu, uMdali, lowadala emazulu nemhlaba, useNkhatimulweni khona manje ulungisa leloDolobha. Abrahama bekabuke Lona. Washiya likhaya lakhe; wehlukanisa yonkhe intfo leyayitsandzeka kuye futsi abuka. . . Ngani na? Bekangumprofethi. Futsi ngekuba ngumprofethi, bekachumene naMoya nencenye yaMoya. Futsi iNTfo letsite yamtjela ekhatsi kwakhe, “Kukhona liDolobha,” futsi wacala kuLifuna. Watsi, “Ngisihambi, nemfokati. Ngibuka liDolobha uMakhi neMenti walo nguNkulunkulu.” Bekati kutsi leloDolobha lalikhona ndzawnatsite. O, hhe! Futsi ngikholwa kutsi khona etinkhundleni lapho bekaLibuka khona, khona lapho ePhalestina, ngulapho Liyovuka khona, ngoba UseNtsabeni iZiyoni. Ngulapho Ayoba khona.

²⁴⁶ Bukani lapho Ayokwenabela khona uyongena e—elwandle, lisuka elwandle liya elwandle. Cabangani ngaleloDolobha lelingemakhilomitha langemakhulu lalishumi nesihlanu lihleti ngephandle lapho etintsabeni teNkhosi. O, loko kuyoba simangaliso!

²⁴⁷ Nengwenyama neliwundlu kuyolala ndzawonye. Ingwenyama iyodla tjani njengenkhabi. Nelibile liyoba mnene, nemphisi iyotsanjswa. Kuyoba sikhatsi lesinjani

pho! Akukho lokuyolimata noma kubhubhise; yonkhe intfo iyoba sekuthuleni naselutsandvweni. Kuguga akusayubakhona; kugula akusayubakhona, akusekho kufa.

²⁴⁸ Bafo, lena akusiyo indzaba letsite yaSanta Claus, lenye intfo letsite leyinganekwane, ibhalwe eVini. Futsi alikaze Livi lehluleke. Nekucabanga ngaso impela setsembiso se... Hhayi emuva elusukwini lweliBhayibheli, kodvwa ngalolusuku, lusuku Nkulunkulu, namuhla, akukho nalokukodvwa lokuncane impela lokuke kwehluleka kweLivi laKhe. O, ngicondze kuleloDolobha. NgiyaLitsandza, anilitsandzi yini nine?

²⁴⁹ Cha! Manje, Mnaketfu, Dzadze, selitsi kungemashumi lamabili emvakwelemfica. Ngiyati nginalabanye bangani lapha labavela entasi le eKentucky. Ngiyati nginebangani lapha labavela etincenyeni letehlukene telive. Uma nifuna kuhlala busuku bonkhe, ngitonibhadalela likamelo lenu. Nginitjelile, ninelidina lelinilindzele futsi kubhadalwe indzawo yenu ehhotela lalabahamba ngetimoto uma benifuna kuhlala. Futsi intfo kuphela lenitofanele niyente kutsi nimbone emuva lapho, futsi impela ngitokwenta. Ngitokwenta nomayini lengingayenta kutsi nginisite. Ngiyanitsandza.

²⁵⁰ Angikacondzi kona kutsi ngiphendvule lemibuto mhlawumbe ngaletinye tikhatsi kuphambene. Uma ungakukholwa, loko kulunge ngalokuphelele. Ngifuna kutsi ningitsandze ngalokufanako nje, ngoba Nkulunkulu uyati kutsi ngikwenta ngaleyondlela. Ngiphendvula kuphela lemibuto ngako konkhe kwati kwami....Ngingahle kube ngibe neliphutsa kuleminye yayo, mngani, kodvwa bewungesilo liphutsa langemabomu. Kube benginemibuto cishe lesitfupha noma lesiphohlongo, kute ngikhone nje kuhlala ngco nayo futsi nje ngiwuchaze phansi ngco, kodvwa mine, esikhundleni sekuyenta yonkhe manje....Nginalembalwa yayo mayelana nemshado nedivosi. Ngibe nje ne...ngicabange kutsi bengitophendvula lembalwa yayo. Angibange ngisayitfolia leminye lebekwe lapha, ngiyitsatsa, kodvwa nginaleminye imibuto lemcoka kakhulu lapha, imibuto lemcoka kakhulu. Ngifuna kuniphendvulela yona uma ngingakhona.

²⁵¹ Manje, uma nihlala ngakhona lapha nisondzele, bitani Billy, ngaLesitsatfu; ngitokwati ngalesosikhatsi kutsi ngabe ngitobuya yini. Ngitokhuleka kuleliviki. Kodvwa nginencumbi yetingcogciswano tangansense, o, incumbi lets iayibe *ngako*. Futsi cishe *Nginaletinengi* -Arizona kuyenta ngalolunye Iwaletinsuku leti uma ngingakhona. Futsi bantfu labagula sibili. Labanye babo banetinkinga, futsi abati nje kutsi batokwentanjani: emadvodza nebatifi banetinkinga.

²⁵² Naleminye yalena lapha idzingeke kutsi iphendvulwe ibe tingcogciswano tangansense, ngoba bengingeke ngiyifundze ivakale ngco, lokushiwo bantfu ekhatsi lapha mayelana

neludzaba lwabo lwemshado netintfo letinjalo. Futsi bengisandza kuba naBilly kutsi nje abuyelete emuva bese utfola kutsi babobani, futsi—futsi ababite, bese ubatjela kutsi sitovole nje sibabeke engcogcisanwaneni, kute ngikhulume ngayo. Leminye lematima kakhulu, futsi yimibuto lefanele iphendvulwe.

²⁵³ Ngilapha kutama kunisia, ngoba ngiyanitsandza. Nibantfwana bami lengibatele kuKhristu. Nginibita ngebami nonkhe. Nginibita ngebami kusihlwa; niginibita ngebami ngaso sonkhe sikhatsi; ngihlala niginibita njalo ngebami, naloko njengemnaketfu nabodzadzewetfu. Nibantfwana bami; ngi—ngingubabe wenu eVangelini, hhayi babe njengoba bekungaba ngumphristi, ngi—ngingubabe wenu eVangelini njengoba Pawula asho lapho. Nginittele kuKhristu, futsi manje, ngi—nginendzisela kuKhristu; loko kunetsembisela kuKhristu njengentfombi lemsulwa. Ningangenteli phansi! Ningangenteli phansi! Hlalani niyintfombi ntfo lemhophe.

²⁵⁴ “Ngitokwenta kanjani, Mnaketfu Branham?” Hlalani ngco neLivi; hlalani nihlantekile futsi nimsulwa; ningati hlanganisi ngalutfo netintfo telive. Uma lutsandvo lwalo lusenhlitiywemi yenu, utsi, “O, Jesu, ngicela ususe loko kimi. Angifuni kuba njalo.”

Manje angikacondzi kutsi ubengulomunye umuntfu nje lo—losho loku. Ngi—ngicondze kuba likholwa lelucobo. Kholwa nguJesu Khristu futsi uMphilele nsuku tonkhe. Ungenti lokubi.

²⁵⁵ Manje, incumbi yetikhatsi ngikhuluma ngenkholelo yebuCalvin. Manje, ungacabangi kutsi loko kuyakukhulula kutsi wente nomayini lofuna kuyenta. Umfo ngalolunye lusuku... Ngatsi, “Uyile yini enkonzweni?”

Watsi, “Ngiye kuyotingela.”

Lomfati wemuntfu uta kimi, futsi bekavela lakuwashwa timphahla khona kuliSontfo. Ngase ngitsi, “Awuyi ngani enkonzweni?”

Watsi, “Ngente iwashingi yami.”

Ngatsi, “Bewungakafaneli ukwente loko.”

“Yebo-ke,” watsi, “Angisuye umgcini-mtsetfo ngalokwecile lomdzala.”

Ngatsi, “Kodvwa bengicabanga kutsi bewungumKhristu.” Niyabona na? Ngatsi, “Bewati kutsi ubeka sikhubekiso endleleni yalomunye umuntfu?” Niyabona na? Ngatsi, “Ku...”

“Yebo-ke, awh, ngi—ngikholwa *nguloku*. Angidzingi kutsi ngente letotintfo. Angisuye umgcini-mtsetfo ngalokwecile.”

²⁵⁶ Yebo-ke, buka Mnaketfu, Dzadze, buka lapha. Pawula watsi, “Uma kudla inyama kubeka sikhubekiso endleleni yemzalwane wami, angeke ngisayidla inyama kuphela nje uma live lisemile.” Futsi ngicabanga kutsi bekungabancono kakhulu... .

²⁵⁷ Manje, utsi, "Mnaketfu Branham, uyatingela. Awukaze utingele ngeliSontfo na?" Ake ngikutjеле lokutsite. Hhayi... angitibhambadzi emhlane ngaloku, kodvwa ngi... Angisuye umSabatha manje, ngikholwa kutsi Moya loyiNgcwele uliSabatha letfu. Ngiyakukholwa loko, kodvwa ngikholwa kutsi sifanele sikuhloniphe loko kuvuka njengesikhumbuto. Leso sikhumbuto lengi... Uma uhlonipha nomanguluphi lusuku, hlonipha loko kuvuka.

²⁵⁸ Manje, akukhomtsetfo ekugcineni nomanguluphi lusuku lolutsite, ngoba ungena eSabatheni, kuthula, uma ungena kuYe. Nginawo lowombuto ekhatsi lapha kutsi ngiwuphendvule masinyane impela empeleni, uma iNkhosi itsandza, mayelana nekutsi yini lusuku lweliSabatha? Ngitoluchaza, Nkulunkulu atsandza.

Futsi manje caphelani, khumbulani loku. Niyabona na? Ngesikhatsi ngisengumfanyana, khona etulu lapha lapho Eichs bekahlala khona emgwacweni, Bengineminyaka cishe lelishumi nakune budzala; Ngangitsiya kutsi ngitiphilise. Intfo kuphela lengangisita ngayo kutsi sitfole sinkhwa endlini yakitsi kwakukubamba emacaca, emavondvo, ema-ophosamu.

Ngangitsanda kucupha, futsi ngangidzingeka ngikwente. Nganginya esikolweni nginuka njengelicaca, futsi nga—nganginelipheya lelilodvwa letingubo, futsi nguloko kuphela lengangikugcoka. Nguloko kuphela lenganganako. Make bekatikhumula bese uyatiwasha, ngibuye ngitigcoke; futsi manje, nganginya kanjalo ke esikolweni, umfanyana. Kodywa ngangime etulu lapho ngalolobunye busuku; ngatsi, "Nginetingibe tibekwe etulu lapho ngakaWathen, etulu ngetulu kwalapho." Ngangisuka njalo ekuseni cishe ngensimbi yesibili nco nesiketekete kutsi ngisebente letingibe leti, bese ngibuya kusenesikhatsi kute ngiye esikolweni. Ngangibamba logwaja; ngangitfolo sheleni nazuka ngawo. Ngangikhiphla libhokisi lema libhosho kuloko, futsi mhlawumbe loko kubulala bologwaja labatsatfu noma labane. Lesasingenako kutsi sente emabhiskidzi nabologwaja—ngani, lisobho lekudala kwakusihlwa, ngangitsengisa lomunye, futsi mhlawumbe ngitfoleyenele kutsi ngitsenge sinkhwa, noma lokunye kudla, noma fulawa kwenta lisobho ngaye. Angati noma naningaphila yini kanjalo noma cha.

²⁵⁹ Ngangibeka lilayini letinhlanti emfuleni; ngehle, bese ngitfolo letotinhlanti, bese ngititsengisa ngabosheleni liphawondi. Ngibeke lilayini lami letinhlanti. Ngangingenasikebhe; ngangihlamba ngiphume ngelugodvo. Ngingene emfuleni, futsi kusabandza, ngibeke libhakede lami letingibe ngephandle lapha elugodvweni nekugwedla ngigwedle ngiphume kanjalo, umtimba wami longcunu emfuleni, bese ngigijimisa le... Nganginentsambo ngalapha, ngibophele tinhlanti tami. Labobhabhuli labadzala bangishaya ngetigwedlo

emlenteni ngisolo nje ngihamba kanjalo, bese ngibeka umsundvu wami e . . .

²⁶⁰ Kodvwa bukani, busuku lobunengi ngiphumele kulowomfula ngensimbi yelishumi nakunye bese ngitsintsitsa tonkhe ticucu temsundvu ngitisuse kulelodweba. Uma ngingeke ngabamba letenele ngetinsuku letisifupha, ngangingayifuni lefika ngelesikhombisa. Ngime lapho emvuleni.

²⁶¹ Busuku bunye nje ngingatibona nje ngisemile, ngeyeme . . . Ngangisoni; kodvwa ngangimile, ngeyeme esigcotjeni kanjena, umnyango. O, laliyidliva litulu, cishe edvute nensimbi yelishumi nakunye nco. Ngatsi, "Ngitophuta kusihlwa, kodvwa ngiyahamba bese ngivumbula tonkhe letotingibe. Angeke ngiyibambe ngeliSabatha." Ngatsi, "Angeke—angeke ngetsiye labosochaka." Nkulunkulu wakuhlonipha loko.

²⁶² Ngiyakhumbula ngesikhatsi nangifuna njalo, njalo, yonkhe imphilo yami ngangifuna kuba ngumtingeli. Mkhulu wami bekanguye. Niyati, gogo wami uphuma etabelweni; bekahola impenisheni. Ngiyayitsandza nje imphilo yekuphumela ngaphandle.

²⁶³ Futsi ngiyakhumbula kutsi ngangihlala njalo ngifuna . . . Nga—ngangifuna nje yonkhe imphilo yami . . . Ngacabanga kutsi uma ngangingake ngize ngibe nemali leyenele ngite ngikhone kuba nesibhamu lesikhulu i .30-30 . . . Uma ngangingake ngize ngikwente, bese-ke ngitfola sicuku setingibe. Ngitokuya etintsabeni; ngiyoyekela konkhe kwelive kutihambele. Ngacabanga, "Mhlawumbe ngalesinye sikhatsi uma ngitotsatsa sibhamu sami i.22 bese ngifundza kuba ngumnembi, lomunye umtingeli ngalesinye sikhatsi uyofuna sihambisane. Uma ngitfola kuba ngumnembi, uyongibamba ngihambisane naye kutsi ngimvikele; ngiyohamba ngiyotingela." Ngiyabuka, kulenga emabondzeni ami, netibhamu letinkhulu naletendlula tonkhe imali lengatitsenga silenga lapho, ngize ngiboleke bantfu tibhamu letinkhulu kutsi bayotingela.

²⁶⁴ Ungivumela ngiyongena etintsabeni futsi ngishumayele, nalabanye bebabapheleketeli lababendlula bonkhe lokhona eveni ungiyisa ekutingeleni, mahhala. "Umusa lomangalisako, umsindvo lomnandzi kangaka."

²⁶⁵ Ngesikhatsi ngi . . . Ngisho namanje ekuseni, umtingeli lomdzala wetindluzele lapha ndzawanatsite ane .35 Remington, bengingasidzingi impela sibhamu lesikhulu, kodvwa wangigaca, watsi sewuguge kakhulu kutsi angatingela, "Ngifuna kukunika sibhamu sami lesikhulu." Ngacabanga ngaloko ngisengumfanyana, kanjani, uma ngangiyoke ngicabange kutsi ngiyoba nesibhamu lesikhulu kanjalo, o, hhe, kwakuyoba njani. Futsi manje, ngiyacabanga nje, kulenga laphaya elubondzeni lwami, tibhamu letinkhulu letinhle, tindzawo tekuyotingela.

²⁶⁶ Ngiyakhumbula ngiphuma, nebatfana bebatsenga i-khoni ye-ayisikhrimu. Futsi ngaletinye tikhatsi labanye babo bebanabozuka labecile futsi bangitsengele sinye. Hhe, ngangingakwati kubuye ngibatsengele sinye. Ngacabanga, “Uma ngi...”

²⁶⁷ Futsi ngaletinye tikhatsi bebavamise kutsenga loko lokudzala, lesasikubita ngema “mudlark hembhega.” Angati noma niyakhumbula noma cha, kodywa labanye benu bantfu labadzala... Uyitfola ngazuka, yonkhe incumbi yabo-anyanisi labatfosiwe nayo. O, ngiyatitsandza letotintfo. Umntfwanyana sasingena... Sinkhwa semmbila nje nabotiligi (niyati kutsi kunjani) kudla.

²⁶⁸ Manje, lomunye bekangitsengela lenye yema-hembhega, futsi mfana, ngangikhotsa imino yami lapho lengangiyibambe khona. Kwaku—kwaku... inambitseka kamnandzi kabi. Futsi ngacabanga, “Mfana, leyandvodza, kube kuphela nje bengingayitsengela ihembhega.” Futsi manje, ngingatsengela libandla kudla kwabo kwakusihlwa.

²⁶⁹ Ngiyatikhumbula tonkhe letotintfo, futsi kwavelaphi na? Umusa waNkulunkulu, akukho lengakwenta.

²⁷⁰ Ngiyakhumbula ngehla ngemgwaco lapha ngase ngikhulumu nalomunye. Babe wami, nonkhe niyakwati, bekanatsa; bekenta inkantini. Naloko... akekho lobekanendzaba nami. Ngangehla ngemgwaco futsi ngitame kukhulumu nemadvodza; ngisahlangana nawo lawomadvodza namuhla. Ngitame kukhulumu nemuntfu, uma angekho lomunye umuntfu lengingakhulumu naye, bebema, “Ya, uh-huh.” Niyabona na? NganginguBranham.

²⁷¹ Ngako, ngangiphatseka kabi kabi impela, futsi ngijke, bese ngiyesuka ngihambe. Ngacabanga, “Anginacala laloko. Angikenti loko lokwentiwa ngubabe wami. Angikaze nhlobo nginatse emphilweni yami. Kungani ngifanele ngimele loko na?” Futsi ngangitjela umkami lapha kungesiko kadzeni, “Ngize ngacishe ngadzingeka kutsi nighlale ngephandle kwelidolobha.” Nkulunkulu ubemuhle kimi.

²⁷² Ngacabanga laphaya lapho atjela khona Nathani ahleti lapho ngalesinye sikhatsi. Nathani... Davide watsi, “Kulungile yini kimi kutsi nighlale endlini yemisedari nemphongolo waNkulunkulu wami ungaphansi kwelithende ngephandle lapho umbonyiwe.” U...

Nathani, umprofethi, watsi, “Davide, yenta konkhe lokusenhlitiyeweni yakho, ngoba Nkulunkulu unawe.” Lomprofethi wenta liphutsa, hhayi ngemabomu.

Ngalobo busuku iNkhosi yefika kumprofethi, yatsi, “Hamba utjele inceku yami Davide kutsi, ‘Ngamtsatsa eddelweni letimvu, elusa letotimvu letimbawha ngephandle lapho; futsi Ngimnika ligama njengemadvodza lamakhulu lasemhlabeni. (Akazange

atsi Wamnika ligama lelikhulu kunawo onkhe, Umnika nje ligama njengalamakhulu lobekasemhlaben.) Ngikwentele tonkhe letintfo leti, Davide. Ngincume titsa takho nokumaphi lapho uye khona. Bengisedvute nawe. Angikaze ngehluleke kuwe, futsi Angeke ngehluleke ngawe. Kodvwa Ngingeke ngakuvumela kutsi wakhe lelidolobha.”

²⁷³ Ngacabanga ngaloko, ngendzawo manje lapho Nkulunkulu angisite khona futsi angatise emadvodza lamakhulu, wangivumela ngajikeleta umhlabu. Nebantfu labavela emhlabeni jikelele bashayela kuta kutsi bakhulekelwe, nebantfu labagulako, futsi bafuna imizuzu lembalwa nawe, lapho nje iminyaka lembalwa leyendlulile bebangajikeli ngisho... bebajikisa inhloko yabo kutsi bangibone esitaladini. Futsi manje, somabhzinisi uphumelela ngebantfu lengibaletsa edolobheni futsi ngibe nabo lapha, ngekudla kwabo netikweneti tabo tasehhotela lalabahamba ngetimoto, netintfo letinjalo, kubene... baya emahhotela alabahamba ngetimoto nangakhona edolobheni netintfo letinjalo.

²⁷⁴ Bantfu laba... Bantfu bebangangitsandzi nhlobo; akukho muntfu lobekanekungisebentisa. Futsi manje, ngelusito lwaNkulunkulu, ngikhola kutsi ngicondzisa umlobokati waJesu Khristu. O. “Umusa lomangalisako, umsindvo lomnandzi kangaka.”

²⁷⁵ Kwavelaphi na? Imfundvo yami na? Anginayo. Kwavelaphi na? Sitfunti sami? Anginaso. Ngabe kwavela ekwatini kwami isayensi yetenkholo na? Angati nayinye. Kwafikaphi na? Umusa waNkulunkulu lowangisindzisa.

Ngumusa lowafundzisa inhlitiyo yami
kwesaba,
Ngumusa kwesaba kwami kukhululiwe;
Ujabule kakhulu kangakanani lowomusa pho,
Ngeli-awa lengacala kukholwa ngalo!

Etingotini letinengi, netinhlupheko,
nakubosochaka,
Sengivele ngifikile;
Ngumusa lote wangifikisa ngekuphepha
lapha,
Ngumusa loyongiyisa eKhaya.

Futsi lapho sesibe lapho kuleloDolobha
iminyaka letinkhulungwane letilishumi,
Lelikhanya kakhu kwendlula lilanga;
Singeke sibe nesikhatsi lesincane sekuhlabela
indvumiso yaKhe,
Kunangesikhatsi sicala kwekucala.

O, ngimtsandza kangaka pho Jesu, leloGama lelihle
lelangisindzisa ngesikhatsi ngi—ngisoni, lowangiphilisa
ngesikhatsi ngigula, longinika setsembiso selikhaya

kuleloDolobha. Nginelikhaya kuleloDvwala. Akukho lokunye lokumcoka manje kodvwa kutfola kuhlanganisa bonkhe labantfwana bakaNkulunkulu ndzawonye futsi ngitsi, "Asambeni." Li-awa, likhatsi nebusuku liyagadla; sekuhambe sikhatsi kakhulu kunalelesikucabangako. Asikhuleke.

²⁷⁶ Nkhosi Jesu, kuvala kwelusuku loluphelele...Njengoba besingema esicongweni sentsaba bese sibuka lilanga, lapho imishi lebovu yenyuka incamula etintsabeni letinkhulu tasenshonalanga ngaley, lapho liso lelikhulu litivala lona, tinyoni ticala kwenta indlela yato leya esidlekeni, sekuta busuku. Sibone lolunye lusuku lolukhulu lwakaMoya lapho Moya loyiNgewe bekasisita khona kutsi siphendvule lemibuto. Manje, sesiya esidlekeni setfu, Nkhosi. Sinakekele; ungavumeli lutfo lusishaye, Nkhosi. Siphephise etinyokeni tasebusuku nebubi. Kwangatsi Nkulunkulu angaba sedvute natsi ngato tonkhe tikhatsi, asivikela futsi asisita.

²⁷⁷ Ngiyakhuleka, Babe loseZulwini, kutsi Utobusisa wonkhe wonkhe lobekalamhlanganweni, labo labangakaphumeleli, wonkhe lova lamatheyiphu. Kwangatsi lemibuto ingete yacina kakhulu. Futsi uma ngente liphutsa, Nkhosi, Uyayati inhlitiyo yami; bengingakacondzi. Ngiyakhuleka, Nkulunkulu, uma kukhona lokungalungi, kutsi Angeke uze, ngeke nhlobo ukuvumele kuchubeke; kwangatsi letheyiphu ingema. Ungangivumeli ngidukise nomangubani, Nkhosi. Angibe yinceku yaKho yeliciniso, ngoba leso sifiso sami sonkhe senhlitiyo. Nomangabe ngiyaphila noma ngifa, noma ngabe ngiyalibala noma ngabe ngiyachubeka, nomangabe ngiyalala noma ngabe ngivukile uma Efika, akunandzaba kimi, Babe, intsando yaKho ayentiwe. "Ngoba ngiyati kutsi uMhlenji wami uyaphila, futsi ngetinsuku tekugcina Uyokuma etikwalomhlabo. Futsi noma emvakwekuba tibungu tesikhumba setibhubhise lomtimba, noko enyameni yami ngiyombona Nkulunkulu." Lowo kwakungumprofethi Jobe ngesikhatsi abone kubuya kweNkhosi.

²⁷⁸ Futsi, Nkhosi, namuhla njengetinceku taKho, sibuka phambilu futsi sibona kufika kwaKho. Ngako akunandzaba kitsi, Nkhosi, nini, kanjani, kuphi. Sifuna kuphela kutfokotisa Wena. Sisetandleni taKho. Sigmene, Nkhosi, kute kuphume lilanga. Siphe kona, siyobese-ke sonkhe sesimashela etulu eZiyoni lapho leloDolobha lapho liWundlu likuKhanya khona.

²⁷⁹ Bantfwana bami labancane labatsandzekako lapha, Nkhosi, lengibatalele Wena ngetibopho teliBhayibheli, basitselo saleLivi. Bayangitsanza, nami ngiyabatsandza. Futsi ngiyati kutsi Usitsanza sonkhe. Siyakhuleka, Nkulunkulu, kutsi Utosikhuleisa kakhulu ngeLivi laKho kute sibone Yena kuphela. Siphe kona, Nkhosi. Kwangatsi singagcwala kakhulu Livi laKhe kute uMoya ukhone kusisebentisa noma ngukuphi noma kuyiphi indzawo kubonakalisa nomanguliphi Livi

Laletsembisile. Siphe loko sonkhe. Lapha etikwaletetsameli lapha leti...

²⁸⁰ UMnaketfu Jackson uyabuya manje, emuva le phansi kuyongena eNingizimu Africa. Hamba naye nemkakhe; ube nabo, Nkhosi. Bahole eluhambeni lwabo.

²⁸¹ Nankhu umbhalo weMnaketfu Lee Vayle, abhala phansi onkhe emagama lengiwashoko, atama kwenta incwadzi. O, Nkulunkulu, sita uMnaketfu Vayle naDzadze Vayle.

²⁸² Naba lababanaketfu labavela entasi e—e-Arkansas, na—nabomnaketfu bakaMartin, na—nabobonkhe balaba labanye bomnaketfu. Ngikhulekela kutsi Utoba nabo bonkhe.

²⁸³ Bani neMnaketfu Neville, uMnaketfu Capps, uMnaketfu Ruddell, uMnaketfu Jackson, bonkhe. O, Nkulunkulu, kunalabanengi. Bavela eGeorgia, e-Alabama, nasessifundzeni sonkhe nasemhlabenji jikelele. Sicabanga ngeliculo:

O, bavela eMphumalanga naseNshonalanga,
Bavela eveni lelikhashane,
Kutodla lidzili neNkhosi yetfu, kutodla
njengetimenywa taKhe;

Utimemele kuba tihlanganyele naYe.

Tibusiswe kanjani pho letihambi leti!
Babuka buso baKhe lobungcwele,
Bukhatimula ngelutsandvo lwebuNkulunkulu;
Bahlanganyeli labaBusisiwe bemusa waKhe,
Njengematjana laligugu emcheleni waKhe
bayokhanya.

²⁸⁴ O, Nkulunkulu, kwangatsi singakhanya kakhulu njengemagugu emcheleni waKhe, labanye bakwati kubona futsi balangatelele kuMkhonta. Siphe kona, Nkhosi. Bavikele emgwacweni. Busisa wonkhe umuntfu.

²⁸⁵ Futsi Babe, ngesikhatsi lesikhoniwe... Ngiyinceku yakho. Uma nifuna ngichube lena ngeliviki lelitako noma kutsatsa lettingcociswano leti, yembula kimi, Nkhosi, futsi ngivumele ngati emkhatsini kwamanje nangaLesitsatfu kuze sicondz. Siphe kona, Babe, kute bantfu bete. Futsi ngiyakhuleka lesibusiso lesi kutsi Utosisita futsi—futsi uhangane natsi futsi lapha ngesikhatsi setfu lesilandzelako sekubonana.

²⁸⁶ Bani neMnaketfu Neville nalamadvodza lawa laletsa Livi lehlele le eTexas, nangaphandle ekhatsi e-Arkansas, netindzawo letehlukene; bani nabo nje, Babe. UMnaketfu Pearry Green nalo lonkhe licembu lapho, futsi nje bani nabo bonkhe, Nkhosi; babantfwana baKho labancane. Ndzawo tonkhe emhlabenji jikelele balindzele kubuya kwaKho. Sisite, Babe siyakhuleka, njengoba sitinikela kuWe. EGameni laJesu sisebentise. Amen.

²⁸⁷ Ngiyalitsandza leloculo, *BaVela EMphumalanga naseNshonalanga*. Bangakhi lolatiko lelo? Angati njengoba

ngilati, kodywa ngicabanga kutsi ngati livesi. Ungahle ulitsatse, Dzadze. Angati noma bangalitfolo yini.

O, bavela eMphumalanga naseNshonalanga,
 Bavela eveni lelikhashane,
 Kutodla lidzili neNkhosi yetfu, kutodla
 njengetimenywa taKhe;
 Tibusiswe kanjani pho letihambi leti!
 O, babuka buso baKhe lobungcwele,
 Bukhatimula ngelutsandvo lwebuNkulunkulu;
 Bahlanganyeli lababusisiwe bemusa waKhe,
 Njengematjana laligugu emcheleni waKhe
 bayokhanya.

O, Jesu uyabuya masinyane,
 Tinkhatsato tefu tiyobe ke setiphelile.
 O, singatsini uma iNkhosi yetfu ingafika
 kulomzuzu
 Kulabo labakhululiwe esonweni?
 O, khona-ke kuyoniletsela injabulo kuwe,
 Noma lusizi nekulahlekelwa litsema
 lokujulile?
 Lapho iNkhosi iyovela eNkhatimulweni,
 Siyohlangana naYo emoyeni.

Niyakutsanda loko na? Asilitame futsi.

O, batovela eMphumalanga naseNshonalanga,
 O, bavela eveni lelikhashane,
 Kutodla lidzili neNkhosi yetfu, Kutodla
 njengetimenywa taKhe,
 Tibusiswe kanjani pho letihambi leti!
 Babuka buso baKhe lobungcwele,
 Bukhatimula ngelutsandvo lwebuNkulunkulu;
 O, bahlanganyeli lababusisiwe bemusa waKhe,
 Njengematjana laligugu emcheleni waKhe
 bayokhanya.

O, Jesu uyabuya masinyane,
 Tinkhatsato tefu tiyobe ke setiphelile.
 O, singatsini uma iNkhosi yetfu ingafika
 kulomzuzu
 Kulabo labakhululiwe esonweni?
 O, ngabe kutoletsela injabulo yini,
 Noma lusizi nekulahlekelwa litsema
 lokujulile?
 Lapho iNkhosi iyovela eNkhatimulweni
 Siyohlangana Naye emoyeni.

Bangakhi labafuna kuhlangana Naye etulu Lapho? O, hhe!

O, Jesu uyabuya masinyane,
 Vala nje emehlo akho bese utibona uva kukhala
 kwelicilongo.

Tinkhatsato tefu tiyobe ke setiphelile.
 O, singatsini uma iNkhosi yetfu ingafika
 kulomzuzu
 Kulabo labakhululiwe esonweni?
 O, ngabe kutoletsela injabulo yini,
 Noma lusizi nekulahlekelwa litsema
 lokujulile?
 Lapho iNkhosi yetfu iyovela eNkhatimulweni,
 Siyohlangana naYo emoyeni.

²⁸⁸ Niyakutsandza loko na? Pat, mani sibindzi! Kutokaza
 kuwe ngalokunye kwalokusa loku. Angibonanga nje kutsi kuye
 ngakuphi, kodvwa bekubukeka kukuhle. Amen! Unalessidze,
 sikhatsi lesidze, mnaketfu, kutobuya. “Futsi njengesinkhwa
 etikwemanti kuyobuyela kuwe ngalelinye lilanga.” Loko
 kunjalo. Kulungile.

O, niyaMtsandza na?

Lukholo lwami lubuka etulu kuWe,
 Wena Wundlu laseKhalvari,
 O, Msindzisi webuNkulunkulu;
 Manje ngive ngisakhuleka,
 Susa tonkhe tono tami,
 Ungangivumeli ngike ngiduke
 Kusuka eceleni kuWe.

Lapho nginyatsela ekudidekeni lokumnyama
 kwemphilo,
 Netinsizi tandza nhlangotsi tonkhe kimi,
 Bani Wena nguMholi wami;
 Yala bumnyama bube lilanga,
 Sula kwesaba kwekudzabuka kukhweshe,
 O akutsi mine kusukela namuhla
 Ngibe waKho ngako konkhe!

Anikutsandzi loko na?

Lukholo lwami lubuka etulu kuWe,
 Wena Wundlu laseKhalvari,
 O, Msindzisi webuNkulunkulu;
 Manje ngive ngisakhuleka,
 Susa sonkhe sono sami,
 Ungangivumeli ngike ngiduke kusukela
 Kusuka eceleni kuWe.

Libusisiwe lifindvo lelibopha (O, hhe!)
 Tinhliyiyo tefu elutsandvweni lwebuKhristu;
 Inhlanguyelo yemcondvo webuhlobo
 Injengaloko lokungeTulu.

EmbikweSihlalo sebukhosи saBabe wetfu
 Sitfulula umkhuleko wetfu lovutsako;

Kwesaba kwetfu, ematsema etfu, tinhloso
tetfu kunye,
Tindvudvuto tetfu neminako yetfu.

Kodvwa uma sesehlukana,
Kusinika buhlungu bangekhatsi;
Kodvwa siyosolo sihlangene enhlitiywani,
Futsi setsema kuphindze sibonane futsi.

²⁸⁹ Dzadze Wilson, niyakhumbula cishe eminyakeni lengemashumi lamatsatfu nakutsatfu noma emashumi lamatsatfu nesihlanu leyendlulile emhlanganweni lowawusendlini leyayiyincane sibambane ngetandla na? Bengati kutsi uyakukhumbula loko. O, ake selule tandla manje bese ubamba lomunye ngesandla.

Libusisiwe lifindvo lelibophako
Tinhlitiyo tetfu elutsandvweni lwebuKhristu;
Inhlanganyelo yemcondvo webuhlobo
Injengaloko lokungeTulu.

EmbikweSihlalo sebukhosi saBabe wetfu
Sitfulula umkhuleko wetfu lovutsako;
Kwesaba kwetfu, ematsema etfu, tinhloso
tetfu kunye,
Tindvudvuto tetfu neminako yetfu.

Uma sehlukana incenye,
Kusinika buhlungu bangekhatsi;
Kodvwa siyosolo sihlangene enhlitiywani,
Futsi setsema kuphindze sibonane futsi.

Niyatsandzana na? “Bantfwana labancane, tsandzanani.”

Site sibonane! site sibonane!
Site sibonane etinyaweni taJesu;
Site sibonane! site sibonane!
Nkulunkulu abe nani site sibonane futsi!

²⁹⁰ NiyaMtsandza yini? Akamangalisi yini Yena? Niyatsandzana lomunye nalomunye? Yelula sandla eceleni kwakho, usho lokutsite kulomunye. Utsi, “Nkulunkulu akubusise, mnaketfu. Akabusise, dzadze.”

²⁹¹ Basilalele kusihlwa ngesheya kwemfula ngaley, Dzadze Wilson. Sengiyambona uMnaketfu Seward lomdzala ahamba phansi, ashaya tandla. Ngibone umzalwane wetfu lapha emuva lapho nesilevu ebusweni bakhe aphakamisa tandla takhe, advumisa Nkulunkulu; ngicabange ngeMnaketfu Ryan, kutsi bekahlala kanjani khona ngalapho etabernakeli lelidzala nesilevu sakhe sisidze kanjalo. Ulalele kusihlwa emasangweni aseNkhatimulwani, longcwele lomdzala lotsandzekako. Akamangalisi yini Yena?

Hamba neliGama laJesu,
 Mntfwana welusizi newamaye;
 Liyokunika injabulo nendvudvuto,
 O, Litsatse noma uyaphi.

Gama leliligugu, O limnandzi kangaka!
 Tsemба lemhlaba nekwetsaba kweliZulu,
 Gama leliligugu, O limnandzi kangaka!
 Tsemба lemhlaba nekwetsaba kweliZulu.

Manje, wena hamba neligama laJesu. (Leni?)
 NjengeLihawu kubobonkhe bosochaka;
 (Kwentekani na?)
 Uma tilingo tikutungeleta,
 Phefumula leloGama leliNgewe
 ngemkhuleko.

Gama leliligugu, O limnandzi kangaka!
 Tsemба lemhlaba ne... .

O, Jesu, basite ngiyakhuleka...?...Baphilise, Nkhosi,
 kuJesu...?...kwakho yini loku futsi...?...

Tsemба lemhlaba nekwetsaba kweliZulu.

Yintfombatanyana yakho? Yinhle.

²⁹² Kwetingcogcisiwano: Billy utsite akubonganwe naye emkhatsini wamanje nangaLesitsatfu kwetingcogcisiwano noma kusukela ngaLesitsatfu kuchubeke kute kube ngeMgcibelo kwetingcogcisiwano letitako, nomangabe...Uma singenayo imihlangano emvakwaLesitsatfu, uhlole kuye, nine leninetingcogcisiwano. Labanye benu, akati kutsi anganifola kanjani. Ngako utawu...Wonkhe lowo lofuna tingcogcisiwano manje, bonanani naBilly.

²⁹³ NiyaMtsandza na? Kulungile. Manje, site sibonane, Nkulunkulu anibusise. Sifuna kukhotsamisa tinhloko tetfu; futsi ngitocela wami lolungile, umngani lotsembekile, loyowela tilwandle manje, kuya entasi le e-Africa, lapho ngake ngenta umsebenti wekuba sitfunywa senkholo lapho ngeliGama leNkhosi, uMnaketfu Sidney Jackson, yena nemkakhe... Besijabule kakhulu kutsi babenatsi kuletinkonzo leti letimbalwa letendlulile. Kutsi Nkulunkulu umbusise kanjani pho. Futsi ngitocela uMnaketfu Sidney Jackson uma atokhulula letetsameli leti ngemkhuleko. Mnaketfu Jackson, uma utsandza.



IMIBUTO NE TIMPHENDVULO SSW64-0823E

(Questions and Answers)

TINSHUMAYELO NGEKUTIPHATS, INCHUBO NEMFUNDZISO YELIBANDLA

LoMlayeto ngeMnaketfu William Marrion Branham, kwekucala wetfulwa ngesiNgisi ngeliSontfo kusihlwa, ngenyanga yeNgci 23, 1964, eTabernakeli laBranham eJeffersonville, eIndiana, eU.S.A., utsatselwe ekucopheni kwetheyiphu lenamazibuthe futsi wakhicitwa ungakafinyetwa ngesiNgisi. Loku kuhunyushwa ngeSiSwati kwakhicitwa kwakhishwa yiVoice Of God Recordings.

SWATI

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Inotsisi yelilungelo lemtsetfo

Onkhe emalungelo agodliwe. Lencwadzi ingaprintwa ngeprinta yasekhaya yentelwe kutsi umuntfu atisebentisele yena noma kutsi iniketwe labanye, mahhala, njengelithulusi lekusabalalisa liVangeli laJesu Khristu. Lencwadzi akukamele itsengiswe, iphindze ikhicitwe tibetinengi, iposwe kuwebsayithi, igcinwe ngeluhlelo lwekutsi iphindze itfolakale, ihunyushelwe kuletinye tilwimi, noma isetjentiselwe kuticelela timali ngaphandle kwemvumo lebhaliwe lecondzile ye Voice Of God Recordings®.

Mayelana nelwati lolwenetiwe noma lwalwenye impahla lekhona, sita uchumane ne:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org